



## Հայկական գիտահետազոտական հանգույց Armenian Research & Academic Repository



Սույն աշխատանքն արտոնագրված է «Ստեղծագործական համայնքներ  
ոչ առևտրային իրավասություն 3.0» արտոնագրով

**This work is licensed under a Creative Commons Attribution-NonComercial  
3.0 Unported (CC BY-NC 3.0) license.**

Դու կարող ես.

պատճենել և տարածել նյութը ցանկացած ձևաչափով կամ կրիչով  
ձևափոխել կամ օգտագործել առկա նյութը ստեղծելու համար նորը

You are free to:

**Share** — copy and redistribute the material in any medium or format

**Adapt** — remix, transform, and build upon the material

491.99-8

L-61

3680

1918

1918


**ВОЗВРАТИТЕ КНИГУ НЕ ПОЗЖЕ**  
**обозначенного здесь срока**

2010

62002

491.542-8  
L-61

# ЦИНИЦАРЬ



СУПРУГИ

491.542-8  
428  
107-LH  
L 61  
ՄՐ.

# ԼՈՒՍԱԲԵՐ

Բ. ՏԱՐԻ

Կ ա զ մ ե ց ի շ

ԱՏ. ԼԻՍԻՑԵԱՆ, ՅՈՎՃ. ԹՈՒՄԱՆՅԱՆ ԽԱՆԱՀԱՅԻ

8746




ՏԱՄՆԵՐԿՈՒԵՐՈՐԴ ՏԻՊ



Մեր ինքնուրոյն եւ փոխադրած յօդածների, ինչպէս եւ մեր նկարների  
արտատպութեան իրաւոնքը վերապահած է

Թ ի Ֆ լ ի ս  
Տպարան „ԱՅԻՖԱՐԱՐ“ Գոլովինսկի պրոսպ. № 39  
1918



## ԼՈՒՍԱԲԵՐ

ԵՐԿՐՈՐԴ ՏԱՐԻ

### 1. Առաւտու

Հաւը խօսեց երեք բերան։

— Ե՞յ քնածներ, ծուղուղնե,  
բացւեց կարմիր աղօթարան,  
ժամանակ է զարթնելու։

Չարն ու չարկամ մութ խաւարին,  
խաւարն անցաւ չար ու վատ,  
աշխարհ լըցւեց լուսն ու բարին,  
լուսն ու բարին անարատ։

Խաւարը ինչո՞ւ է չար, լուսը ինչո՞ւ բարի։

---

### 2. Դպրոցի ճամփան

Զմեռւայ բուքին, սառնամանիքին,  
դպրոցի ճամփան  
գժւար է, երկար՝ շատնըրի համար։

Զւարթ գարունքին, երգին ու ծաղկին,  
դպրոցի ճամփան  
կարճ է, դիւրալի, կարծես աւելի.  
Իսկ ով սէր ունի, ինձ պէս, ուսումի,  
դպրոցի ճամփան  
միշտ կարճ է, սիրուն, ձըմեռ թէ գարուն:


### 3. Աստծու սեղանը

1.

Գարնանը բարի Աստւածն ասաւ.  
—Սեղան բաց արէք փոքրիկ ճիճուների համար:  
Եւ իսկոյն կեռասենին ծածկւեց կանաչ տերևով:  
Զարթնեց փոքրիկ ճիճուն, սկսեց կրծել թարմ տերևները  
ու ասաւ.  
—Ո՞վ է պատրաստել ինձ համար այս հրաշալի սեղանը:

2.

Բարի Աստւածը նորից ասաւ.  
—Սեղան բաց արէք ժիր մեղւի համար:  
Եւ իսկոյն կեռասենին բաց արաւիր սպիտակ ծաղիկները:



Մեղուն զարթնեց արշալուսին ու տրզտըզալով թռաւ դէպի կեռասենին. Թոշում էր ծաղկից ծաղիկ ու ամենքից մի մի կաթիլ ծծում:

—Ա՛խ, ինչ անուշ խմիչք է, —մտածում էր նա իր փեթակը շտապելով, —էս ով է պատրաստել ինձ համար:

3.

Եկաւ ամառը: Ու բարի Աստւածն ասաւ.  
—Սեղան բաց արէք փոքրիկ թոշուների համար:  
Եւ կեռասենու վրա երևացին թարմ ու կարմիր պտուղները: Ուտում էին փոքրիկ թոշնակներն ու խաղում:  
—Ա՛խ, ինչ լիքը սեղան է. էս ով է բաց արել մեզ համար:



4.

Աշնանը բարի Աստւածն ասաւ.  
—Ամենը լիացան. վեր քաղեցէք սեղանը:  
Ու վեր կացաւ սառը քամին, թափեց տարաւ զեղնած տերևները. Տկլոր կեռասենին դողում էր ցրտից:  
—Ծածկեցէք դրան, որ չը մըսի, —ասաւ բարի Աստւածը:  
Ու եկաւ ձմեռը, փափուկ ճիւնով ծածկեց կեռասենու մերկ ճիւղերը:

1) Ո՞րն է մարդու սեղանը:

2) Ո՞վ է բաց անում մարդու սեղանը:

3) Ո՞րոնք են տարւայ ամիսները եւ որը որ եղանակին է ընկնում:

**Շուտասելուկ.** —Մեր գուանը տասը ծանը-ծանը տանձի ծառ:  
Զեր գուանն էլ տասը ծանը-ծանը տանձի ծառ:

## 4. Հովի հրամելուր

Մնաք բարով, դուք, արօտներ սիրուն,  
ամառն անց կացաւ, հօտն իջնում է տուն:

Մենք ետ կը գանք ձեզ նորեկ գարունքին,  
երբ զարթնեն ուրախ երգերը կըրկին,  
երբ որ սարերը զուգւեն կանաչով,  
երբ որ ջրերը վազեն կարկաչով:

Մնաք բարով, դուք արօտներ սիրուն,  
ամառն անց կացաւ, հօտն իջնում է տուն,

1) Հովից ինչո՞ւ է աշնանը սարից հեռանամ:

2) Հոտը որտեղ է անց կացնում ձմեռը:

## 5. Ծիծեռնակների չուն

1.

Աշունը մօտենում էր:

Ծիծեռնակները ամեն իրիկուն հաւաքւում էին, շարւում  
մի կտուրի ծայրին կամ մի պարանի վրա ու անհանգիստ ծըլ-  
ւըլում:

—Տեսնում էք, —խօսում էր մէկը, —ինչպէս խոտը դե-  
նել է: Ամբողջ օրը դէս ընկայ, հազիւ մի քանի թի-  
թեռ ճարեցի:

—Ել մի ասի, —ասում էր միւսը. —տերեները թափւում  
են, ծառերը մերկանում, եղէզները չորանում են, մժղուկ-  
ները չեն երևում. Լաւ է՝ զոնէ աղբանոցներում դեռ ճանձեր  
են դժվարում:

—Բայց օրը, օրը ինչ կարճացել է, —թերը թափ տա-  
լով մէջ մտաւ երրորդը: —Դեռ կշտացած չես լինում, մէկ էլ

տեսար մթնեց: Գիշերներն էլ էնպէս ցնւրտ է լինում:  
Էնպէս հաւաքւում ու գանգատուում էին ծիծեռնակները:

2.

Մի իրիկուն էլ բոլոր ծիծեռնակները ժողովւեցին բարձր  
զանգակատան զլիխն: Այնքան էին, որ զանգակատունը սկին  
էր տալի:

—Զէ, չէ, —ասում էին ծերերը. —Էլ դիմանալու բան չի:  
Մի քիչ էլ որ մնանք, սովից կը կոտորւենք:

—Բա ինչ անենք, —մոլորւած հարցնում էին ջահելները:

—Պիտի չւենք, —յայտնեցին մեծերը:

Այդ զիշերը ծիծեռնակները բոլորը միասին անց կացրին  
եկեղեցու գմբէթին. Իսկ առաւօտը, վաղ լուսաբացին, ամ-  
բողջ երամը վեր կացաւ ու պտոյտներ արաւ տների գլխին  
ճռւողելով:

—Մնաք բարով, մեր սիրունիկ բնիկներ, —կանչում էին  
ծերերը:

—Մնաք բարով, մեր փափուկ օրօքաններ, —կանչում էին  
ջահելները:

Ու բոլորը միասին սլացան դէպի վեր, բարձր, բարձր,  
ու ձգւեցին դէպի հարաւ, դէպի տաք երկիրները:

Բարի ճանապարհ, բարի ծիծեռնակներ:

1) Էլ ինչ չող թոշուններ գիտէք:

2) Ինչո՞ւ են չում թոշունները:



## 6. Ծիծեռնակ

Ծիծեռնակ, ծիծեռնակ,  
զու գարնան սիրուն թոչնակ.  
դէպի հւր, ինձ ասա,  
թոչում ես այդպէս արագ:

## 7. Ճամփորդներ

1.

Աքլորը մի օր կտուրը բարձրացաւ,  
որ աշխարհ տեսնի: Վիզը ձգեց, երկա-  
րացրեց, բայց բան չը տեսաւ. դիմացի  
սարը խանգարում էր:

—Քուշի ախպէր, կարելի է դու  
զիտենաս, էն սարի ետևն ի՞նչ կայ,—  
հարցրեց վերևից բակում պառկած  
շանը:

—Ես էլ չը զիտեմ,—պատասխանեց Քուշին:

—Հապա մինչեւ երբ պէտք է այսպէս մնանք. արի գնանք,  
մի տեսնենք՝ աշխարհումս ի՞նչ կայ, ի՞նչ չը կայ:

Շունն էլ համաձայնեց: Խօսքը մին արին ու փախան:

Գնացին, գնացին, իրիկունը հասան մի անտառ. Գիշերը  
մնացին էնտեղ: Շունը պառկեց մի թփի տակ, իսկ աքլորը  
բարձրացաւ մօտիկ ծառին. քնեցին:

2.

Կուսադէմին աքլորը կանչեց՝ ծուղրուղու:

Մի աղւէս լսեց աքլորի ձայնը:

—Վահ, սա հրտեղից դուրս եկաւ, այ լաւնախաճաշիկ,—  
մտածեց աղւէսը ու վազեց:

—Բարի լուս, սանահէր աքլոր, ի՞նչ ես շինում էս կողմերը:

—Գնում ենք աշխարհ տեսնելու, —պատասխանեց աքլորը:

—Օ՛, ի՞նչ լաւ բան էք մտածել, —խօսեց աղւէսը: —Քանի  
ժամանակ է ես էլ մի կարգին ընկերի եմ ման գալի: Ի՞նչ լաւ  
էր՝ պատահեցինք: Դէ, ցած

արի, որ չուշանանք:

—Ես համաձայն եմ.—ասաւ

աքլորը.—տես, թէ ընկերս էլ  
համաձայն է, ցած գամ՝ գնանք:



—Ո՞րտեղ է ընկերդ:

—Էն թփի տակին:

«Սրա ընկերն էլ երեխ իր նման մի աքլոր կը լինի. էս էլ  
իմ ճաշը», —մտածեց աղւէսը ու վազեց թփի կողմը: Յանկարծ  
որ շունը դուրս եկաւ, աղւէսը պնւկ, փախաւ, ոնց փախաւ:

—Կաց, աղւէս ախպէր, մի վոազի, մենք էլ ենք գալի,  
էտպէս ընկեր չի լինի, —ծառի գլխից ձայն էր տալիս աքլորը:

1) Ի՞նչպէս ենք ասում էն մարդուն, որ ուզում է աշխարհում  
շատ բան տեսնի ու իմանայ:

2) Աղւէսն էլ էր ուզնում տեսնի:

Հան ելուկ: —Մի թոփ կտաւ ունեմ փռած, ծալում եմ ծա-  
լում, չի ծալում:

## 8. Եղնիկի տէրը

Որսկանը սարերում որսի էր ման գալի:  
Մին էլ ժայռի ետևից դէմն է նետւում  
մի սիրուն եղնիկ:


Եղնիկը շշկած կանգնում է, մնում է  
աշքերը զցած որսկանի աշքերին:

Որսկանը նշան է զնում, որ սպանի:  
Յանկարծ նրան այնպէս է թւում, որ  
առջել կանգնեց մէկը, կարծես մի կին,  
ու ձայն տւաւ:

—Կանգնի, անիրաւ, մի սպանի իմ եղ-  
նիկին: Դու ապրում ես, սա էլ պիտի ապրի:

Որսկանը սարսափած ետ է գտիս տուն, հրացանը կա-  
խում է պատից ու էն օրւանից թողնում է որսկանութիւնը:

Որսկանը ինչու թողեց որսկանութիւնը:



## 9. Աղուն

Դեղնած գաշտերին  
իջել է աշուն.  
անտառը կըրկին  
ներկել է նախշուն,  
Պաղ պաղ մէզի հետ  
փըչում է քամին,  
ինչո՞ւ են ասում՝ «աշունը իջել է»:

Հանելուկ.—Տասներկու մարդ մի ծառից քաշում են:

Քըշում է տաճում  
տերելը դեղին:  
Տըխուր հանդերից  
մարդ ու անասուն  
քաշում են կամաց  
իրենց տունն ու բուն:

## 10. Դասին

Ամբողջ գասարանը լուս գրում էր: Լուսում էր միայն  
գրիչների ճոճոցը, երբեմն էլ ուսուցչի ձայնը, որ մէկին-  
միւսին ուղղում էր:

Սեղրակը գրիչը մատների մէջ ամուր հուպ էր տալիս ու  
շատ էր աշխատում, որ գծերը ուղիղ դուրս գան:

Բայց նրա գլուխը աւելի ու աւելի կուանում էր, մատնե-  
րը աւելի գանդաղ էին շարժում, ուսուցչի ձայնն էլ կամաց  
կամաց հեռանում էր, կարծես ուրիշ սենեակից գալիս լինէր:

Ու նրան այնպէս թւաց, թէ ինքը տանն է ու ցոյց է տա-  
լիս մայրիկին իր գրածը. «տես, ինչ գեղեցիկ է, ինչ ուզիլ»:  
Մայրիկն էլ գովում է ու շոյում է նրա գլուխը:

Յանկարծ աչքերը բաց արաւ, նայեց դէս ու դէն: Ըս-  
կերները գաղարել էին գրելուց և բոլորն էլ ծիծաղելով իրեն  
էին մտիկ անում:

Սեղրակը վախեցած վեր թռաւ, ուզում էր լաց լինի,  
բայց ուսուցիչը քաղցր ժպտում էր ու ասում.

— Քունդ տարաւ, համ, յոգնեցի՞ր: Ոչինչ, այս ըոպէիս  
զանգը կը տան: Կը վազվես, քունդ կը փախչի:

1) Սեղրակի քունը ինչո՞ւ տարաւ:

2) Քունն ինչի համար է:

3) Սեղրակը ինչո՞ւ եղազում տեսաւ, որ մայրը շոյում է իր գլուխը:

Առածներ.—1) Աշխատողը անօթի չի մնալ:

2) Ծառի տակը պառկելով բերանդ տանձ չի ընկնի:  
Հանելուկ.—Էն ինչն է՝ ինչ: Սպիտակ դաշտ, ու սերմը,  
ձեռքով ցանեմ, աչքով հնձեմ:

## 11. Փոքրիկ խանութպանը

— Տատիկ ջան, արի խաղանք, — ինդրում էր փոքրիկ եր-  
ւանդը:

— Լաւ, խաղանք, — համաձայնեց տատիկը:

— Խանութ խաղանք, համ, տատիկ:

— Լաւ, խանութ խաղանք:

Ու երւանդը վազեց, քաշ տւաւ մի երկու աթոռ, շարեց  
իրար կողքի:

— Էս սեղանը:

Վլան դարսեց տուփեր, զբքեր, լրագիրներ, քըռջ տիկնիկը,  
իր հոլը, ուրիշ խաղալիքներ, էլի տուփեր, էլի զբքեր, մի եր-  
կու հատ էլ շիշ, իր ինձորը, որ գեռ չէր կերեւ յետոյ իր  
փոքրիկ գրչահատը:


**Խանութը պատրաստ էր:**

Վազեց կողքի սենեակից բերաւ տատիկի մեծ գունաւոր թաշկինակը, կապեց առաջը գոզնոցի պէս, մի մեծ մատիտ անց կացրեց ականջի ետև ու կանգնեց խանութի առաջ:

—Էս կողմ համեցէք, էս կողմ համեցէք, ով է ուզում լաւ խնձոր, կախէթի գինի, կարմիր բողկ, պա, պա, պա:

—Շաքար ունես, խանութպան ախպէք, —հարցրեց տատիկը:

—Ինչքան քէֆդ ուզի, տիկին, —պատասխանեց խանութպանը:



—Լաւ, մի հինգ արշին տուր:

Փոքրիկ խանութպանի ծիծաղն եկաւ:

—Ներեցէք, տիկին, մենք շաքարը արշինով չենք ծախում,

—ասաւ նա քաղաքավարի կերպով,

—Բաս ինչո՞վ, —հարցրեց տատիկը:

—Գունտով:

—Գունտովի: Հա, ճիշտ որ, —ասաւ տատիկը: —Դէհ, խընդրեմ, ինձ հինգ փունտ շաքար տուր, երկու փունտ էլ գինի:

—Ներեցէք, տիկին, —ժպտաց խանութպանը, մենք գինին

**Գունտով չենք ծախում:**

—Բաս ինչո՞վ, —հարցրեց տատիկը:

—Գինին ծախում ենք շիշով:

—Շիշով: Հա, ճիշտ որ: Դէհ, ինձ երկու շիշ գինի տուր, տասը շիշ էլ ձու:

Փոքրիկ խանութպանը էս անգամ արդէն փոթկաց:

—Ներեցէք, տիկին, մենք ձուն շիշով չենք ծախում:

—Բաս ինչո՞վ, —հարցրեց տատիկը:

—Ձուն ծախում ենք հատով:

Հատով: Հա, ճիշտ որ: Դէհ, ինձ տասը հատ ձու տուր, երեք հատ էլ կաթ:

—Ներեցէք տիկին, կաթը մենք հատով չենք ծախում:

—Բաս ինչո՞վ, —հարցրեց տատիկը:

—Կաթը ծախում ենք բաժակով:

—Բաժակով: Հա, ճիշտ որ: Դէհ, ինձ երեք բաժակ կաթ տուր, վեց բաժակ էլ լուցկի:

Երւանդը ծիծաղու թուրանում էր:

—Ներեցէք, տիկին, մենք լուցկին բաժակով չենք ծախում:

—Բաս ինչո՞վ, —հարցրեց տատիկը:

—Լուցկին ծախում ենք տուփով:

—Տուփով: Հա, ճիշտ որ: Այսօր Բնչքան բան սովորեցի:

Դէհ, ինձ վեց տուփ լուցկի տուր, չորս տուփ էլ կարմիր բողկ:

—Ախար, տիկին, —ծիծաղում էր խանութպանը, —ով է լսել՝ բողկը տուփով ծախեն:

—Բաս ինչո՞վ, —հարցրեց տատիկը:

—Բնդկը, բնդկը... —կըմկըմաց խանութպանը, ու շիմացաւ թէ ինչով ծախի իր բողկը:

Դուք գիտէք՝ ինչով են ծախում բողկը:

## 12. Աղւեսն ու իր պոջը

Աղւէսն իջաւ սարից ցած.  
գիւղի շներն անիծած,  
հենց որ նըրա հոտն առան,  
մեծ ու պստիկ դուրս թռան,  
հարայ—հրոց հանեցին  
ու ետևից լարւեցին:

Էն աղւէսը վազէվազ,  
շնչակտուր, հազիւ հազ  
մի ծակ գտաւ,  
մէջը մտաւ,  
հանգստացաւ  
ու ետ դարձաւ,  
նայեց վրան,  
ասաւ իրան.  
—Էս ի՞նչ բան էր...  
Իմ անգամներ,  
որըդ կուղէր  
ինձ, ձեր տէրին,  
բաժին անէր  
Էն շներին:

Դուք, օրինակ,  
կարծ ու բարակ,  
թեթև, արագ  
իմ ոտիկներ:

«Ո՞չ, ոչ, մեր տէր,  
մեր հէրն ու մէր,  
ասին ոտներ:



—Դուք, օրինակ,  
վառած ճրագ,  
լուս արեգակ  
իմ աչիկներ:

«Ո՞չ, ոչ, մեր տէր,  
մեր հէրն ու մէր»,  
ասին աչեր:

—Օրինակ, դուք,  
նարմանազուկ,  
սուր-սուր լսուկ  
իմ ականջներ:

«Ո՞չ, ոչ, մեր տէր,  
մեր հէրն ու մէր»,  
ասին ականջներ,

—Եւ դժւ պոչիկ,  
իմ խուճուճիկ,  
խուճիկ-մուճիկ,  
ոսկէ-փնջիկ:

«Այո, աղւէս,  
մաղով մաղւես,  
գեղով դեղւես,  
աղով աղւես,  
պատից կախւես.  
Ես կուղէի  
քո ոտների  
մէջն ընկնէի,  
խանգարէի,  
որ դու գայիր  
գլխակոնծի...»

—Սուս, պապանձի,  
անպէտ պոչիկ,  
ոչ ու փըչիկ  
ինքնահաւան,  
ճոթրած բերան,

միշտ մէջ ընկան,  
զետնի տափան,  
վազրիս խափան:  
Ես ըովէիս ես քեզ ցոյց տամ,  
կաց՝ շների բերանը տամ.»

Ու աղւէսը  
պոչի կէսը  
հանեց մէկից  
խորը ծակից:  
Էն շներն էր  
մեծն էլ, փոքրն էր  
ողջը կծան,  
վըա պրծան,  
գզին գզւան,  
պոչին լծւան  
ու քաշեցին,  
քաշըշեցին,  
Էն աղւէսին  
դուրս հանեցին,  
բուրդ դրեցին  
ու գզեցին,



### 13. *Univesal*

1.

Եինում է, չի լինում մի թագաւոր։ Էս թագաւորը իր  
երկրումը յայտնում է.

«Ով էնպէս սուտ ասի, որ ես ասեմ՝ սուտ է, իմ թագաւորութեան կէսը կը տամ նրան»:

Գալիս է մի հովիւ։ Ասում է։

—Թագաւորն ապրած կենայ, իմ հէրը մի դագանակ ունէր, որ էստեղիզ մեկնում էր, երկնքումը աստղերը խառնում:

—Կը պատահի, —պատասխանում է թագաւորը: —Իմ պապն  
էլ մի չիբուխ ուներ, մի ծէրը բերանին էր դնում, միւս  
ծէրը մեկնում, արեգակից վառում:

Ստախօսը գլուխը քորելով դուրս է  
պնում.

2

Գալիս է մի դերձակ. Ասում է.

— Ներողութիւն, թագաւոր, ես վաղ պիտի  
տի գայի ուշացայ: Երէկ շատ անձը եկաւ,  
կայծակները տրաքեցին, երկինքը պատրու-  
ւեց, գնացել էի կարկատելու:

—Հա, լաւ ես արել, —ասում է թագաւորը, —բայց լաւ չէիր կարկատել. Ես առաջում եմ մի քիչ անձուկ թափւեց:

Ապ էլ է ուռոս զնում:

三

Նեսս է մտնում մի աղքատ գիւղացի, կոտր կռնատակին:

— Հոն ինչ ես ուզում, այս մարդ, — հարզնում է թագաւորը:

—Ինձ մե կատ պահի ես պարտ, եկեւ եմ տանեմ:

—Մի կոտ ոսկի՞,—զարմանում է թագաւորը:—Մնայ ես  
ապահով, իս ոես ոսկի Տիմ ապառա:

Շե ու առ ի կմ տարմ։ Թագաւորութեանդ կէսր տուր։

—ԶԵ, ՀԵ, ՃՂՄԱՐԻՄ ԵՍ ՄԱՌՈՒՄ,—ԽՈՍՔԸ ՎՈԽՈՒՄ Է ԲԱ-  
ԴԱԼՈՐՐ.


— Ճշմարիտ եմ ասում, մի կոտ ոսկին տուր:

- 1) Թագասորն ի՞նչ արաւ:  
 2) Քանի՞ ստախոս կայ այս հեքիաթում՝ եւ ամենից մեծ ստայը ի՞նչ է:

Հանելուկի.—Գորդը թափ տալ չի լինի,  
ոսկին համրել չի լինի:

## 14. *Φήναι*

Φήιον. φήιον μλωτων  
θωτρήη θηηέη, φιαθωτ Ψων,  
ιερηιν θωθηων, έρκωρ ηηη,  
ηηξ οη ηηέη, αιηην ηη:



- 1) Ինչո՞ւ էին փիսօին ծեծում:
  - 2) Ինչո՞ւ էր փիսիկը գողանուա:
  - 3) Աաա Է ինչո՞ւ էին նորան աահում:

## 15. Οντοτητή φυσικών

Տանտիկինը ջուրը լցրեց կաթսայի մէջ, դրաւ կրակին,  
Բանի կաթսան տաքացաւ, ջուրը սկսեց չոքել, անհան-  
գոտանալ, Սիբար նեղացաւ, շուռ ու մուռ եկաւ, տակն ու

վրա եղաւ։ Վեր-վեր էր թռչում, շըլթքըլթում էր, մըլմըր-թում էր, փշտացնում էր։

Կուռում էր ամանի հետ, թեքում էր, հրում, ժաժ էր տալիս, որ կրակի գրայից շուռ տայ նրան ու ինքն ազատւի։ Զը կարողացաւ։ Տեսաւ՝ կաթսան շատ պինդ է նստել կասկարային, աւելի բարկացաւ, վրփրեց, վեր կացաւ, սկսեց զոլորշի դառնալ ու փախչել դէպի վեր։

Լաւ է որ տանտիկինը վրա հասաւ։

- 1) Ի՞նչ կը լինէր, եթէ տանտիկինը վրայ չը հասնէր։
- 2) Գոլորշին մըր պիտի փախչէր։
- 3) Եթէ երկնջում գոլորշի շատ է հաւաքում, ինչ է դառնում։

## 16. Ամպի երեխաները

Ամպը ունի չորս երեխայ, չորսին էլ լաւ էք ճանաչում։

Մեծը նա է, որ գալիս ծեծում է մեր լուսամուտը և աղմուկ է բարձրացնում մեր տանիքի վրա։ Երբեմն էլ գժւում է, թափւում, թափւում, զնում է լցւում գետերը։ Արանք էլ վարարում, ափերից գուրս են գալիս-ու ամեն ինչ տակով անում։ Թէ չէ, ինքը վատ չի. ընդհակառակը, այնպէս սիրում է ծառն ու կանաչը, իջնում զովացնում է ծարաւ ծաղիկները, ջուր է տալիս չորացած հողին։

Սրա քուրիկը մի ճերմակ աղջիկ է։ Ցրտերը գալիս են թէ չէ, վրա է հասնում, փոռում է իր փափուկ վերմակը մերկ անտառների ու մերկ դաշտերի վրա, որ չը մրսեն փոքրիկ սերմերը հողի տակ։

Բայց ինչ չար է նրա միւս եղբայրը։ Գալիս է միշտ իր նման մի անպիտան քամու հետ, իրեն թէ հանաք է անում, ջարդում, փշրում է ինչ որ պատահի—ապակի, ծառ ու ճիւղ, փշացնում է խոտ ու արաւ։


Ամենից փոքրիկը մի քնքուշ աղջիկ է. նա, որ գալնանը ամեն գիշեր մարգարիտ է շարում ծառերի, ծաղիկների ու խոտերի վրա. իսկ ձմեռը, ցրտին, գալիս է մեր լուսամուտին գեղեցիկ կաթնազոյն պատկերներ է քաշում սառած մատիկներով։

Անա ձեզ ամպի չորս երեխաները—Անձրեր, Զիւնը, Կարկուտն ու Յօղիկը։—Զէ որ ես ասում էի՝ չորսին էլ լաւ էք ճանաչում։

- 1) Այս չորսից ամեն մէկը տարւայ որ եղանակին է աւելի լինում։
- 2) Սառած ցողին ինչ ենք ասում։

Առաջ.՝ Ամպի գսուալը անձրեի նշան է։

## 17. Աշնան վերջը



Սարի լանջին,  
մէգի միջում  
խոխոջում է  
ու տրտնջում  
ջուրը բարակ,  
ջուրը տըխուր.  
—Վաշ-վիշ վաշ-վիշ,  
ուր կորան, ուր,  
տերեւ ու խոտ,  
վարդը շաղուտ,  
սարւորն ուրախ,  
սըրինդ ու խաղ,  
Շուրջս դատարկ,  
շուրջս տըխուր...  
Վաշ-վիշ, վաշ-վիշ,  
ուր կորան, ուր։

## 18. Եկեղեցին կորել է

—Սա ի՞նչ է, ուր է մեր դիմացի եկեղեցին։ Ուր է մեր եկեղեցին իր սուր գմբէթով։ Մայրիկ, մայրիկ, եկ տես, էս դիշեր քանդել են մեր եկեղեցին, եկեղեցին չը կայ, կորել է։

Բայց մայրիկը ուշանում է, խոհանոցում գործ ունի, կաթն է տաքացնում, որ փոքրիկ օրփիկը խմի ու զնայ դպրոց։

Սա ի՞նչ զարմանալի բան է։ Մօտիկ տներն անգամ հազիւ են երեսում. ցածը, փողոցում, մարդիկ շտապ-շտապ իրենց գործին են վազ տալիս, բայց ճանաչել չի կարելի, կարծես ծխի միջով են զնում։

Օրփիկը էլ չը համբերեց ու վազեց խոհանոց։

—Մայրիկ, մայրիկ, մեր եկեղեցին այրել են։

—Ի՞նչեր ես խօսում։

—Հապա, այրել են. Մեր եկեղեցին էլ չը կայ, իսկ փողոցը ծուխ է։ Եկ տես։

Իսկ մայրիկը հանգիստ իր գործն էր շարունակում ու սրտանց ծիծաղում էր։

—Ի՞նչու ես ծիծաղում, մայրիկ։

—Դու զեռ մառախուղ չես տեսել, աղջիկս. դա մառախուղ է։

—Մառախուղ։

Մառախուղ ամպից ինչով է զանազանում։


## 19. Շալակտարը

Կինում է չի լինում մի աղքատ մարդ. էս աղքատ մարդը գնում է դառնում մի ձկնորսի շալակտար։ Օրական մի քանի

ձուկն է աշխատում, տուն բերում, ու նրանով ապրում են ինքն ու իր կինը։

Մի անգամ էլ ձկնորսը մի սիրուն ձուկն է բռնում, տալիս իր շալակտարին, որ պահի. ինքն էլ ետ ջուրն է մտնում։ էս շալակտարը գետափին նստած՝ նայում է, նայում սիրուն ձկանն ու միտք է անում։

—Տէր Աստած, սա էլ որ մեղ նման շունչ կենդանի է, դու ասա՝ սմ էլ, մեզ նման, ծնող ունի, ընկեր ունի, աշ-



խարքից բան է հասկանում, ուրախութիւն կամ ցաւ է զգում՝ թէ չէ...

Հէնց էս մտածելու ժամանակ ձուկը լեզու է առնում։

—Լսի, ասում է, մարդ-ախալէր։ Ընկերներիս հետ ես խաղում էի գետի ալիքների մէջ։ Ուրախութիւնից ինձ մոռացայ ու անզգուշ ընկայ ձկնորսի ուռկանը։ Հիմի, ով գիտի, իմ ծնողը ինձ որոնում է ու լաց լինում, հիմի ընկերներս տիրել են. Ես էլ, տեսնում ես, ինչպէս եմ տանջլում, շունչ

## 21. Փոքրիկ մշակը



կտրում է ջրից գուրս։ Ուզում եմ էլ ետ գնամ, ապրեմ ու խաղ անեմ նրանց հետ էս պաղ ու պարզ ջրում։ Էնպէս եմ ուզում... Էնպէս եմ ուզում... Եկ խեղճ արի, ազատ արա ինձ, բաց թող գնամ...»

Էնպէս էր ասում ցած, շատ ցած ձէնով, ցամաքած բերանը բաց ու խուփ անելով։

Զարմանում է աղքատ շալակտարը, մեղքը գալիս է, առնում է, ետ գցում գետը։

—Գնա, սիրուն ձկնիկ, թող լաց չը լինի քո ծնողը, թող չը տխրեն քո ընկերները։ Գնա ապրի ու խաղ արա նրանց հետ։

Ձկնորսը սաստիկ բարկանում է շալակտարի վրա։

—Տօ, ախմախ, ասում է, ես էստեղ Ջրի մէջ թրջւելով ձուկն եմ բռնում, դու իմ աշխատանքն առնում ես՝ էլ նտջուրը զցնւմ... Դէ գնա կորի, էլ իս աչքին չերևաս, գնա սովոր մեռի։

Չեռի տոպրակն էլ խում է ու ճամփու դնում։

Առաջ. — Լաւութիւն արա ջուրը գցի,  
ձուկը չիմանայ, Աստւած կիմանայ։

## 20. Եղեննի

Աշուն է։ Բոլոր  
ծառերը տկոր  
տխուր անտառում  
գողում են, մրսում։  
Եղենի միայն  
հսկայի նման  
զուգւած է, կանգնած  
ցուրտ քամու դիմաց։

Խորէնի հայրիկը մշակութիւն էր անում քաղաքում։ Մի իրիկուն շատ յոգնած վերադարձաւ տուն։ Մէջքը ցաւում էր, ոտներում էլ ուժ չէր մնացել։ Հայրիկը անկողին մտաւ ու մի քանի օր չէր կարողանում վեր կենայ, գնայ մշակութիւն անի։

Մրգ պէտք է ընտանիքը պահի, նվի պէտք է կերակրի վեց հոգուն։

Մայրիկը վերջին արասին տարաւ այսօր՝ տւաւ հացի։ Իսկ վաղին ի՞նչ պիտի ուտեն։

Խորէնը մտածում էր ամբողջ գիշերը։

Առաւօտը վաղ, երբ ամենքը ընած էին դեռ, և հայրիկը, և մայրիկը, և փոքրիկ քոյրերն ուղբայրները, Խորէնը հագաւ հօր ոտնամանները, գլխին դրաւ փափախը, ուսը զցեց հօր փալանը ու գնաց կանգնեց քաղաքի հրապարակում, որտեղ կանգնում են մշակները։

- 1) Խորէնը ինչո՞ւ էր կանգնել հրապարակում։
- 2) Ի՞նչ էր մտածում՝ թէ իրիկունը ինչպէս կը վերադառնայ տուն։
- 3) Խորէնին կը վարձէին, թէ չէ։
- 4) Ինչո՞վ պիտի վերջանայ այս պատմութիւնը։

Առաջ. — Պատիկ է, բայց ճատիկ է։

Հանելուկ. — Կերթայ, կերթայ՝ ճամբայ չկայ,  
ճամփայ, կերթայ՝ փոշի չկայ։

## 22. Այո և Ոչ

1.

Այոն մի պստիկ աղջիկ էր, աչքերը ժպտուն, շրթունք-ները ժպտուն, քիթը դողդոջուն։ Երբ մայրիկն ասում էր. «Երեսդ լահ, շորերդ սրբի», աղջիկը խկոյն պատասխանում էր. «Այն, այն, մայրիկ»։ Երեսը միշտ մաքուր էր, մազերը սանրած, շորերի վրա՝ ոչ մի բիծ։

Ոչը մի պստիկ դանդաղկոտ տղայ էր, յօնքերը կիտած, աչքերը մռայլ, շրթունքները ուռցրած, քիթը կախած։ Երբ մայրը ասում էր. «Երեսդ լահ, շորերդ սրբի», տղան պատասխան էր տալիս. «Ոչ, չեմ ուզում, ոչ»։ Երեսն էլ մրտա էր, մազերը գըզզըզւած, շորերը փոշոտ։

Երբ մայրը ասում էր Այոին՝ «Գնա, թաշկինակս բեր», աղջիկը կանչում էր. «Այո, մայրիկ, խկոյն», վազում էր՝ թաշկինակը բերում։

Ոչը երբէք մեծերի պատւէրը չէր կատարի։ Երբ հայրիկը կասէր՝ «Գնա, ձեռնափայտս բեր», նա ուսը վեր կը քաշէր և կը մըրթմըրթար. «Ոչ, չեմ բերի, ոչ»։

— ճաշի ժամանակ, երբ մայրիկը կասէր Այոին՝ «Անձեռոցիկը կապի, նստի բաժինդ կեր», աղջիկը կը կանչէր. «Այն այն, մայրիկ։ Ոհ, այս ինչ լաւ կերակուր է»։

Իսկ երբ Ոչին կասէին. «Անձեռոցիկը կապի, նստի՝ բաժինդ կեր», կոշտ ու կոպիտ կաղաղակէր. «Ոչ, չեմ կապի, ոչ։ Ուֆ, այս ինչ վատ կերակուր է»։

2.

Երբ կը մթնէր ու մայրիկը ճայն կըտար Այոին՝ «Ժամանակ է, հանւի ու պառկի», աղջիկը տեղից վեր կը թուչէր ու կը կանչէր. «Այն, այն, ժամանակ է։ Բարի գիշեր, հայրիկ, բարի գիշեր, մայրիկ»։

Իսկ Ոչը երբէք ինքը չէր գնայ քնելու, ոտները գետնին կը զարնէր, կը յամառէր. «Ոչ, չեմ քնի, ոչ», ու կը սկսէր լաց լինել Զօռով շորերը կը հանէին, անկողին կը պառկեցնէին։

Եւ երբ Ոչը մէկ աեղ հիւր կերթար ու զանգը կը տար, նրան որ կը տեսնէին, պիտի կանչէին. «Ոչ, ոչ, այսօր մենք զբաղւած ենք», և շտապով նրա քթի առջնը գուռը կը փակէին։

Իսկ երբ Այոն զանգը կը տար, առջնը կը վազէին՝ «Այ, բարի ես եկել, բարի ես եկել, ներս հրամմէ, ներս» ու զբաները լայն բաց կանչէին։

Ի՞նչ ուրախութիւն ու ծիծաղ էր այնտեղ։ որտեղ Այոն էր. Ոհ, ի՞նչ տիրութիւն ու լուռթիւն էր այնտեղ, որտեղ Ոչն էր։

## 23. „Պողոս-Պետրոս“

1.

Վաղուց, երբ մօտ էր երկրին երկինքը ու լսում էր զեռ մարդկանց Տէր-ինքը, էն լաւ ժամանակ երկու մանուկներ ունէին մի չար, մի անսիրտ խորթ մէր։

— Կորէք, զնացէք աշխատանք արէք, աշխատանք արէք ու բերէք կերէք։ Ի՞նչ էք թափւել անգործ ու անբան, հասած տըղերք էք հինգ-վեց տարեկան...»

Էսպէս բարկացաւ մի օր խորթ մէրը, ճիպոտներ տւաւ, զըրկեց հորթերը։ Անհանգիստ հորթեր, ամառւան շոք օր՝ կէտ արին, փախան ընկան սար ու ձոր. Նըրանց ետնից, լալով, հետով, փոքրիկ որբերը՝ քարէքար գալով՝ վագ էին տալի անտառի միջում,

Վազ էին տալի ու իրար կանչում.

— Պօղոս, գտար:

— ԶԵՒ:

Պետրոս, գտար:

— ԶԵՒ:

— Վայ-վայ, վույ-վույ...

— Վայ-վայ, վույ-վույ...

2.

Շատ որ ման եկան՝ խեղճերն

յոգնեցին,

եկան՝ խորթ մօրը լալով պատմեցին.

Նանի, այ նանի, կորան հորթերը...

— Վայ, գետինն անցնէք, ճշաց խորթ  
մէրը.

Թռղ դուք կորչէիք հորթերի տեղակ  
անտակ ձորի մէջ, անշարժ քարի տակ:  
Մի արջ պատահէր, մի գաղան, մի գէւ  
որ չէի տեսել ձեր շուքը մէկ էլ...

Դէ, ետ գնացէք, գնացէք, կորէք,  
մինչև չը գտնէք հորթերը բերէք՝  
աչքիս չերևաք, այ աչքիս փշեր,  
թէ չէ կը սպանեմ ես ձեզ էս գիշեր...

Ու ճիպոտն էլ ետ իրենց թաթերին,  
յոգնած ու սոված, արցունքն այտերին,  
փոքրիկ որբերը՝ անտառի միջում,  
գիշերւան կիսին լալիս են, կանչում.

— Պօղոս, գտար:

— ԶԵՒ...

Պետրոս, գտար:

— ԶԵՒ:

Վայ-վայ, վույ-վույ...

Վայ-վայ, վույ-վույ...

3.

Անտէր հորթերը չը կան ու չը կան:

Ճարները կըտրած խեղճերը եկան,

լալով չոքեցին.

— Տէր Աստւած, ասին,

ինչ կըլի, գըթաս՝

գոնէ թեեր տաս,

թեեր տաս՝ թըռչենք,

թըռչենք ու կորչենք,

որ էլ չը տեսնի մեզ մեր խորթ մէրը,

մինչև որ գըտնենք կորած հորթերը...

Հէնց ասին-չասին անմեղ բերանով,

Աստւած որոտաց իր գթոտ ձայնով.

— Ահա ձեզ թեեր, սիրուն երեխէք,

թըռչուններ դառէք, թուած ման եկէք,

որ էլ չը տեսնի ձեզ ձեր խորթ մէրը,

մինչև որ գտնէք կորած հորթերը:

Գիշերը քնեցէք ծառերի ճիւղին,

ձեղն ու ծղոտը արէք անկողին,

ապրուստ էլ կերէք իմ լի սեղանից,

երբ որ գատարկուն եղաք ձեր տանից...

4.

Էսպէս վերևից հէնց կանչեց Աստւած,

փոքրիկ որբերը փոխւեցին յանկարծ

ու թեեր առան,

թոչուններ դառան.

ու թեեր առած՝

թըռչուններ դառած՝



զեռ մինչև էսօր,  
ընկած սար ու ձոր,  
ծըւում եմ, մընչում,  
մէկ մէկու կանչում.

— Պօղնս, գտար:


— Զէէ:

— Պետրոս, գտար:

— Զէէ:

— Վայ-վայ, վհւյ-վհւյ:

— Վայ-վայ, վհւյ-վհւյ.



## 24. Կացին ախալերը

Մի մարդ գնաց հեռու երկիր աշխատանք անելու: Ընկաւ  
մի զիւղ, Տեսաւ, այս զիւղի մարդիկ ձեռով են փայտ կոտ-  
րատում:

— Ախալեր, ասաւ, ինչու էք ձեռով փայտ անում, միթէ  
կացին չունէք

— Կացինն ինչ բան է, - հարցը ինչ զիւղացիք:

Մարդը իր կացինը գոտիկից հանեց, փայտը ջարդեց, ման-  
րեց, զարսեց միւս կողմը: Գիւղացիք այս որ տեսան, վաղե-  
ցին զիւղամէջ, ձայն տւին իրար.

— Տօ, եկէք, տեսէք կացին ախալերը ինչ արաւ:

Գիւղացիք հաւաքւեցին կացնի տիրոջ պլիխն, խնդրեցին,  
աղաչեցին, շատ ապրանք տւին ու կացինը ձեռիցն առան:

Կացինն առան, որ հերթով կոտորեն իրենց փայտը:  
Առաջին օրը տանուտէրը տարաւ, կացինը վրա բերաւ  
թէ չէ՝ ոտք կտրեց: Գոռալով ընկաւ գիւղամէջ.

— Տօ, եկէք, եկէք, կացին ախալերը կատաղել է, ոտս կծեց:

Գիւղացիք եկան, հաւաքւեցին, փայտերն առան, սկսեցին  
կացնին ծեծել: Ծեծեցին, տեսան՝ բան չը դառաւ, փայտերը  
կիաեցին վրան, կրակեցին:

Բոցը բարձրացաւ, չորս կողմը բռնեց: Երբ կրակն իջաւ,  
եկան բաց արխն, տեսան՝ կացինը կարմրել է:

— Վայ տղէրք, կացին ախալերը բարկացել է, տեսէք՝ ոնց  
է կարմրել. որտեղ որ է, մեր պլիխն մի փորձանք կը բերի:  
ի՞նչ անենք:

Մտածեցին, մտածեցին ու վճռեցին տանեն բանտը զցեն:

Տարան զցեցին տանուտէրի մարագը: Մարագը լիքը դար-  
ման էր. զցեցին թէ չէ՝ կրակն առաւ, բոցը երկինք բարձ-  
րացաւ:


Գիւղացիք սարսափած վաղեցին տիրոջ ետևից՝  
«Ե՛կ, Աստծու սիրուն, կացին ախալորը բան հասկացրնեւ»:

1) Կացնի տէրը որ եկաւ, ինչ արաւ:

2) Փայտ կտրելու ու չարդելու համար ուղիշ էլ ինչ գործիք գիտես:


3) Ի՞նչից են շինած այդ գործիքները:

## 25. Ուրագ և սղոց



Մի լինի ուրագի պէս,  
միշտ դէպի քեզ, միշտ դէպի քեզ:  
այլ եղիր սղոցի պէս,  
մին դէպի քեզ, մին դէպի մեզ:

## 26. Աղւես բաժանարար



Երկու ագռաւ մի կտոր պանիր էին  
զտեր. Ուզում էին իրենց մէջ բաժա-  
նեն. Մին ասում էր—ես բաժանեմ:  
միւր թէ չէ, ես. Ու կուռամ էին ծա-  
ռի վրա. Ոչ մինը չէր համաձայնում,  
որ ընկերը բաժանի.

Մի աղւէս տեսաւ, եկաւ ծառի տակ կանգնեց.  
—Ինչո՞ւ էք կուռում, ասաւ. պանիրը ներքեւ զը-  
ցեցէք, էնպէս բաժանեմ, որ ոչ մէկիդ բաժինը աւել  
պակաս չը լինի:

Վէճը դադարեց. ագռաւները պանիրը զցեցին  
ծառի տակը,

Աղւէսը երկու կտոր արաւ, բանեց երկու թաթե-  
րի՝ մէջ, ծանր ու թեթև արաւ, որ ոչ մինը աւել  
պակաս չը լինի:

—Էս մինը ծանր է, ասաւ ու կծեց:  
Դարձեալ թաթերով կշուց, հիմի էլ  
մէկէլից կծեց:

Կծերով, կծերով բոլորը կերաւ ու  
սուս ու փուս գնաց իր բանին:

Ագռաւները մնացին ետևից նա-  
յելիս:

Ագռաւները որտեղից էին գտել պանիրը:

Առած. —Գողը գողից գողացաւ, Աստւած վերեից զարմացաւ:

Իրիկուն է: Համլիկը պատրաստում է քնի. Մայրիկը  
շորերը հանեց ու ասաւ.

—Դէ, հիմի աղօթիր:

Երեխան չոքեց իր ճերմակ անկողնում: «Հայր մերն» ա-  
սաւ ու մեծ, պայծառ աշքերը վեր ուղղելով՝ Աստծուն խնդրեց:

—Աստւած ջան, պահի հայրիկին, մայրիկին, Մուշեղին,  
Աշխէնին, Նունիկին, Անօին, Արփիկին...

Ու կանգնեց:

—Էլ ում, —հարցրեց մայրիկը:

—Պապին, տատին, հօրեղբայր վահանին, Սիգուշին, Լե-  
ռոնին, Կուտիկին:

Սիգուշն ու Լոռնը եր ընկերներն էին, իսկ Կուտիկը ի-  
րենց շունն էր:

Աղօթքը վերջացնելով, նա ուրախ-ուրախ մտաւ վերմակի  
տակ:

Մայրիկը ծիծաղելով նրան համբուրեց ու ասաւ.

—Ախ, զու անպիտան, Կուտիկն էլ մեր շարքը դիմր...  
—Ի՞նչ կայ որ... Զի կարելի: Բաս Կուտիկին չը պահես,  
Աստւած, նրան թող...

Մայրիկը ծիծաղելով մին էլ համբուրեց ու զուրս գնաց:  
Երեխան սկսեց մտածել՝ ինչո՞ւ Աստւած չը պահի Կու-  
տիկին: Ինչո՞ւ նրան թողնի...

Մտածեց, մտածեց, զլուխը հանեց անկողնի միջեց ու  
շնչաց սենեակի լոռւթեան մէջ.

—Զէ, Աստւած ջան, չէ, Կուտիկին էլ պահի: Բայց մայ-  
րիկին չասես:

Ու նորից մտաւ վերմակի տակ:

1) Համլիկը ինչո՞ւ ասաւ — «մայրիկին չասես»:



1

Ժամանակով կատուն  
ճռն էր,  
շունն էլ զլխին գդակ  
չունէր,  
միայն զիտեմ ոչ՝ որ-  
որդիան որդի  
ճանկել էր մի զառան  
մորթի:  
Եկաւ մի օր, ձմեռնա-  
մտին,  
կատւի կուշտը տարաւ  
մորթին:  
Բարի աջողում, ուս-  
տա Փիսօ,

զլուխս մրսեց, ի սէր Աստծոյ,  
առ էս մորթին ու ինձ համար  
մի գդակ կարի զլխիս յարմար:  
Վարձիդ համար միամիտ մընա,  
համա-համա շատ չուշանայ:  
— Աչքիս վրա, քեռի Քուշի,  
մի գըդակ է, հօ մի քուրք չի.  
Քո թանկագին խաթեր համար  
ուրբաթ օրը համեցէք տար:  
Փողի մասին աւելորդ է,  
մեր մէջ խօսելն էլ ամօթ է.  
ի՞նչ մեծ բան է, տօ, հէր օրհնած,  
միայն-միայն մի գդակի վարձ:  
Ուրբաթ օրը քեռի Քուշին  
ուստից առաջ՝ բաց-բաց կուծին

թափ թափ տալով ծանը ու մեծ,  
ուստա կատւի շէմքում կանգնեց:  
— Ուստէն հւրա, վափախս հւրա...  
«Մի քիչ կացի—հրէս կերևայ»:

2.

Ուստէն եկաւ քուրքը հագին.  
շանը տեսաւ, բեխի տակին  
իրեն իրեն քիչ փընթիընթաց  
ու մուշտարու վըրա թնդաց.

— Ցուրտը տարմէ... վայ, տընաշէն,  
չես թող անում մի շունչ քաշեն,  
հեշտ բան հօ չի, գեռ ես նոր եմ  
ցըրցամ տըւել, թէ որ կարեմ:

— Դէ, հէր օրհնած, էտէնց ասա,  
էտ բարկանմլդ էլ ընչիս ա:  
Փող եմ տըւել, վախտին կարի,  
թէ չէ ասա՝ էզուց արի:  
Համ ասում ես, համ չես կարում,  
համ խօսում ես, վըրէս գոռում,  
համ, համ, համ, համ,  
քանի, ախպէր, զընամ ու գամ...

Ասաւ Քուշին ու նեղացած  
վերադարձաւ զլուխը բաց:

3.


Մին էլ եկաւ, գարձեալ չըկար.  
էս անգամը զիպան իրար.  
էլ անպատիւ, անարգ խօսքեր,  
էլ հին ու նոր, էլ հէր ու մէր,  
էլ գող Փիսօ, էլ բաշալ Շուն...  
Բանը հասաւ զիւանբաշուն:



Շունը մինչև գընաց եկաւ,  
ուստա կատուն կոտրըն ընկաւ,  
գլուխն առաւ ու մի զիշեր,  
հայդէ, կորաւ, էն կորչիլն էր...

4.

Էն օրւանից մինչև օրս էլ  
Շունն էս բանը չի մոռացել.  
մըտքում հըլա դեռ պահում է,  
որտեղ կատւին պատահում է,  
վեր է թըռչում, վըրա վազում,  
իրեն մորթին ետ է ուզում.  
իսկ սեերեօ կատուն յանկարծ  
փըշտացնում է, մըթամ՝ նոր եմ  
ցըրցամ տըւել, թէ որ կարեմ:



## 29. Բրդուն խաղընկերը

Պանդոկում նստած էր արջ պար ածողը և ճաշում էր,  
իսկ արջը կապած էր գուրսը սիւնից. Նա սարսափելի տեսք  
ունէր, բայց ոչ ոքի վաս չէր տալի:

Պանդոկի դիսին, սենեակում խաղում էին երեք փոքրիկ

երեխաներ։ Մեծը վեց տարեկան կը լինէր, իսկ ամենից փոքրը  
հազիւ երկու տարեկան։

Թըրախկ-թըրուխկ, մէկը սկսեց բարձրանալ սանդուխքով.  
ով պիտի լինէր։

Յանկարծ դուռը լայն բացւեց, ու ահազին բրդուտ արջը  
մտաւ ներս։ Խեղճը ձանձրացել էր ներքեում կանգնելուց,  
կապը բացւել էր, և ահա նա գտել էր սանդուխքը։

Երեխաները սաստիկ վախեցան, ամեն մէկը մտաւ մի



անկիւն։ Արջը մօտեցաւ, երեքին էլ հոտոտեց իր լայն դնչով,  
բայց ոչինչ չարաւ նրանց. «Երեի նա մի մեծ շուն է», սիրտ  
առան երեխաները ու սկսեցին փաղաքշել։

Արջը փուեց յատակին. փոքրիկը ընկաւ նրա վրա, թաւալ  
էր տալիս ու խաղում։

Խաղում էր ու իր ոսկեհեր գլխիկը թաղում էր արջի խիտ  
ու սե ըրդի մէջ։

Իսկ մեծ եղբայրը բերեց իր թմբուկը և սկսեց զարկել։

Հէնց որ թմբուկը թնդաց, արջը տեղից վեր կացաւ, կանգնեց  
ետեսի թաթերի վրա ու սկսեց պար գալ:  
Մի ուրախութիւն էր որ...

Իսկոյն երեխաներից ամեն մէկը վերցրեց մի մի հրացան,  
արջն էլ իր հրացանը ստացաւ, մի աւելի կոթ, որ շատ կար-  
գին ու ամուբ էր բնոււմ:

Հիանալի ընկեր էին գտել: Ու իրար ետեսից շարւած՝ ու-  
ները խփում էին գետնին ու գնում:

—Մէկ-երկու, մէկ-երկու:

Յանկարծ զուոր բացւեց ու մայրը սարսափահար կանգ-  
նեց դռան մէջ: Երեխաներից մէկը ուրախ-ուրախ գլխով արաւ  
ու գոռաց:

—Մայրիկ, տես, զինւոր ենք խազում...

Հէնց այդ վայրկեանին էր, որ վրա հասաւ արջ պար ածողը:

1) Ի՞նչ արաւ արջ պար ածողը:

2) Ինչու ամենից առաջ փոքրիկը սկսեց արջի հետ խաղալ:

3) Էլ ինչ կենդանի գիտես, որ պար են ածում:

Առած.—Սրջը խաղով եղաւ, տանձը մտքից ընկաւ:

### 30. Ամպն ու արր



Ամպն եկաւ նստեց սարին,  
նստեց սարի սուր կատարին.  
—«Լըսի, պապի, ասաւ նրան.  
լաւ օրերդ անցան, կորան.  
խիստ սոսկալի ցուրտ է գալի»:

Ասաւ, գնաց:

Սորը կամաց  
մտաւ սպիտակ  
վերմակի տակ:

Ինչու ժիւնը ամենից առաջ սարի զիսին է նստում:

Առած.—Սոտւած տարը կը տեսնի՝ ձիւնը կը դիի:

### 31. Իշուկի գանգատը

1.

Այգեպանը մի էշ ունէր: Լաւ կերակրում էր, լաւ խնա-  
մում, բայց լաւ էլ բանացնում էր: Էս մէկը իշուկին դուր  
չէր գալիս:

Գարնան ամեն օր այգեպանը ծաղկով ու կանաչով լիքը  
շթոցները բարձում էր իշուկին ու քշում քաղաք:

—Ի՞նչ յիմար են էս մարդիկ,—մտածում էր իշուկը ճա-  
նապարհին.—ծաղիկն էլ ի՞նչ բան է, որ սիրում են: Ախ, մի  
ամառը գայ, պրծնենք էս անպիտան վարգերից, շուշաններից,  
յասմիկներից, էս սպանախից ու ծներեկից, էս սիրեխից ու  
սինդրիկից, էս բոխից ու բոխկից, հանգիստ գնամ՝ քէֆիս  
արածեմ:


2.

Ահա և պմառը:

Այգում արդէն հա-  
սել էին լորին ու բա-  
զիրջանը, սեխն ու  
ձմերուկը, դղումն  
ու վարունկը, գա-  
գարն ու բազուկը:

Էշը հազիւ էր տե-  
ղից շարժւում էտ  
ծանրութեան տակ  
ամառւայ շոքին:

—Ախ, —տնքում  
էր էշը քրտինքի



մէջ կորած.—Երբ է գալու աշունը, կանաչից էլ պրծնենք,  
բանջարեղինից էլ ու մի ազատ շունչ բաշենք:

3.

Եկաւ աշունը: Խաղողը հասաւ, տանձ ու խնձորից կոտրատում էի ծառերի ճիւղերը: Նուոր կարմրին էր տախի, սերկնիլը դեղնին, էլ դեղձ, էլ ընկոյզ, որ մէկն ասեմ: Ծանր քթոցները բարձաւմ էին ու քշում քաղաք:

—Էս ի՞նչ տանջանք է, տօ,—զլուխը կախ զցած թառանչ էր քաշում իշուկը: Գոնէ շուտով մի ձմեռը գայ, երկիրը սառչի, էս անտէր բոյսերը չորանան, ես էլ պատւեմ. թողնեն ինձ հանգիստ ախոռում ուտեմ ու պառկեմ:

4.

Հասաւ ձմեռը. Սարսափելի ցուրտ: Այգեպանը իշուկին քշում էր անտառ, փտյտ էր կտրում, ցախ էր հաւաքում, խոիւ ժողովում, բարձում իշին ու բերում տուն:

—Ի՞նչ անիծած եղանակ է,—մըսելով ու սայթաքելով գանգատում էր իշուկը:—Ամեն ի՞նչ քար է կտրել խոտ չը կայ, բան չը կայ: Երանի մի գարունը բացւի:

Ի՞նչպէս կը գանգատէր արտատիրոջ իշուկը:

Առած.—Իշին հարսանիք կանչեցին, ասաւ կամ ջուրը պակաս կը լինի, կամ փայտը:

## 32. Հետաքրքիր Բարկենը

Բարկենը կանգնել էր իրենց հարեան ատաղձագործի խանութի առջև և նայում էր, թէ նա ի՞նչպէս է աշխատում:

Նայեց, նայեց ու ասաւ.

—Վարպետ, ի՞նչ կը լինի: ինձ էլ սովորեցնեմ քո արհեստը:

—Աշքիս վրա,—պատասխանեց ատաղձագործը ծիծաղելով:—սովորեցնեմ: Տես, պահարան եմ շինում, կողքերը արդէն պատրաստ են, հիմա դռներն եմ շինելու.

Վարպետի խօսքը բերնումն էր, ներս մտաւ հացթուխի աշակերտը:

—Քանի՞ հաց թողնեմ, քեոի, —հարցրեց նա:

—Էտ հացը ի՞նչպէս էք թխում, —մէջ ընկաւ Բարկենը, ներս քաշելով թաժա հացերի անուշ հոտը:

—Ուզում ես տեսնես, հետս արի մեր փուռը. Էստեղ ի՞նչ ասեմ,—պատասխանեց տղան:

—Գնանք, —ասաւ Բարկենը:

Հացթուխի աշակերտը տարաւ նրան փուռը ու ցոյց տւաւ ալիւրն ու թթխմորը և սկսեց պատմել, թէ ի՞նչպէս են խմորը շաղախում ու հունցում:

—Այս, տղայ, մի-երկու գրւանքայ հաց քաշիր, —լսեց յանկարծ փռան դռնից:

Բարկենը ետ նայեց, տեսաւ՝ կանգնած է մի մարդ կաշւէ գոզնոցով, զզովը թելեր զցած:

—Բիծա, էտ երկար ու հաստ թելերը ի՞նչ ես անում:

—Կօշիկ եմ կարում, ի՞նչ պիտի անեմ,—պատասխանեց մարդը:

—Գնամ տեսնեմ կօշիկը ոնց են կարում,—մտածեց նա, թողեց փուռը ու շտապեց կօշկակարի ետևից:

—Դանակ, մկրատ ով ունի, սրելու գանակ, մկրատ,—կանչում էր մէկը փողոցում:

Բարկենը թողեց կօշկակարին ու վազեց այն կողմը, կանգնեց սրելու գործիքի դէմը, որ տեսնի՝ ի՞նչպէս է սրում:

Սրողը իր գործիքը զբել էր մի մութ խանութի զռան առջև: Բարկենի աչքը յանկարծ ներս ընկաւ, տեսաւ՝ այնտեղ կիտած են մեխեր և ուրիշ երկաթի կտորներ:

«Սա ի՞նչ բանի համար է», —մտածեց նա:

Այդ միջոցին մի կառապան ձին կանգնեցրեց խանութի առջև ու կանչեց.

—Զիուս մի պայտը ընկել է: Պայտես, ախպէր:

—Ընը, ի՞նչ լաւ եղաւ, էս էլ կը տեսնեմ, —խօսեց ի՞նքն իրան Բարկենը ու մօտեցաւ ձիուն, որի ոտք կտպում էին ու վեր քաշում:

—Մի տեղ տւէք, է, տեսնեմ՝ ինչպէս էք անում,—ասաւ  
Բարկէնը մէջ մտնելով:

—Դէնը կորի, այ տղայ, բացի կը տայ, զիմներիս ցաւ  
կը գառնաս,—բարկացաւ պայտառը:

Բարկէնը վիրաւորւեց այդ կոպիտ պատասխանից, խոռ-  
վեց ու գնաց տուն:

—Գիտե՞ս, մայրիկ, ես այսօր ինչքան բան եմ սովորել—  
դիմեց նա մօրը:—Սովորել եմ, թէ ինչպէս են պահարան շի-  
նում, յետոյ ինչպէս են հաց թխում, յետոյ...

—Հապա պատմիր տեսնեմ, ինչպէս են թխում,—ընդհա-  
տեց մայրը:

—Այ, ամենից առաջ...ամենից առաջ...—կակազեց Բար-  
կէնը ու չը կարողացաւ շարունակել:

1) Բարկէնը ինչու չը կարողացու շարունակել:

2) Իսկապէս հետաքրքիր տղայ էր Բարկէնը:

3) Զին ինչու են պայտում:

### 33. Յուրտը փչեց

Ցուրտը փչեց, ձմեռ սաստիկ,  
ձիւնը ծածկեց գետինը.  
ամեն մի մարդ մտաւ իր տուն՝  
պատըսպարւի ցրտիցը:  
Ժամի դըռան դողդողալով  
կանգնած է մի աղքատ կին.  
Նրա հանդերձ պատառ-պատառ,  
չունի շապիկ իր հագին,  
Անհամարձակ նա իր ձեռքը  
պարզում է անցկացողին—  
«Ողորմութիւն արէք, պարոն,  
անտուն, անտէր աղքատին»:

Առած. —Ողորմութիւն այնպէս տուք, որ շապիկը չիմանայ:



### 34. Քեռի Սիմօնի նապաստակը

1.

Քեռի Սիմօնը շատ լաւ մարդ է. ափսոս որ գինի մի քիչ  
շատ է սիրում:

Մէկ օր աղան նապաստակ է ուղարկում նրա ձեռքով  
քաղաք ընկերովը նւէր:

Քեռի Սիմօնը լոլօզականջ—կարճպոչանուն ձգում է մի  
պարկի մէջ, պարկը շալակում ու ճամփայ ընկնում: Ո՞նց է  
գնում... իսկ նապաստակը պարկում կուչ է եկել, կծիկ կտրել:

Ճամփի կիսին մի գինետուն կար: Քեռի Սիմօնը ուզում  
էր առանց նայելու արագ մօտովն անց կենայ. մի տասը քայլ  
էլ արդէն անցել էր գէնը, բայց... չը համբերեց, ետ նայեց:  
Խանութի շէմքում ծանօթներ տեսաւ:

Մտածեց. «Ամօթ է որ մէկ բարի լուս էլ է շասեմ»...

Քեռի Սիմօնը մտաւ գինետուն: Պարկը դուրսը վայր է  
զրել ու ծանօթների կենացն է խմում: Չը գիտի թէ էտ ծա-  
նօթները գլխին ինչ են բերելու:

Խմեց, պարկը շալակը գցեց ու բայեաթին կլկացնելով  
առաջ է գնում:

Մենակ էս նապաստակը ինչ որ շատ է վեր-վեր թռչում  
պարկի մէջ: Պա, էս ինչ էլ սուր ատամներ է ունեցել: Քե-  
ռի Սիմօնի մէջըը կարծես ասեղներով ծակծկելիս լինէր:

—Այ, հանգիստ կաց, շղիկ խնամի: Շոքեցիր համ: Էս է կը  
հասնենք, մուշտակդ կը հանեն, դէ գնա ու էնտեղ տկլոր  
տկլոր տրտինգ տուր:

Քեռի Սիմօնի քէֆը տեղն էր:

Էս էլ ահա աղայի ընկերով տունը:

—Թրը՛խկ, թրը՛խկ, Բաց արէք, բաց արէք, Մէկնապաս-  
տակ եմ բերել, մէկ նապաստակ որ... Դէ, շաապեցէք, շոքել է:

Ողջ տանեցիք դուրս թափւեցին։ Քեռի Սիմօնը նապաստակը առօք-փառօք պարկից հանում է։  
Կատու։



Քեռի Սիմօնը շշկած՝ կանգնել է կատուի  
պոչից բարձր բռնած։

—Այդ նապաստակը քեզ լինի, քեզ,  
կանչում է տանտիկինը։

Աղայի ընկերը բարկանում է, երեխաները ծիծաղում են, տան շները հաչում են։

Քեռի Սիմօնը վերջապէս կատուն գլցում է նորից պարկը, շալակում, և հայդէ ետ դէպի գիւղը։

## 2.

Ճամփին մտածում է և ինքն իրան ասում։  
«Քեռի Սիմօն, տեսմիր հա, հօ տեսմիր։ Սիր նապաստակը բռնողը դժւ չէիր, դժւ, խելքի տոպրակ։ Զը լինի թէ աղէն հանաք է արել, որ ինձ խայտառակի»։

Դնում է Քեռի Սիմօնը, առաջւանից արագ է գնում։ Էլի գինետան մօտիցն է անցնում։

Մտնի, թէ չը մտնի։ Զէ, բնչպէս կարելի է. պէտք է շրւտով տուն հասնի. Էս բան է որ իր տարիքի մարդուն էսպէս խայտառակեցին ժողովրդի միջին. Զէ, չէ, չի մտնի։

Ու մի բսան քայլ անց է կենում դէնը։

—Բա էս այրւած սիրտն էլ է չը հովացնեմ, —մտածում է մէկ էլ, պարկը մէկ ուսից միւսն է զցում ու շուռ տալիս դէպի գինետունը։

Նորից մի երկու բաժակ կոնծում է ծանօթների կենացը։ Նրանք էլ հօ անում են իրենց անելուն։

Պարկը շալակին ահա մտնում է մեր Քեռին գիւղը։

«Անց է սուս կացել, սրան տես։ Հիմի թուշկոտիր պարկի մէջ, է... գիտես՝ որ էս է զըխկ եմ անելու քեզ, համ... Մէկ աղին տեսնեմ դեռ. էսպէս էլ խայտառակութիւն։ Քեռի

Սիմօնը նվ, կատուն նվ, Տօ, էն աշխարհքի պարծանք որսկանը նվ, մկան գողը նվ»։

Թըըթիկ հա թըըթիկ, մնց է ծեծում Քեռի Սիմօնը աղայի դուռը։

—Բաց արէք էլի, բաց արէք։ Ալեորիս խայտառակեցիք։ Զեզ մի կատու ցոյց տամ, մի կատու որ...

Տանեցիք դուրս են թափւում։

—Ահա, աղա ընկերդ քեզ ետ է զրկում։ Ասում է. «Էս զու, էս էլ քոնապաստակը»։

Մէկ էլ զորթ՝ նապաստակը չը հանի պարկից։

Քեռի Սիմօնը շշկած կանգնել է նապաստակի երկար ականջներից բարձր բանած Աղան աչքերը չուծ նայում է, թէ նապաստակը ինչնու է ետ բերել։

—Թու, սատանի ճուտ, —յանկարծ աղաղակում է Քեռի Սիմօնը։ Նապաստակը ձեռքից վայր է ընկնում ու փախչում։ Աղան կանգնած հարայ է տալիս, շները վազում են։

## 3.

Էն է ու էն՝ Քեռի Սիմօնը նապաստակ չի որսում։ Էն է ու էն՝ աղան և իր ընկերը իրար հետ վիճում են։

—Դու ինձ ինչնու էիր կատու ուղարկում, ես քո մասիստն եմ։

—Աստած, երկինք, նապաստակ էր, նապաստակ։

—Այ ալեոր, քո բռնածը, քաղաք տարածը նապաստակ չէր,

—Նապաստակ էր, աղա ջան, զու շատ ապրես, նապաստակ էր։


—Այ մարդ, քո բերածը կատու չէր, սև կատու, —հարցնում էր աղայի բարեկամը,

—Կատու էր, աղա ջան, բաս կատու չէր։

Էսպէս մինչև էսօր էլ վիճում են։

Գուցէ դմբք սրանց բացատրէք, թէ ինչպէս է որ նապաստակը կատու դարձաւ, կատուն էլ նապաստակ։





### 35. Մի բաց նաևակ ամենքին

Դաշտ ու անտառ, գիւղի ճամփան  
ծածկւել է մի թիզ ձիւնով.  
Էլ չի ճարտում ուտելու բան,  
ով է տեսել էս տեսակ սով.  
ոչ մի ցորեն, ոչ մի հատիկ...  
Խնդրում ենք ձեզ, բարի մարդիկ,  
Աստծու սիրուն, մի կըտոր հաց,  
կոտորւեցինք, մեռանք սոված:

Շուտով կը գան օրեր գարնան,  
մենք ձեզ համար կերպենք զւարթ,  
ու փոխարէն ձեր լաւութեան  
ձեր պարտէզը, այդին ու արտ  
կը մաքրենք մենք թըրթուրներից,  
ճիճուներից ու որդերից.  
միայն թէ հիմի մի կըտոր հաց,  
կոտորւեցինք, մեռանք սովից:

Մի բառը ծիսերի կողմէց

իտիկ ծնմղուկեան

Թոշունները մեզ ինչ օգուտ են տալիս:  
Շուտառելուկ.—Ծիսը ճմբան ծերին, ծափ ճուտի ծիտը ծուտ:

### 36. Փող

Շատ ժամանակ չէ, ինչ կոտրւել է Հոփիսիկի ոտը: Հայրը  
շատ գէս ու դէն ընկաւ, շատ բժիշկների դիմեց, բայց ոչինչ  
չօգնեց:

Աղջկայ ոտը կտրեցին:

Մի օր հայրը նստած գըռում էր սեղանի առաջ. Հոփիսի-  
կը փայտէ ոտը թըխթըխկացնելով՝ մօտեցաւ նրան:

—Հայրիկ ջան, հերիք չի. ինչո՞ւ ես այդքան նստում, գը-  
ռում, հա գըռում:

—Բաս ի՞նչ անեմ, աղջիկս, չէ որ պէտք է փող աշխատեմ:

—Ինչի՞դ է պէտք փողը, հայրիկ ջան: Մի կտոր թուղթ է  
կամ մի պստիկ ոսկի, հօ էլ ոշինչ,

—Բայց ինչ որ ուզենաս, փողով կարող ես առնել, —ա-  
սաւ հայրը: —Այ, քեզ համար խաղալիք, քաղցրեղէն, սիրուն  
շոր, գլխարկ, ինչ որ ուզենաս...

Հոփիսիկը մտածեց, մտածեց և յանկարծ ասաւ.

—Ինչ որ ուզենամ, հայրիկ...

—Այն, աղջիկս:

—Մի ոտ գնի ինձ համար, հայրիկ ջան, մի խակական ոտ:  
Այնպէս ուզում եմ երկու ոտով վազեմ, ուզում եմ թոշկո-  
տեմ, ուզում եմ խաղամ: Մի ոտ, հայրիկ ջան, մի ոտ:


Հայրը ոչինչ չը պատասխանեց, զրկեց աղջկան, սեղմեց  
կրծքին ու սկսաւ համբուրել:

Հոփիսիկը զգաց, թէ ինչպէս ամուր զարկում էր հայրիկի  
սիրաը, ու նայեց նրա աչքերին:

Հայրիկի աչքերին արցունքներ էին փայլում:

1) Ինչո՞ւ էին արցունքներ փայլում հայրիկի աչքերում:

2) Ի՞նչ մտածեց Հոփիսիկը հայրիկի արցունքները տեսնելով:



### 37. Ծաղիկները

—Ուր գնացին ծաղիկները:  
—Մուս. քնած են հողի տակ,  
տաք ծածկած ողջ ձմեռը  
ձիւն-ծածկոցով ըսպիտակ:  
Կը զայ գարնան արևն էլ ետ  
իր շողերով կենդանի,  
ձմբան սաստիկ ցրտերի հետ  
ձիւն ծածկոցը կը տանի:  
«Ելք, կասի, իմ մանուկներ».  
ու հէնց նրանք իմանան,  
դուրս կը հանեն զլիիկները,  
աշխկները կը բանան.

- 1) Ինչո՞ւ ձմեռը խոտ ու ծաղիկ չի լինուա:
- 2) Ինչո՞ւ ձմեռը խոտն ու ծաղիկները չեն ոչնչանում:

### 38. Զմեռը

1.

Օ՛ֆ, երբ պէտք է անցնի էս անպիտան ձմեռը, —ասում  
էին մարդիկ փակ սենեակում:

—Օ՛ֆ, երբ պէտք է վերջանայ էս անիրաւ ձմեռը, —պան-  
զատուում էին կենդանիները նեղ որջերում:

—Օ՛ֆ, երբ պէտք է աղատւենք էս անտանելի ձմեռայ  
ձեռքից, —արտնջում էին թոշունները մերկ ձիւզերին:

Ու սաստիկ բարկացաւ ձմեռը. Վճռեց մէկ անգամից  
վերջացնի բոլորին:

Չայն տւաւ բուք ու բորանին, կանչեց սառնամանիքները,  
հաւաքեց իր բոլոր զօրութիւնը ու յարձակւեց աշխարհի վրա:

Խոր ձիւնով բռնեց ճամփաները, կապեց ջրերը, կախ տւաւ  
սառցէ լուլաներ տանիքներից ու ծառերից, սառցէ վարա-  
գոյրներ քաշեց լուսամուտներին, խցկեց որջերի քերանները  
և գանակի պէս կտրող սուր քամին բաց թողեց դաշտերի,  
սարերի ու ձորերի վառ:

2.

Բայց ի զուր:

Թէկ թոշուններից մի քանիսը ցրտահար եղան, բայց մը-  
նացածները կուչ եկան տների ծածկերի տակ, ծխնելոյզների  
մօտ, տաք ճեղքերում և չը մեռան:

Վայրի կենդանիները մուշտակները հագներին՝ չէին վա-  
խենում ձմեռայ բարկութիւնից և զուրս էին գալիս որս ա-  
նելու:

Մարդիկ աւելի պնդացրին պատուհաններն ու դռները,  
աւելացրին վառարանի կրակը, հագան իրանց ամենատաք շո-  
րերը ու գնացին իրենց գործերին:

Ձմեռը տեսաւ այս բոլորը, տեսաւ ու յուսահատւեց:

Յուրաք օրէցօր թուլացաւ, արևը բանի գնաց աւելի տա-  
քացաւ, ջրերը խոխոջացին, թոշունները երգեցին, դաշտերը  
կանտչ հագան ու մարդիկ բաց արին դուռն ու պատուհան:

Գարուն էր:

1) Ի՞նչպէս են ձմեռայ ցրտից պատսպարում ծիծուն, ծանծը,  
մեղուն, օձը, կրիան, գորտը, ծուկը:

2) Երեխանները ձմեռը ինչպէս են զարժանում:

## 39. Ակա

Գետինը ասաւ. Ես աշխարհի թագաւորն եմ:  
Զիւնը ասաւ. Բայց ես կը զամ քեզ կը ծածկեմ:  
Քամին ասաւ. Զիւն, որ ես զամ՝ ուր կը մտնես:  
Զիւնը ասաւ. Փառ՝ կը մտնեմ քարերի տակ:  
Անձրեն ասաւ. Բա ես որ զամ՝ ուր կը մտնես:  
Զիւնը ասաւ. Քեզ հետ ով է, ոո թաց-ըուեխ:

Առած.—Պարծեցողը պարկը մտնի:  
Հանելուկ.—Պոչը ջրում, գլուխը կը ակում:

## 40. Մի կարիլ մեղրը

1.

Մի գիւղացի իրենց գիւղում  
խանութ սարքել բան էր ծախում,  
Օրւան մի օր մօտիկ գիւղից,  
մահակն ուսին, շունն ետևից  
ներս է մտնում մի զրո չօքան.  
—Բարի օր քեզ այ խանութպան,  
մեղր չունես,  
մի քիչ տաս մեղ:  
Ունեմ, ունեմ, չոքան ախողէր,  
ամանդ ուր է, ամանդ բեր.  
ինչ տեղից որ ինքդ կուզես,  
էս սըհաթին բաշեմ տամ քեզ:

Էսպէս սիրով,  
լաւ խօսքերով  
մեղր են բաշում. մին էլ յանկարծ  
մի կաթ մեղրը ծորում է ցած.  
2.

Տը գ. Էն կողմից մի ճանճ գալի,  
էս կաթիլին վեր է գալի:  
Ճանճի վըրա թաքուն-թաքուն,  
էս խանութի տիրոջ կատուն

դուրս է ցատկում,  
թաթով զարկում...

Բայց հէնց կատւի ցատկելու հետ  
հովի շունը իսկոյն և եթ  
հաֆ է անում,  
վեր է կենում,  
խեղճ գիսիկին  
զնում տակին,  
ձեռաց խեղդում  
ու շըպըրտում.

3.

 Խեղդեց, խեղդեց. վայ, իմ կատուն,  
աս սատկես դու, շան որդի շուն,—  
բարկանում է խանութպանը  
ու ձեռն ընկած մօտիկ բանը  
տուր՝ թէ կը տառ՝ շան ճակատին,  
շուռ է տալի կատւի կողքին.

Վայ, ձեզ մատազ, ասլան շունըս,  
իմ ապրուստը՝, տեղըս, տունըս...  
տունըդ քանդւի, այ խանութպան,  
անխիղճ, լիրը, չար, ֆըլան, ֆըստան.

Բնց թէ դու իմ շանը զարկես,  
դէ, զարկելը հիմի դու տես...»  
Գոռում է մեր աժդահակը,  
մեծավուխ իր մահակը  
ետ է տանում ու ցած բերում,  
խանութպանին շէմքում փռում:

4.

«Սպանեցին... հայ, օգնութիւն...»  
Ու թաղից թաղ, ու տնից տուն  
ձէն է տալիս մէկը միւսին.  
«Հէյ, օգնութիւն... սպանեցին...»  
Վերի թաղից, ներքի թաղից,  
ճամփի վըրից, գործի տեղից,  
ճիչով. լալով,  
հարայ տալով –  
էլ հէրն ու մէր,  
քուր ու ախպէր,  
կին, երեխէք,  
ընկեր տղէք,  
զոքանչ, աներ,  
քաւոր, սանհէր,  
քեռի, փեսայ...

Բնչ իմանաս էլ՝ հվ է սա –  
գալիս են ու անվերջ գալիս,  
ով գալիս է՝ տուր. թէ տալիս.  
– Տօ, կոպիտ արջ, տօ, վայրենի,  
էս տեսակ էլ բան կը լինի.  
դու առուտուր եկար անես,  
թէ իր շէմքում մարդ սպանես...»  
Մին ասում են, տասը զարկում,  
աղցան անում, մէջտեղ ձրգում

Եր շան կողքին երկար ու մէկ.  
– Դէ, ձեր մեռելն եկէք տարէք:

5.

Ու էստեղից բօթը գընում,  
գընում մօտիկ զիւղն է հասնում.

– Հէյ, օգնեցէք,  
մեռած հօ չէք,  
սպանեցին մեր զիւղացուն...»  
Ինչպէս շնաճանճի մի բուն  
քանդես, թողնես,  
էն ճանճի պէս  
ամբողջ զիւղով օրդու կապում,  
«բնւհ» են անում, դուրս են թափւում՝  
ամեն մինը առած մի բան.




որը ձեռին մի հրացան,  
որը եղան, ցաքատ կամ սուր,  
որը թի, բահ, որը շամփուր,  
որը կացնով, որը փէտով,  
որը ձիով, որը ոտով,  
որն անգդակ, որը բորիկ,  
զէպի զիւշման զիւղը մօտիկ:  
– Տօ, էսպէս էլ անիրաւ զիւղ  
ոչ խիղճ ունեն, ոչ ահ-երկիւղ.  
մարդ զնում է առուտուրի,  
հաւաքւում են քաշում սրի.  
Թու ձեր գեղին, միջի մարդին,  
ձեր նամուսին, ձեր աղաթին...»  
գնանք, զարկենք,  
ջարդենք, կրակենք.  
– Հայ, հույ, յառաջ, դէ, ձեզ տեսնեմ...

Ու դուրս եկան իրարու դէմ:  
 Հա զարկեցին ու զարկեցին,  
 կոտորեցին, կրակեցին.  
 ինքան աւել կոտորեցին,  
 էնքան աւել կատաղեցին:  
 Զարդեցին իրար,  
 ջնջեցին իրար,  
 կորան, գընացին  
 գետնին հաւասար.

6.

Դու մի ասիլ, մէկը մէկից  
 էսքան մօտիկ, սահմանակից  
 էս զիւղերը հարկ են տալի  
 ամեն մինը մի տէրութեան.  
 Մի տէրութեան թագաւորը,  
 երբ լսում է էս բոլորը,  
 արձակում է հրովարտակ  
 ժողովրդին իր հպատակ.  
 «Յայտնի լինի մեր տէրութեան,  
 զինւոր, բանւոր, ազնւական,  
     ամեն շարքին  
     ու աշխարհին,  
 որ անօրէն ու դաւաճան  
 մեր դրացի ազգը դաժան,  
 երբ մենք ընած էինք սիրով,  
 մեր սահմանը մտաւ զօրով  
 ու կոտորեց սուրբ ձեռին  
 մեր սիրելի զաւակներին:  
 Արդ, մենք, ընդդէմ մեր իսկ կամքին  
 պատէր տւինք մեր բանակին,  
 յանուն արդար ու սուրբ ոխի  
 մըտնի հողը մեր սոսիխօ.




Միւսը նոյնպէս իրեն հերթին  
 գրեց զօրքին, ժողովրդին:  
 Ու սկսեց կըսիւն ահեղ:  
 Թնդանօթներ Էստեղ, էնտեղ:  
 Կըրակն ընկաւ շէն ու քաղաք.  
 արիւն, աւեր, ճիշ, աղաղակ.  
 ամեն կողմից սարսափ ու բօթ,  
 ամեն կողմից մեռելի հոտ...

7.

Ամառ, ծըմեռ,  
 ողջ տարիներ,  
 մշակն անբան,  
 դաշտերն անցան...

Ու կոիւը չը դադարած,  
 սովը եկաւ համատարած.  
 սովը եկաւ, սովի հետ ցաւ,  
 ծաղկած երկիրն ամայացաւ...  
 Իսկ մնացած մարդիկ իրար  
 հարցնում են սարսափահար,  
 թէ հրտեղից արդեօք ծագեց  
 էս ընդհանուր աղէտը մեծ.



## 41. Ածխարարն ու պարոնը

Արմենակն ու Գէորգը դասընկերներ էին:

Արմենակը մի հարուստ պարոնի որդի էր, իսկ Գէորգը ածխարարի: Մի օր, վէճի ժամանակ, Արմենակը Գէորգին անւանեց «աղքատի ճուտ»: Գէորգը կարմրեց, աչքերը արտասուրքով լցւեցին, ու ոչինչ չը պատասխանեց: Գնաց տուն, հօրը գանգաւեց:



Ածխարարը միւս օրը վարժարան եկաւ որդու հետ ու ամբողջ դասարանի առջև պատմեց ուսուցչին: Այդ միջոցին վրա հաստ Արմենակի հայրը, հարուստ պարոնը:

— Այս բանւորը գանգատւում է ձեր որդուց,— զիմեց նրան ուսուցիչը:

— Պատճառը,— հարցրեց պարոնը:

— Պատճառն այն է, որ ձեր որդին սրա որդուն անւանել է «աղքատի ճուտ»:

Պարոնը յօնքերը կիտեց, կարմրեց ու որդուն հարցրեց:

— Ճշմարիտ է, ասել ես դու այդ խօսքերը:

Արմենակը գլուխը կախ զցած՝ լուռ կանգնած էր: Հայրը բռնեց նրա ձեռքից ու հրեց զէպի Գէորգը:

— Ներողութիւն խնդրի:

Ածխարարը կամենում էր արգելել, բայց պարոնը մտիկ չարաւ ու կրկնեց:

— Ներողութիւն խնդրի ու կրկնի իմ ետեից: «Խնդրում եմ ների ինձ հօրդ դէմ ասած յիմար խօսքիս համար: Իմ հայրը պատիւ է համարում նրա ձեռքը սեղմելը»:

Ածխարարը դարձեալ ուզում էր ընդդիմանայ, բայց պարոնը նրա վրա ուշը չը դարձրեց, և Արմենակը կամացուկ, ակազելով կրկնեց հօր ետեից:

— Խնդրում եմ... ների ինձ... հօրդ դէմ... ասած... յիմար խօսքիս համար: Իմ հայրը... պատիւ է համարում... նրա ձեռքը սեղմելը:

Եւ պարոնը սեղմեց ածխարարի ձեռշը:

— Խնդրեմ այս երկուսին իրար կողքի նստեցնէք, — ասաւ պարոնը ուսուցչին:

Ուսուցիչը Արմենակին ու Գէորգին նստեցրեց մի նստարանի վրա:

1) Ինչո՞ւ համար էր Արմենակի ասած խօսքը վատ:

2) Ինչո՞ւ համար նրա հայրը պատիւ էր համարում ածխարարի ձեռքը սեղմելը:

Առած.— Դու աղա, ես աղա, մեր աղունը մվ աղայ:



## 42. Գարնան կարօտ

Կարօտ ենք տեսքիդ, աննման գարուն.  
Չուտ արի մեղ մօտ, բեր մեղ տաք օրեր,  
բեր պայծառ արև, բեր ծաղիկ սիրուն,  
ճըռվըռող թըռչուն, բեր կանաչ դաշտեր:  
Թող բացւեն ծաղկեն վարդ, մեխակ, շուշան,  
բաց մեր դոները, բաց մեր պատուհան.  
Վակւած սենեակից ելնենք ազատւենք,  
կանաչ դաշտ երթանք, խաղանք, գլորւենք.

## 43. Խաղը



Երեխաները խաղում էին: Արամը յանկարծ մի բան ըջիչաց քուրիկի ականջին ու երկուսն էլ ծածուկ ժպտացին:  
—Հա, էտպէս անենք,—վիսփսաց քուրիկը ու բարձր կանչեց.—Եկէք պահմըտոցիկ խաղանք:  
—Խաղանք, խաղանք,—ուրախ-ուրախ մօտ վազեց փոքրիկ Անահիտը, թողնելով իր խաղալիքները:  
—Առաջ ով թաք կենայ, —հարցրեց Արամը:  
—Ես, ես, —կանչեց Անահիտը:  
—Դու կարող ես որ...  
—Էնպէս լաւ թաք կենամ: Իսկի չէք գտնի:  
—Թաք կաց, —ասաւ Արամը՝ քրոջը աշքով անելով. —Միայն տես, շուտով դուրս չը գաս, որ մենք քեզ շատ վնտրենք:  
—Գնացէք, գնացէք, ես զիտեմ, —ասաւ Անահիտը:  
Արամն ու քոյրը գնացին միւս սենեակը:  
Անահիտը ոտի ծայրերին գնաց գէս, գնաց դէն, փորձեց մի յարմար տեղ գտնի, վերջը մտաւ նախասենեակում հօր

երկար վերարկուի տակը ու տապ արաւ:

Սպասեց, երկար սպասեց, բայց Արամն ու քուրիկը չէին գալիս: Նրան այնպէս էր թւում, թէ բակից լսում էր նրանց ուրախ ծայները: Մէկ ուզում էր դուրս գայ, նայի թէ ուր մացին, մէկ էլ յիշում էր, թէ դուրս գալ չի կարելի:

Կծկւել էր վերարկուի տակ, սպասում էր ու սպասում: Իսկ Արամն ու քուրիկը բակում ծիծաղելով պատմում էին գրացի Զարէլին, թէ ինչ խաղ խաղացին իրենց Անահիտի զլխին.


Ինչո՞ւ էր Արամի ու քուրիկի խաղացած խաղը վատ:

Շուտասելուկ. — Զը թոչի, թող չը թոչի:

## 44. Կանանց ախաղէր

Էյ, կանանչ ախաղէր,  
Էյ, ճանանչ ախաղէր,  
արի՛, քեզ հետ բեր  
արևի շողեր.  
Բեր անուշահոտ  
ծիլ, ծաղիկ ու խոտ,  
կարկաչուն վըտակ,  
երկինք կապուտակ,  
խատուտիկ հաւքեր,  
զրընզան երգեր,  
գառների մայիւն,  
խաղ, ուրախութիւն.  
Էյ, կանանչ ախաղէր,  
Էյ, ճանանչ ախաղէր:

- 1) Ինչո՞ւ ենք ասամ՝ զարնանը «կանանչ ախաղէր»:
- 2) Զմուննը ինչ ախաղէր կատք:
- Առաջ. — Մէկ ծաղկով գարուն չի գայ:



## 45. Առիւծի երազը

1.

Առիւծի կորիւնը փակւած էր վանդակում։ Նտ մոայլ նայում էր երկաթէ ամուր ձողերի ետևից։ Կարօսով յիշում էր իր հայրենի տաք անապատը, յիշում էր, թէ ինչպէս գիշերները աստղերի լուսով, իր մօր հետ ընկնում էր արագավազ հղնիկների ետևից, ինչպէս ազատ, ուրախ, իր քոյր ու եղբայրների հետ, մօր կողքին, խաղում էր արմաւենիների տակ։

Այժմ անցել է ամեն բան, և գաղանանոցում փակւած, գերի, տիսուր նայում էր նա հաստ ձողերի ետևից։

Գիշեր էր։ Շուրջը լուս ու խաղաղ։ Գաղանանոցի գերիները, — վագրը, արջը, գայլը, կապիկները, ջայլամը, եղջերուները, — ամենքը իրենց վանդակներում, յարդի վրա ընկած սպասում էին լուսանալուն։

Վերջապէս յոգնած առիւծի ձագն էլ զլուխը դրաւ թաթերի վրա ու քննեց։

2.

Գիշերւայ մի ժամանակ յանկարծ գաղանանոցի զուռը ետ բացւեց ու ներս մտաւ նրա մայրը։ Ներս մտաւ հպարտ ու հզօր, կրակոտ աչքերը ման ածաւ վանդակների վրա ու աեսաւ...

Նա տեսաւ իր զաւակին։ Աչքերը փայլատակեցին, մոլնաց, յարձակւեց, իր զօրեղ զարկով ջարդեց վանդակի ձողերը...

Կորիւնը ուրախութիւնից ճշաց, վրա թռաւ, որ ընկնի մօր զիրկը, զիտաւ երկաթի ձողերին ու զարթնեց...

Տեսաւ՝ երազի մէջ էր...

Գիշեր էր։ Շուրջը լուս ու խաղաղ։ Գաղանանոցի գերիները, — վագրը, արջը, գայլը, կապիկները, ջայլամը, եղջերուները, — ամենքը իրենց վանդակներում, յարդի վրա ընկած սպասում էին լուսանալուն։

Կորիւնը երկար ու ձիգ մոնչում էր գիշերւայ լուսանալուն։

Ինչո՞ւ էր մոնչում կորիւնը։

## 46. Մարտ

Ա՛խ, Էսպէս էլ զիժ ամիս։  
մարդու հանգիստ չի տալիս։  
Էսօր ուրախ օր կանի,  
վաղը անձրև ու քամի.  
առաւօտը պայծառ օդ,  
կէսօրը մութ ու ամպոտ։  
Մին հագնում է սպիտակ,  
մին կանաչին է տալիս։  
մի օր ցուրտ է, մի օր տաք,  
մին խնդում է, մին լալիս։  
Ա՛խ, Էսպէս էլ զիժ ամիս։

## 47. Թէ ինչու են ծաղկում մանուշակները

Չմեռը նոր էր անցել, Գարնան մի պայծառ առաւօտ,  
երբ արել ծագում էր շքեղ, երբ թոշունները երգում էին ու-  
րախ ու հովը խաղում էր թփերի հետ, այդ ժամանակ անտա-  
ռում բացւեցին թարմ անուշահոտ մանուշակները. Ճերմակ  
ձնծաղիկները նրանց ողջունեցին թփի տակից. դեղին գիներ-  
բուկը ժպտաց միւս կողմից, շուրջը սկսեցին թրթռալ գոյն-  
գոյն թիթեռները, թաւամազ ճանճերը ու ժիր մեղուները:

—Ի՞նչ հրաշալի մանուշակներ են, —կանչեց փոքրիկ աղ-  
շիկը: —Կը քաղեմ, փունջ կը կապեմ, կը դնեմ ծաղկամանիս  
մէջ, իմ պատուհանում:

Ասաւ, ձեռքը մեկնեց որ քաղի, մին էլ յանկարծ վախե-  
ցած ետ քաշեց:

Մի մեծ բրդոտ ճանճ թռաւ ծաղկի վրայից բռուացնելով.

—Ցիմար աղջիկ, չը համարձակւես իմ ծաղիկները քա-  
ղելու. Նրանք ինձ համար են բացւել, ինձ համար են անուշ  
փոշի պատրաստել ու քաղցր հիւթ ամբարել իրենց մէջ:

Սկսեցին ժըւժըւալ և մեղուները, և թիթեռները, և բը-  
զէզները. Ամեն մէկն ասում էր.

—Իմն են ծաղիկները.

Արել լսեց, ժպտաց ու ասաւ.

—Անմիտներ, ինչու համար են վիճում: Երկրի վրա ամեն  
ապրող բան ծնւած է իմ լուսից ու տաքութիւնից: Զեն իմա-  
նում, որ այդ ծաղիկներն էլ իմն են:

Աղջիկը մնացել էր մէջտեղը կանգնած: Ամենքին էլ լը-  
սում էր ու չէր իմանում՝ նրին հաւատայ:


Վերջապէս դարձաւ մանուշակներին.

—Ասացէք, սիրուն մանուշակներ, ինչու համար էք ծաղ-  
կում դուք, ինչու համար են բացւում ձեր հոտաւէտ պսակ-  
ները և նւմ համար էք ապրում:

Ծաղիկները պատասխանեցին.

—Մենք ապրում ենք ապրելու համար. և ծաղկում ենք,  
սերմեր ենք թողնում, որ մեզանից յետոյ էլ մեզ նման մա-  
նուշակներ ծաղկեն ու ապրեն.

Սրել իրամնեք ունի ասելու թէ «Երկրի վրա ամն ապրող բան  
ծնած է իմ լուսից ու տաքութիւնից»:



## 48 Մանուշակ

Կապոյտ զլիով, կանաչ ոտով,  
ես ծաղիկ եմ անուշ հոտով:  
Թէ տունկս փոքրիկ է, ցած,  
արօտներում միշտ թաք կացած,  
բայց իմ փունջը ամենի տան,  
թէ աղքատի, թէ մեծատան,  
իրրե գարնան առաջի զարդ,  
տեսնում է միշտ ամեն մի մարդ:  
Ես եմ սիրուն գարնան գուշակ,  
իմ անունըս է մանուշակ:

## 49. Մշտական ճամփորդ

1.

Գարնան շողը դիպաւ սարերի ձիւնին, և ձիւնը կամացուկ արտասւեց: Զինջ կաթիլը ընկաւ գետնին, գրկւեց ուրիշ կաթիլների հետ և վլորւեցին ցած:

Գլորւում են ու փսփում.

— Ճամփա...

— Էս նվ է փսփում, — մտածեց ձնծաղիկը, վեր հանեց գլուխը, պայծառ արել տեսաւ և ուրախութիւնից անուշ բուրմունք արձակեց:

2.

Սահում է ջրի թելը, սահում են բաղմաթիւ թելեր, հանգիպում են աղբիւրի կաթիլներին ու մրմնջում.

— Դուք նրտեղից էք գալիս, քուրիկներ,

— Այնպէս նեղ էր, այնպէս մութ էր մեր ճամփան, — պատախանում են աղբիւրի կաթիլները. — գեանի տակ հազիւ հազ գտանք իրար ու դուրս վազեցինք ակնից: Ի՞նչ լոյս է այստեղ. ի՞նչ ազատ: Մեր ընկերները վազուց անցել են առաջ. շտապում ենք նրանց ետեից...

Ու կայտառ առւակը կարկաշելով սուրաց ցած:

— Էս ի՞նչ աղմուկ է, մի՞թէ գարուն է արդէն, — զարթեցին բողբոջները ծառերի ճիւղերին ու սկսեցին մուշտակները հանել:

3.

Առւակը գրկւեց առւակի հետ ու գիծ գետակը փրփրալով վիժեց ցած, քարից քար, տանելով իր հետ աւազ ու չորացած տերեներ:

Ընկերների հետ վըշտում, բարձր կանչում էր մեր կաթիլը.

— Ճամփա...

Զաղացպանը դուրս վազեց, շտապով կապեց նաւի դուռը, որ գետակը ջաղացի անիւը չը ջախջախի: Ճամփորդը զգոյշ մօտեցաւ կամուրջին տեսնելու՝ ջուրը հօ տարել չի:

4.

Գետակը ընկաւ արտերի մէջ, քար ու աւազ կուտակեց այստեղ ու այնտեղ, շուտով էլ միացաւ իրնման գժերի հետ:

Գետը ուռաւ, վարարեց. կատաղած զլորում էր ահագին քարեր, արմատահան անում դարենոր ծառերը, ափերը ծեծում, տներ քանդում, այգիներ սրբում. Իր ընկերների հետ գդրդում է մեր կաթիլը.

— Ճամփա...

Գիւղացիք ու քաղաքացիք յուսահատ իրար են անցնում... իսկ գետը շտապում է դէպի ցած:

5.

Քամու հետ ճօճւում են ահագին ալիքները ծովի երեսին, շաշում, փրփրում. Մեր կաթիլը հեծել է մի ահագին կորակի կատարին, ու ինչպէս ոստոստում է ու խաղում կայտառ:

Յանկարծ զգում է, որ պօկւում է ալիքի վրայից, արել այնպէս մեղմ շոյում էր նրան ու իրեն կանչում:

Թեթև թեթև բարձրանում է վեր, թոշում է դէպի կապուտակ երկինքը, դէպի պայծառ արել: Թոշում է նա, մօտենում իր բոյրերին ու կրկնում նրանց հետ ամպի մէջ.

— Ճամփա...

6.

Բարձրում ամպը միացաւ ուրիշ ամպերին ու կախ ընկան երկնքից: Սեսե թուխպերը կոփւ զցեցին, գոռգոռում էին, կայծակներ շպրտում իրար վրա: Մեր կաթիլն էլ դէս ու զէն է ընկնում, ոլորւում է, պտտում, հրում ու անգաղար որոտում:

— Ճամփա...

— Ճամփա, կրկնում են բոլորը և յանկարծ մեծ թափով ոլանում, թափուում են ցած դէպի երկիրը:

7.

Անձրեր տեղաց պապակած գետնին: Մեր կաթիլը ընկաւ արտի մէջ, սի հասկի ոտի տակ: Հասկը թրթուց ու կանչեց.

— Բարով ես եկել, մշտական ճամփորդ: Ի՞նչպէս էի կարուել քեզ:

Առած. — Զուրն իր ճամփան կը գտնի:

## 50. Արագիլ

Արագիլ, բարով եկար,  
հայ, արագիլ, բարով եկար.  
դումեզ գարնան նշան բերիր,  
մեր սրտերը ուրախ արիր.  
Արագիլ, երբ զնացիր,  
դումեզանից երբ զնացիր,  
հա փչեցին բուք ու բորան,  
ծաղիկները ամեն արան.  
Արագիլ, բարով եկար,  
հայ, արագիլ, բարով եկար,  
բունըդ շնի դումեր ծառին,  
մեզ մօտ մնա ամբողջ տարին:

## 51. Արագիլները

1.

Մի փոքրիկ գիւղի  
ծայրին, մի բարձր ծա-  
սի վրա, արագիլները  
զրել էին իրենց բունը:  
Մայրը նստել էր չորս  
ճուտիկների վրա, իսկ  
մի քիչ հեռու, տանիքի  
վրա պահապան էր  
կանգնել հայր արագիլը:  
Նա մի ոտը վեր քաշած՝  
տնկւել էր այնպէս ան-  
շարժ, կարծես փայտից լինէր շինած:

Ներքել փողոցում խաղում էին մի խումբ երեխաներ:  
Հենց որ աշքերին րնկաւ արագիլը, մինը սկսեց արագիլի հին  
երզը, ու ամբողջ խումբն էլ նրա հետ:



Հէյ, արագիլ, տուն զնա,  
ցից մի ոտիդ մի մնայ,  
կիւրդ նստած բնի մէջ  
օրօրւում է քնի մէջ  
Էս մի ճուտիդ կախ կանեն,  
Էն մէկէլին դադ կանեն,  
Էս մի ճուտիդ կը մորթեն,  
Էն մէկէլին կը քերթեն:

—Մայրիկ, լսիւմ ես, էտ տղէքը Բնչ են երգում,—ձչա-  
ցին փոքրիկ ճուտիկները:— Ասում են՝ մեզ պէտք է կախ անեն:

— Ականջ մի զնէք, ոշինչ էլ չի լինի:  
Բայց երեխաները չարունակում էին  
երգել ու ջզրացնել արագիլին:

Իսկ մայր արագիլը սիրտ էր տալիս  
փոքրիկներին.

— Մի վախենաք. տեսէք, հայրիկը  
Բնչպէս հանգիստ կանգնել է, էն էլ մի  
ոտի վրա:

— Ախ, մենք շատ ենք վախում,—  
ասին ճուտիկները ու զլուխները քաշե-  
ցին ետ բնի խորքը:

2.

Միւս օրը, երբ տղէքը նորից հաւաք-  
ւել էին խաղալու, էլի սկսեցին իրենց  
երզը.

— Էս մի ճուտիդ կախ կանեն,  
— Էն մէկէլին դադ կանեն...

— Ուրեմն իրամ մեզ պէտք է կախ անեն,—հարցըին ճու-  
տիկները:

— Զէ, Բնչ էք խօսում,—ասաւ մայրը:— Դուք պէտք է  
թռչել սովորէք. ես ձեզ կը սովորեցնեմ: Յետոյ միասին կը

թոշենք դաշտ, գորտերին հիւր կը գնանք: Մեզ տեսնեն թէ  
չէ, խորը գլուխ կը տան ու կը սկսեն երգել. «Եկամք, եկամք,  
եկէր-եկէր-եկէք»: Մենք էլ կը սկսենք ուտել. էնպէս քէփ  
կանենք որ...

— Իսկ յետոյ, — հարցրին ճուտիկները:

— Յետոյ կը հաւաքւենք էս կողմերի բոյոր արագիներս  
ու կը սկսենք մեր աշնան վարժութիւնները: Զէ որ պէտք է  
լաւ թոշել իմանաք. էտ շատ հարկաւոր բան է, ով լաւ թըռ-  
չել չփանաց, մեր խմբագետը նրան կը սատկացնի կտուցով:

— Են, ինչ անենք. մի բան որ մեզ պէտք է մորթեն: Այ-  
տես, տղէւը ինչ են ասում:

— Դուք ինձ ականջ արէք, — պատասխանեց արագիլը: —  
Աշնան մեծ վարժութիւններից յետոյ կը թոշենք սարերի,  
անտառների վրայով, հեռու, հեռու, դէպի տաք երկիրները:  
Էնտեղ մեծ զետեր կան, ահազին ճահճներ կան, մէջը լիքը  
գորտ. մտիր ցեխը ու կեր, ինչքան կուզես:

— Ո՛, — բացականչեցին ճուտիկները:

— Հապա, տեսնում էք: Եւ երբ էնտեղ էսպէս հրաշալի է  
լինում, էստեղ էնպէս ցուրտ է անում, որ ամպերը սառչում  
ու կտոր-կտոր, սիպտակ սիպտակ թափւում են ցած:

Արագիլը իրեն թէ ուզում էր ասել՝ «Ճիւն է գալիս»:

— Են շար տղէն էլ պէտք է սառչեն ու կտոր-կտոր  
լինեն, — հարցրին ճուտիկները:

— Զէ, բայց դրա նման մի բան, Պէտք է փախչեն, մտնեն  
իրենց մութ սենեակները ու մկների պէս թաք կենան:

### 3.

Անցում մի բանի ժամանակ: Փոքրիկ արագիները արդէն  
այլքան էին մեծացել. որ կարողանում էին կանգնել բնի մէջ  
և զիտել իրենց չորս կողմը: Հայր արագիլը ամեն օր նրանց  
համար բերում էր գորտեր, փոքրիկ օձեր ու այդ տեսակ հա-

մեղ պատառներ, ինչ որ ընկնում էր կտուցը: Եւ զանազան  
պատմութիւններ էր անում միշտ ճահճի մասին:

— Դէս, ժամանակ է վիրջապէս պէտք է թոշել սովորէք  
թէ չէ, — տառաւ մի օր մայր արագիլը:

Ու չորս ճուտերն էլ գուրս պիտի ելնէին բնից: Առաջ  
էին գալիս, թե ինքը բաց անում, բայց վախում էին ցած թափւեն:

— Տեսէք, ես ինչպէս եմ անում, — սովորեցնում էր մայրը: —  
Գլուխներդ էսպէս առաջ ձգեցէք. ոտներդ էլ էսպէս ետև: Մէկ-  
երկու, մէկ երկու... էս է որ կեանքի մէջ պէտք է ձեզ պահի:

Յետոյ ինքը թռաւ մի կտոր տեղ: Փոքրիկներն էլ ետնից,  
թրըմփ, ընկան կողըի կտուցը:

— Ես չեմ ուզում թռչեմ, — ասաւ փոքրիկներից մինը ու  
նորից մտաւ բունը: — Իսկի էլ պէտք չեն տաք երկիրները:

— Ուզում ես ցրտից գլուխնաս, երբ ձմեռը համնի: Թէ  
ուզում ես տղէրը քեզ կախ անեն, խորովեն ու շամփրեն:  
Լաւ, ուզում ես կանչեմ, — բարկացաւ մայրը:

— Զէ, չէ, մի կանչի, — ճաց փոքրիկը ու նորից թռաւ  
կտուցը միւսների մօտ:

### 4.

Երեք օրից յետոյ, ճուտերը մի քիչ կարողանում էին  
թոշել և կարծում էին արդէն, թէ էն է կորող են օղի մէջ  
բարձր սաւառնեն և թեները փուեն ու հանգստանան:

Փորձում էին, բայց իսկոյն գլուխնոնդի ցած էին ընկ-  
նում ու ստիպւում էին նորից արագ թեները շարժելու:

Ցածը, փողոցով անց էին կենում երեխաներն ու երգում  
իրենց եղզը:

Հայ, արագիլ, տուն զնա,

ցից մի ոտիդ մի մետյ:


— Մայրիկ, հիմա ցած չը թաքէք ու դրանց աչքերը չը  
համենիր, — հարցնում էին ճուտերը:

— Դուք ձեր բանին կոցէք, — պատասխանում էր մայր

**արագիլը:**—Մեր արածը շատ աւելի կարևոր է: Մէկ, երկու, երեք, թուշնք աչ, զանգակատան շուրջը, հիմա էլ ձախ, մէկ, երկու, երեք: Այ, էտ մինը քէֆս եկաւ, էսպէս որ զնայ, վաղը ձեղ կը տանեմ ճահիճ: Էնտեղ ուրիշ շատ արագիլներ կան. էնդէս/արէք, որ ամենքն էլ ձեղ հաւանեն. ասեն՝ էս Էնչ լաւն նն էս երեխէքը, էս ումն են:

—Իսկ էտ անպիտան տղաներից մեր վրէժը հանելու չենք,—նորից հարցըին փոքրիկ արագիլները:

—Թող արէք գոռան, ինչքան կուզեն: Զէ որ դուք պէտք է թոշէք դէպի ամպերը,—զնաք տաք երկիրներ, իսկ նրանք էստեղ պէտք է մըսեն: Ոչ կանաչ տերև են ունենալու, ոչ էլ գորտ:



### 53. Ծիծենակ

Մարտն անցաւ, հասաւ ապոիլ գեղեցիկ,  
հեռու աշխարհից եկաւ ծիծեռնիկ,  
բարով դու եկար, գարնան կարապետ,  
բուն շինողներից ամենից վարպետ:

Պատուհանիս մօտ շինի քո բունը,  
անուշ ճըռողով երգի գարունը,  
ձու ածա, հանի գեղեցիկ ձագեր  
ու մնա մեզ մօտ մինչև սեպտեմբեր.

68

**54. Մժուկը**  
**1.**

Ոչ որ չը տեսաւ թէ ինչպէս ծնւեց փոքրիկ մժեղը:  
Գարնան մի արև օր էր: Ազքը բաց արաւ, նայեց չորս  
կողմը ու կանչեց.

Ի՞նչ լաւ է:

Մին էլ ոտիկներն իրար քսեց ու թուաւ: Թոչում է և ու-  
րախանում ամեն բանով: Իսկ ներքեռում խռար կանաչին է  
տալի, և խոտի մէջ թաքնւած մի կակաչ ժպտում է ու ժպտում:

—Ինձ մօտ արի, փոքրիկ մժեղ, —կանչում է ծաղիկը:

Մժուկը իշաւ ծաղկի վրա,  
ծծեց նրա հիւթը ու ասաւ.

—Ի՞նչ լաւ է. և էս բոլորն  
իմն է:

Բայց դեռ խօսքը բերնումն  
էր, որ բըռուացնելով եկաւ  
բըռոտ բոռը:

—Բը՛ռո... էտ հիվ է նստել իմ  
ծաղկի վրա, բը՛ռո... հիվ է խը-  
մում իմ քաղցր հիւթը, բը՛ռո...  
Դէնը կորի. անպիտան մժուկը:

—Սպասի, էս ինչ բան է, —տըղտըղաց մժուկը.—չէ որ  
էս բոլորն իմն է:

—Բը՛ռո... չէ, իմն է:

**2.**

Մժուկը ոտները զօռով աղատեց կատաղի բոռից, նստեց  
խոտի վրա, լիզում էր ծաղկի հիւթով թաթախւած ոտիկները  
ու բարկացած խօսում:

—Ի՞նչ կոպիտ է էտ բոռը, գարմանախ բան է: Ախը չէ  
որ բոլորն իմն է, արևն էլ, խնան էլ, ծաղիկն էլ:

— Ոչ ներեցէք, իմն է,—խօսեց բրդոտ ճիճուն, որ բարձրանում էր խոտի ցողունի վրա:

Մժղուկը/զլիի ընկաւ, որ ճիճուն թռչել չը զիտի, համարձակ ձայն բարձրացրեց.

— Ներողութիւն, բարեկամ, սխալում ես. բոլորն իմն է. բայց ես հօ չեմ արգելում քեզ:

— Լաւ, լաւ, մտիկ արա, որ իմ խոտին չը դիպչես. ձեղանից էստեղ էնքան թռչում են որ... Դուք թեթևամիտ ժողովուրդ էք, իսկ ես ծանր ճիճուն. Դէ, հայդէ, գնաս բարով:

### 3.

Մժղուկը թռղեց ու թռաւ հեռու. տեսաւ ջուր:

— Ես հօ իմն է ու իմը, իմ ջուրը. Ա՛խ, ինչ լաւն է. Էստեղ խոտ էլ կայ, ծաղիկ էլ կայ:

Եւ ահա թռչում գալիս են ուրիշ մժղուկներ՝ էլ:


— Բարի օր, քուրիկ:

— Աստծու բարին ձեզ, քուրիկներ. Էտ հոր էր թռչում:

— Խաղ ենք անում, դու էլ արի մեզ հետ. Էնդէս ուրախանում ենք:

Ու զնացին, խաղում էին ջրի վրա. պտտւում ու թռչուում:

Յանկարծ, պը ժժ, ոնց որ մինը-մի քար զցի, ճճղուկն ընկաւ մժեղների մէջ:



— Վայ, վայ, — ժըւժըւացին բոլորն ու ցըւեցին դէս ու դէն:

Մին էլ երբ ուշի եկան, տեսան՝ շատերն էին պակասեր:

— Ա՛խ, անզգամ, — հայնում էին ծեր մժեղները. — ամբողջ տասը հոգի փշացրեց.

«Վահ, ամբողջ տասը հոգի. Էս հօ բոռից էլ անց կացաւ»:

### 4.

Մեր մժղուկի սիրոն ահ ընկաւ, ու միւս նորելուկների հետ միասին մտաւ Ճանձի խոտերի արանը, տապ արաւ:

Բայց էստեղ էլ մի ուրիշ փորձանք: Երեք մժղուկի ձուկը կերաւ, երկուսին էլ գորտր տարաւ:

— Էսպէս էլ բան կը լինի... — զարմացած մնացել էր մեր մժղուկը: — Միթէ կարողի է ապրել էսպէս:


Գիշերն ընկաւ, մութը վրա հասաւ, ու բոլոր մժղուկները մտան եղէ գնուածի տաք տեղերը. թաք կացան:

Վերև երկինքը լցւեց աստղերով. լուսինն էլ ծագեց, ու բոլոր միասին ցոլացին ջրի մէջ:


Էնպէս սիրոն էր:

— Ախ, իմ լուսնեանկը, իմ աստղերը... շշնչում էր մըժղուկը, բայց ահից էնպէս կամաց էր շշնչում, որ ոչոք չը լսի:

— Ա՛խ, իմ աստղերը... — շշնչաց կամաց ու բնեց:



- 1) Մժղութ վերջում ինչո՞ւ կամաց էր ասում՝ էս բոլորն իմն է:
- 2) Բացի մժղուկից, էլ ով է կարծում, որ էս բոլորն իլն է:
- 3) Ո՞մն է այս բոլորը:



## 55. Արօր

Ահա ծագեց կարմիր արև,  
տուք ու պայծառ է օրը,  
դէն, բաշեցէք, սիրուն եղներ,  
առաջ տարէք, արօրը:

Կարը վարենք, ակոս փորենք,  
խոր ակօմներ հողի մէջ,  
սերմը ցանենք, որ հունձ հնձենք,  
խուրձեր զիղենք կալի մէջ:

Կը գայ ձըմեռ, մենք վախ չունենք,  
ուրախ կանցնի մեր օրը,  
ուտելու միշտ պաշար ունենք,  
երբ լիթ լինի մեր հորը.


Դէն, բաշեցէք, սիրուն եղներ,  
տաք ու պայծառ է օրը,  
ահա ծագեց կարմիր արև,  
առաջ տարէք արօրը.

1) Արօրը զոթանից ինչով է զանազանում:

2) Ե՞րբ են վարում հորը. Ե՞րբ են ցանում:

Առած. — Ինչ որ ցանեա, էն կը հնձես:

Հանելուկ. — Սկ հինեմ, կանաչ գործեմ, դեղին կտրեմ:



## 56. Զիու տրտունչը

Գիւղացին գարի էր ցանում:  
— էս ի՞նչ ես անում, ինչու ես էտ  
գարին հողին խառնում, — տրտնջում էր  
ձին. — ի՞նչ կը լինէր ինձ տայիր՝ ուտէի,  
քան թէ էտպես փչացնում ես:

Տէրը ոչինչ չէր պատասխանում ու  
իր ցանն էր անում:

— Թէ իշխն էլ չես ուզում տաս, իշխն  
տուր. Ուտի, ուժ առնի, որ բարձես,  
ջաղացը տանես:

— Թէ իշխն էլ չես ուզում տաս, զոնէ հաւելին տուր:  
Կուտեն, քիզ համար ձու կածեն:

Տէրը շարունակում էր գարին շպրտել աջ ու ձախ:

— Ինչու չես պատասխան տալիս, — հարցընց նեղացած  
ձին:

— Քո պատասխանը ամառը կը տամ, — ասաւ գիւղացին:

1) Ամառը ինչ պատասխան պիտի տար գիւղացին:

2) Էլ ինչ կենդանիներ են զարի ուսում:

Հանելուկ. — Սկ կով ունեմ. տարէնը մի անգամ կաթ կը  
տայ ու խկի տուն չի գայ:

## 57. Արլորն ու մարզարիտը

Օրւան մէկը մի արլոր

քջուջ-մջուջ անելիս՝

տեսաւ մի հատ մարզարիտ

աղբի միջին փայլելիս.

Կոցեց, ասաւ. «Ես ի՞նչ է,  
 ինձ հարցընես՝ ոչինչ է:  
 Այ, վայը տսմ էս մարդին,  
 ով զին կը տայ էս զատին.  
 իսկ ինձ համար մի գարին  
 արժէր էսպէս հազարին»:

## 58. Հատիկի զարքնելը


 Յորենի հատիկի պառկած էր հողի տակ՝  
 Եւ հատիկի մէջ քնած էր փոքրիկ սաղմը։  
 Քնած էր ամբողջ ձմեռը։  
 Գարնան արեի շողը եկաւ կանչեց նրան։  
 — Զարթիր, զարուն է։

Եւ հատիկի մէջ զարթնեց սաղմը։ Զարթնեց, սաստիկ  
 քաղց զգաց, սկսեց ծծել իր մօտի պաշարը։ Ծծեց, ծծեց ու  
 մեծացաւ. պատուեց պարուբները ու արմատիկները խրեց  
 ցած, փափուկ հողի մէջ. նոր կերակուր որոնելու։

Իսկ արեի ջերմութիւնը շարունակ քաշում էր նրան վե-  
 րելց ու սաղմը ձգում էր դէպի այն կումը, դէպի վեր։

Զգւեց, ձգւեց ու յանկարծ նրա դաւար ծիլը դուրս նա-  
 յեց հողի մի կոշտի տակից։

Ինչ տաք էր, ինչ պայծառ ու ինչ ազատ նրա շուրջը։  
 Առաւօտեան հովիկը քնքու շգւեց նրան, դրաւ ցողի մի  
 կաթիլ նրա կիսարաց թերթէկին ու փափաց։  
 — Բարի լոյս։

- 1) Սրանից յեռոյ ծիլը լինչպէս է մեծանալու եւ ինչ է դառնալու։
  - 2) Բացի ցորենից ուրիշ լինչ հացարոյս զիտք։
  - 3) Հացարոյսնը ու խոտերը լինչքան ժամանակ են ապրում։
- Հանելուկ. — Բռնեմ ափովս, շաղ տամ թաթովս, մեռնի տա-  
րով, ասլրի բարով։

## 59. Գիւղացին եւ արջը

I.

Գիւղացին իր բոստանում  
 գարնանը սերմ էր ցանում։  
 արջը եկաւ «Բարե քեզ,  
 ի՞նչ ես անում քեզ ու քեզ։  
 արի, այ մարդ, միանանը,  
 մէկտեղ անենք վար ու ցանը։  
 վար ու ցանը մեր կիսրար,  
 հունձն էլ անենք հաւասար»։  
 — Աշքիս վրա, արջ ապէր,  
 օտար խօմ չենք. կուզես քեր  
 հէնց առաջին անգամը  
 ցանենք մօտիս շաղկամը։  
 Ինձ արմատը հողումը,  
 քեզ վրերն ու ցօղունը։

II.



Քաղցը ու խոշոր շաղկամը  
 հողում տոգեց աշնանը։  
 Մեր ապէրն ու զիւղուին  
 շաղկամն հողից հանեցին։  
 Ապէրն առաւ փրերը,  
 ընկերը արմատները։  
 Արջը աեսաւ որ խարւեց,  
 մարդու դէմը և իշ լարւեց։  
 «Վայ, ինձ խարէ զիւղացին։  
 Կոց, էն միւս ցանոցին,  
 ինչ որ ցանենք հողումը,  
 նրան կը տամ ցօղունը»։



III.

Միւս տարի ցանոցին  
արջին ասաւ գիւղացին.  
—Ախպէր, արի մենք էլի  
մի բան ցանենք կիսովի:  
Արջը թէ՝ «հա, շատ բարի,  
միայն անշուշտ էս տարի  
ինձ արմատը հողումը,  
քեզ փրերն ու ցօղունը»:  
—Համաձայն եմ ես նորէն,  
էս հետ ցանենք մենք ցորեն:  
Մարդը դիտէր իր բանը.  
ապօրը հետ՝ իր տանը  
ցորենն ածեց տոպրակը,  
տւեց նրա շալակը.  
տարան, ցանեցին արտը  
բրդոտ ապէրն ու մարդը:

IV.

Հնկերները յունիսին  
արտն հնձեցին միասին:  
Հասկերն ընկաւ գիւղացուն,  
արմատները սարեցուն:  
Արջը էլ չը համբերեց,  
էտեղ մի լաւ փրփրեց.



սաստիկ, սաստիկ նեղացաւ,  
թքեց, մարդից հեռացաւ,  
Ու էն օրից մինչ հիմի  
շատ է մարդին թշնամի:



60. Շունն ու նապատակը

Նապատակը վազում էր, շունն էլ ետեկց. և այսպէս  
արագ էր վազում, որ շունը չէր կարողանում համնի:

—Եյ, բարեկամ, էտ փոքրիկը քեզնից լաւ է վազում, —  
ասաւ շան տէրը:

—Ի հարկէ, պատասխանեց շունը, — ես վազում եմ փո-  
քիս համար, նա վազում է իր կեանքի համար:

61. Կորեկի հատիկ


Քնել էր ծիտը իր փոքրիկ բնում  
ու իր քնի մէջ երազ էր տեսնում.  
իբրև թէ լուսին զիշեր է պայծառ,  
ու անթիւ աստղեր վառ իրար մօտիկ,  
բոյորն էլ մի. մի կորեկի հատիկ,  
և իբրև ինքն էլ թռչում անընդհատ,

կացում է՝ տիք-տիք,  
երկնի երեսից աստղերը հատ-հատ:  
Բայց երբ արեք նայեց ճիւղերից,  
զարթնեց ծիտիկը իր խորունկ քնից,  
կտուցը մի քիչ քսեց դէս ու դէն  
ու շատ զարմացած ասաւ իր մտքում.  
«Ամրող զիշերը չէ որ երկընքում  
ես ուտում էի կորեկի հատիկ

ու կացում՝ տիք տիք.

Էլ ինչնւ եմ ես այսպէս քաղց զգում:

**Առաջ.** — Հաւը երազում կուտ կը տեսնի:



## 62. Զախախի բազաւորը

1.

Լինում է, չի լինում մի աղբատ ջաղացպան։

Մի պատոած քուրը հագին, մի ալրոտ փոստալ զլիխին ապրելիս է լինում գետի ափին, իր կիսաւեր ջաղացում։ Աւնենում է մի մոխրոտ բազաճ ու մի կոռոր պանիր։

Մի օր գնում է, որ ջաղացի ջուրը թողնի, գալիս է տեսնում՝ պանիրը չըկայ։

Մին էլ գնում է ջուրը կապի, գալիս է տեսնում՝ բազաճը չը կայ։

Էս հի կր լինի, հի չի լինի։ Մտածում է մտածում ու ջաղացի շէմքում թակարդ լարում։ Առաւօտը վեր է կինում, տեսնում՝ մի աղւես է ընկել սէջը։

— Հը՛, գող անիծւած, զու ես կերել իմ պանիրն ու բազաճը համ։ կաց՝ հիմքի ես բեզ պանիր ցոյց տամ։ — Ասում է ու

78

ինզը վերցնում է, որ աղւէսին սպանի։

Աղւէսը սղաշանք պաղատանք է անում։ Ինձ մի սպանի — ասում է. — մի կտոր պանիրն ինչ է, որ դրա համար ինձ սպանում ես։ կենդանի բաց թող, ես բեզ շառ լաւութիւն կանեմ։

Ջաղացպանն էլ լսում է, կենդանի բաց է թողնում։

2.


Էս աղւէսը գնում է էտ երկրի թագաւորի աղբանոցում ման է գալի ման, մի ոսկի է գանում։ Վազ է տալի թագաւորի մօտ։

— Թագաւորն ապրած կենայ, ձեր կոտը մի տւեք, Զախախի թագաւորը մի քիչ ոսկի ունի, չափենք, ետ կը բերենք։

— Զախախի թագաւորն ով է։

— Դու զեռ չես ճանաչում, — պատասխանում է աղւէսը։ Զախախսիը մի շատ հարուստ թագաւոր է, ես էլ իր վէղիրն եմ. կոտը տուր, տանենք ոսկին չափենք. յետոյ կը ճանաչեա կոտը առնում է տանում, աղբանոցում զսած ոսկին ամ-

բացնում կոտի ճեղքում, իրիկունը բերում, ետ տալի։



— Օ՛ֆ, ասում է, զօռով չափեցինք։

— Միթէ ծշմարիտ սրանք կոտով ոսկի են չափել, — մտածում է թագաւորը. Կոտը թափ է տալի, զըրնգալէն մի ոսկի է վեր ընկենում։

Միւս օրը աղւէսը ետ է զալիս՝ թէ Զախախի թագաւորը քիչ ակն ու մարզալիտ ունի. ձեր կոտը տւեք, չափենք կը բերենք։

Կոտն առնում է տանում Մի մարզարիտ է զտնում, լոխում է կոտի ալանլը էլ ետ իրիկունը ետ բերում։

— Օ՛ֆ, ասում է, մինչև մինչև չափեցինք։

79

Թագաւորը կոտը թափ է տալի, մարգարիտը դուրս է թռչում:

Մնամ է զարմացած, թէ էս Զախչախ թագաւորն ինչքան հարուստ պէտք է լինի, որ ոսկին, ակն ու մարգարիտը կոտով է չափում:

3.

Անց է կենում մի քանի օր. Մի օր էլ աղւէսը դալիս է թագաւորի մօտ խնամախօս, թէ՝ Զախչախ թագաւորը պէտք է ամուսնանայ, քո աղջիկն ուզում է:

Թագաւորն ուրախանում, աշխարհով մին է լինում:

—Դէ, զնացէք, ասում է, շուտ արէք, հարսանիքի պատրաստութիւն տեսէք:

Թագաւորի պալատում իրար են անցնում, հարսանիքի պատրաստութիւն են տեսնում, իսկ աղւէսը ջաղացն է վազում:

Վազում է, ջաղացպանին աչքալուս տալի թէ՝ հապա թագաւորի աղջիկը բեզ համար ուզել եմ. Պատրաստ կաց, որ զնանը հարսանիք անենց:

—Վայ, քո տունը քանդւի, այ աղւէս. Էտ ինչ ես ՚արել, ես ով թագաւորի աղջիկը ով. Ոչ ապրուստ ունեմ, ոչ տուն ու աեղ, ոչ մի ձեռք շրբ... Հիմի ես ինչ անեմ...

—Դու մի վախենայ, ես ամեն բան կանեմ, —հանգստացնում է աղւէսն ու ետ վազում թագաւորի մօտ:

Վազելով ընկնում է պալատը: «Վայ, հաթայ, Զախչախ թագաւորը մեծ հանդէսով գալիս էր, որ պսակւի. Ճամփին թշնամի զօրքերը յանկարծ վրա տւին, մարդկանց կոտորեցին, ամեն բան տարան, ինքը աղատւեց փախաւ. Զորում մի ջաղաց կայ, եկել է մէջը մտել: Ինձ ուզարկեց, որ զամ իմաց անեմ, շոր տանեմ, ձի տանեմ, զայ պսակւի, շուտով զնայ, որ թշնամիներից վրէժն առնի»:

Թագաւորն իսկոյն ամեն բան պատրաստում է, տալիս

աղւէսին, հետն էլ շատ ձիաւորներ է գնում, որ պատով ու փառքով իր փեսին պալատ բերեն:

4.

Գալիս են հանդէսով ջաղացի դռանը կանգնում: Զաղացպանի քուրքը հանում, թագաւորի շորերը հազցնում, նստեցնում են նժոյդ ձիուն: Շրջապատւած մեծամեծներով, առջեց ձիաւորներ, ետեից ձիաւորներ—էսպէս հանդէսով բերում են թագաւորի պալատը: Իր օրումը պալատ չը տեսած ջաղացպան—շշկլւած, բերանը բաց, մին չորս կողմը, մին հազի շորին է նայում, խլշկոտում ու կարմանում:

—Էս ինչու չըտեսի նման դէս ու գէն է նայում, աղւէս ախպէր,—հարցնում է թագաւորը:—Կարծես տուն չըլինի տեսած, շոր չըլինի հազած:

—Զէ, դրանից չի, —պատասխանում է աղւէսը:—Նայում է ու համեմատում իր ունեցածի հետ, թէ իր ունեցածը որտեղ, էս որտեղ...

Նստում են ճաշի: Տեսակ տեսակ կերակուրներ են բերում: Զաղացպանը չի իմանում որին ձեռք տայ կամ ինչպէս ուտի:

—Ինչիւ չի ուտում, աղւէս ախպէր,—հարցնում է թագաւորը:

—Գալու ժամանակ նամփին որ կողսպատեցին, նրա համար միտք է անում: Զէք կարսդ երեակայել, աէր թագաւոր, թէ ինչքան բան տարան և վերջապէս ինչ անպատւութիւն էր էտ մեր թագաւորի համար. Ինչպէս հաց ուտի, —պատախանում է աղւէսը հառաչելով:

—Բան չըկայ, դարդ մի անի, սիրելի փեսայ, աշխարհք է, էտպէս էլ կը պատահի, —ինդրում է թագաւորը:—Այժմ հարսանիք է, ուրախանանը, քէֆ անենք:

Ու քէֆ են անում, ուտում, իմում, ածում, պար գալի, եօթն օր, եօթը գիշեր հարսանիք անում, Աղւէսն էլ դանում է քաւոր:

Հանսանիքից յետոյ թագաւորը իր աղջկանը մեծ բաժինը  
է տալիս ու մեծ հանդիսով ճամփայ դնում Զախչախ թագա-  
ւորի հետ:


—Կացէք, ես առաջ գնամ, տունը պատրաստեմ, գուք իմ  
ետեից եկէք, —ասում է քաւոր աղւէսը ու վազ է տալիս:

Վազ է տալիս վազ, տեսնում է մի դաշտում մեծ նախիք  
է արածում:

—Ես ում նախիքն է:

—Ասում են. —Շահ-Մարինը:

—Պա, Շահ-Մարի անունը Էլ չը տաք, որ թագաւորը նրա  
վրա բարկացել է, զօրքով իմ ետեից գալիս է. ովնքա անունը



տւաւ՝ գլուխը կտրել կը տայ. Որ հարցնի թէ ումն է, ասէք՝  
Զախչախ թագաւորինը, թէ չէ վայն եկել է, ձնդ տարել.

Վազ է տալի վազ, տեսնում է՝ ոչխարի հօտը սարերը  
բռնել է:

—Ես ումն է:

—Շահ-Մարինը:

Հովհեներին էլ նոյնն է ապում:

Վազ է տալիս վազ. տեսնում է՝ ընդարձակ արտեր, հընձ-  
ւորները միջին հնձում են:

—Ես ում արտերն են:

—Շահ-Մարինը:

Հնձւորներին էլ նոյնն է պատիրում:

Վազ է տալի վազ, տեսնում է՝ անվերջ խոտհարքներ:

—Ես ումն են:

—Շահ-Մարինը:

Խոտ հարողներին էլ նոյնն է ասում:

Հասնում է Շահ-Մարի պալատին:

—Շահ-Մար, ա Շահ-Մար, —զոռում է հեռւից վազելով: —  
Քո տունը չը քանդւի, միամիտ նստել ես: Թագաւորը քեզ  
վրա բարկացել է, մեծ զօրքով գալիս է, որ քեզ սպանի, տուն  
ու տեղդ քանդի, տակն ու վրա անի, ունեցած չունեցածդ էլ  
թագաւորական զրի: Մի անգամ քեզ մօտ մի վառիկ եմ կե-  
րել. Են աղուհացը դեռ չեմ մոռացել: Վազեցի եկայ, որ քեզ  
իմացնեմ: Շուա արա, զլիիդ ճարը տես, քանի չի եկել:

—Ի՞նչ անեմ, ուր զնամ, —հարցնում է սարսափած Շահ-  
Մարը ու տեսնում է, որ ճշմարիտ, հեռւից փոշի բարձրաց-  
նելով գալիս է թագաւորը:

—Փախի, շուտով ձի նստի, փախի, էս երկրից կորի, էլ  
ետ չը նայեմ:

Շահ-Մարը իսկոյն նստում է իր լաւ ձին ու փախչում  
իր երկրից:

6.

Աղւէսի ետեից գալիս են հարսնքաւորները: Գալիս են  
զուռնով, թմբուկով, երգով, զօրքով, հրացան արձակելով ու  
աղմուկով:

Գալիս են Զախչախ թագաւորն ու իր կինը ոսկեզօծ կառ-  
քի մէջ. Նրանց առջեկց ու ետեից անհամար ձիաւորներ.

Հասնում են մի դաշտի: Տեսնում են՝ մեծ նախիք է ա-  
րածում:

—Ես ում նախիքն է, —հարցնում են ձիաւորները:

—Զախչախ թագաւորինը, —պատասխանում են նախրա-  
պանները,

Անց են կենում: Հասնում են սարերին, տեսնում են ոչ-  
խարի սիպտակ հօտը սարերը բռնել է:

— Էս հւմն է, — հարցնում են ձիաւորները:  
 — Զախչախ թագաւորինը, — պատաօխանում են հովիւները:  
 Անց են կենում, հասնում են ընդարձակ արտերի:  
 — Էս հւմ արտերն են:  
 — Զախչախ թագաւորինը:  
 Հասնում են խոտհարքներին:  
 — Էս հւմն են:  
 — Զախչախ թագաւորինը:  
 Ամենքը մնացել են զարմացած: Զախչախ թագաւորն  
 ինքն էլ քիչ է մնում խելքը թոցնի:  
 Եսպէսով աղւէսի ետեից գալիս են հասնում Շահ-Մարի  
 պալատներին:

Քաւոր աղւէսն էնտեղ արդէն տէր է դառել, կարգադրու-  
 թիւններ է անում: Ընդունում է խնամիներին ու նորից ըս-  
 կըսում են բէֆը:

Հէյ, ջան երեխէք, քէֆ արէր դուք էլ.  
 Էսպէս հարսանիք Երը կը լինի մէկ էր  
 որ ջաղացպանը դառնայ թագաւոր,  
 Ջաղացը պալաա, աղւէսը քաւոր:

## 62. Ուզունը

Գարունը եկաւ ամպերով  
 ամպերը եկան անձրևով.  
 անձրել տանեմ արտին տամ,  
 արտը ինձ ցորեն տայ.  
 ցորենը տանեմ ջաղացին տամ,  
 Ջաղացը ինձ ալիւր տայ.  
 ալիւրը տանեմ տաշտին տամ,  
 տաշտը ինձ խմոր տայ.

Խմորը տանեմ թոնրին տամ,  
 թոնիրը ինձ հաց տայ.  
 հացը տանեմ բաշին տամ,  
 բոշին ինձ ուլունք տայ.  
 նահա ինձ ծեծի, ծեծի,  
 տանից քիի, դռւրս անի:

- 1) Էս ասող աղջիկ է թէ տղայ:
- 2) Նանց ինչի՞ պիտի ծեծի:

## 63 Կարմրակատար



Աստւած թռչուններին ստեղծելիս  
 ոտներ տւաւ ոստոստեն, թներ տւաւ  
 որ թռչեն, կտուց տւաւ որ ուտեն, ու-  
 տեն ու երգեն:

Երբ բոլոր թռչունները պատրաստ  
 կանգնած էին նրա չորս կողմը, Աստւած  
 բաց արաւ իր ներկերի տուփը և սկսեց գոյն-գոյն ներկել  
 նրանց փետուրները:

Աղաւնին դուրս եկաւ կապոյա, գեղձանիկը գեղին, ագ-  
 ռաւը սկ, ճայը սպիտակ, և այսպէս բոլոր թռչուններին ներ-  
 կեց Աստւած ու գոյնգոյն դարդարեց:

Միայն մնաց մէկը, որ չէր ուզեցել միւսներին հըրմշտի ու  
 առաջ անցնի, և վերջապէս նա էլ որ մօտ եկաւ, էլ ներկ չէր  
 մնացել. Աստծու բոլոր գոյները հատել էին: Մնացել էին դա-  
 տարկ ամանները:

Խեղճ թռչունը սկսեց լաց լինել, որ բոլոր ընկերները սի-  
 րուն-սիրուն փետուրներ ունեն, իսկ ինքը չէ:

— Լաց մի լինի, — ասաւ Աստւած, — մի բան կանենք: Ա-  
 մեն մի ամանում գեռ քիչ մնացել է: Մօտ արի, տեսնեմ:

Ասաւ, առաւ վրձինը ու մնացած ներկերը քսեց թոշունի  
փետուրներին. Այստեղ կապոյտ, այնտեղ գորշ, մի կտոր դե-  
ղին, մի կտոր կանաչ, մի կէտը սպիտակ, էն մի կէտը սև,  
զլխին կարմիր, ու գուրս եկաւ խատուախիկ կարմրակատարը:

## 64. Թոշունի մտածունքը

Ես ապրում էի մի փոքրիկ տան մէջ  
ասատ ու անփոյթ.  
աշխարհն ինձ համար կլոր էր անվերջ,  
կեղեց կապոյտ:  
Նըրանից յետոյ տչքըս բաց արի՝  
մի փոքրիկ բընում.  
ասի՝ աշխարհքը յարդից է շինած  
ու մայրս է շինում:  
Մի օր էլ բընից գլուխս հանած  
նայում եմ դէս դէն,  
տեսնեմ՝ աշխարհքը տերեից շինած,  
մեր բունը վըրէն:  
Հիմի թըռչում եմ հեռու, շատ հեռու,  
ամեն տեղ դընում.  
բայց թէ աշխարհքը ինչից է շինած,  
էլ չեմ հասկանում:

- 1) Էլ ինչ կենդանի գիտէք, որ ծից է ծնում:
- 2) Ինչպէս կը մտածէք արտուտը, ծիծեռնակը:

## 65. Ո՞ր է իւ արեւը

1.

Կար ու չըկար մի փոքրիկ սիրուն աղջիկ:

Մի օր այդ փոքրիկ աղջիկը զարթնեց, նայեց չորս կողմը,  
տեսաւ՝ մութն է. Այնպէս մութն է, որ հազիւ գտաւիր գուլ-  
պաները:

Նայեց լուսամուտի կողմը: «Ո՞ր է իմ արեւ», ասաւ  
«ուր է իմ պայծառ արեւ»:

Վեր կսցաւ, հազար կօշիկները, հազար վերարկուն ու  
գնաց իմանայ՝ հուր է կորել իր արեւը:

2.

Երբ տանից դուքս էր գալիս, շբիշբալի դէմն ելաւ  
անձրիը:

—Բարե քեզ, անձրի, —ասաւ փոքրիկ աղջիկը: —Իմ արեւը  
չես տեսել:

—Այ, կը թրջեմ, ալ՝ փ, —ասաւ անձրիը:

—Ապա տես-

նենք, — ծիծաղեց  
փոքրիկ աղջիկը  
ու բաց արաւ  
հայրիկի մեծ հո-  
վանոցը:

3.

Դէմն ելաւ բա-  
մին,

—Այ, քամի,  
զու հեռու աշ-  
խարհներից ես  
գալիս. Հը գիտե՞մ  
է՞օր հուր է կո-  
րել իմ արեւը: —



ասաւ փոքրիկ աղջիկը:

—Հնէ, հնէ, ճամփայ տուր,—բարկացաւ քամին ու կորաւ գնաց:

—Ահ, ինչ կոպիան է,—մասածեց աղջիկը ու առաջ գնաց:

4.

Գնաց գնաց ու տեսաւ. երկնքում իրար ետեից վազ են տափ սև-սև ամպեր:

—Էյ, ամպեր, ամպեր, իմ արեին չեք տեսել,—կանչեց փոքրիկ աղջիկը.—Դուք արեին էնքան մօտ էք ապրում:

Ամպերը ոչինչ չը պատասխանեցին, յօնքերը կիտած անցան գնացին:

5.

Մի քիչ էլ գնաց ու պատահեց վարդի թփին:

—Սիրուն թփիկ, դու լաւն ես. չը զիտես էսօր ուր է կորել իմ պայծառ արել:

—Ախ, ես այնպէս ծարաւ էի, տերեներս այնպէս փոշոտ, կոկոմներս էլ թառամում էին,—փըսփըսաց վարդի թուփը, անձրեի կաթիլները վրայից թափ տալով:

—Ես քեզ իմ արեն եմ հարցնում,—ասաւ փոքրիկ աղջիկը:

—Ախ, ես այնպէս ծարաւել էի, այնպէս շոքել. Անձրել եկաւ, արմատներին ջուր տւաւ, տերեներս լւաց.

6.

Մի քիչ էլ գնաց, տեսաւ ծիտիկին:

—Ծիտիկ պիծիկ, չը զիտես՝ ուր է իմ արել:

—Սիրել, կուդիս,—ասաւ ծիտիկը:


Ծիտիկը թուռ, նստեց մի բարձր ճիւղի ծայրին ու սկսեց երգել:

Առաջ երգում էր կամաց ու քնքուշ, ու ծաղիկները իրենց թաց երեսները բարձրացրին:

Յետոյ աւելի զւարթ ու աշխուժ. բոլոր կենդանիները դուրս եկան իրենց թաքնւած տեղերից.

Վերջը այնպէս սրտանց ու հրաշալի, որ ինքը արել գլուխը դուրս հանեց սև ամպերի ետեից ու ժպտաց.

Առած. —Անուշ լեզուն օձը բնից կը հանի.



## 66. Տղան ու Արելը

—Արել, նորից զնում ես դու.

սարի ետե ինչ ունիս դու.

Քիչ էլ մնա լեռան կողին,

դեռ չեմ ուզում ես անկողին.

վազվակը եմ ես դեռ ուզում

զով ու զւարթ այս պարտէզում.

—Սարի ետե, այ ժիր աղայ,

քեզ պէս առոյգ մանսակ շատ կայ,

որոնք՝ ամբողջ գիշերը քուն,

սպասում են իմ գնալուն.

Նրանք նոյն զով պարտէզում

խաղալ, վաղել շատ են ուզում.

Ի՞նչպէս է, որ մի տեղ նոր են զնում անկողին, իսկ մի որիշ տեղ անկողից դեռ նոր պիտի վեր կենան:

## 67. Երկրի շուրջը

—Հայրիկ ջան, ինչ կայ մեր այգիներից դէնը,—հարցը եց Յասմիկը:

—Չը զիտես, աղջիկս. Արտեր:

- Իսկ արտերից դէնը, հայրիկ:
- Սարեր, տես:
- Իսկ սարերից դէնը:
- Կրկին սարեր, կրկին ձորեր, ծովեր:
- Իսկ ծովերից դէնը:
- Ուրիշ երկիրներ, ուրիշ աշխարհներ, էլի ծով, էլի ցամաք:
- Եւ զիտես, հողիս, եթէ այդպէս զնաս ու զնաս՝ եւր կը հասնես:
- Ուր:
- Հէնց այնտեղ, որտեղ հիմա կանգնած ես:
- Վահ, — զարմացաւ Յասմիկը:

- 1) Խնճորի վրա նատել էին եղելու ճանճ. մէկը ճամփայ ընկաւ գնաց ուղիղ, միշտ առաջ: Բնիք հասաւ:
- 2) Գիտմա ինչ ծեւ ունի երկիրը:
- 3) Ինչով են ճամփորդում ցամաքի վրա, ինչով են ճամփորդում ջրի վրա:

## 68. Անձոռնի ճուտիկը

Երեք շաբաթ թուխսը վեր չէր կենում ձւերի վրայից, Տասներկու բրդոտ ճուտեր դուրս էին եկել, մնում էր միայն մի կանաչաւուն փոքրիկ ձու:

Վերջապէս մի առաւօտ թուխսը նկատեց, որ ձւիներսից մէկը թշխկթքիցնում է: Սաստիկ ուրախացաւ, իսկոյն ջարդեց ձուն կտուցով, ու միջից դուրս եկաւ ճուտիկը:

Սա նման չէր իր եղբայրներին ու քոյրերին: Աւելի բըրդոտ էր, աւելի դեղին, ոտիկները կարճ-կարճ, զլուխը լայն, կտուցը տափակ:

«Էս ինչ անձոռնի է», մտածեց մայրը, մի քիչ տիրեց, բայց շուտով ինքն իրեն սիրտ տւաւ թէ՝ ոչինչ, կը մեծանայ, կը գեղեցկանայ:

Ճաւաքեց իր բոլոր ճուտիկներին ու հպարտ-հպարտ կողին կալով գնաց բակը, Փոքրիկները աշխուժ ու արագ վազվաւմ էին նրա շուրջը. միայն նորածինը քայլում էր ծանր ու օրորւելով:

Մայրը տարաւ նրանց առևի ափը քուջուջ անելու: Անձոռնի ճուտիկը յուկը տեսաւ թէ չէ ընկաւ մէջը:

Մայրը սարսափած ճչում էր, կանչում, թերը թափ տալիս, նետում դէպի ջուրը: Ճուտիկներն էլ ծւում էին, գէս ու գէն ընկնում:

— Օգնեցէք, օգնեցէք, եղբայրիկը խեղդւում է:

Ամբողջ բակը իրար անցաւ. հաւերը կըչկըշացին, արլարը բարձր ծղրտաց, փրւած հնդկահաւն էլ ամուր զուտղուտում էր:

Իսկ անձոռնի ճուտիկը թեթև շարժում էր իր թաղանթաւոր թաթերը ու հանգիստ լող տալիս ջրի երեսին:


Պառաւ նանը լսեց թուխսի ճիշն ու բակի աղմուկը, դուրս վազեց, տեսնի՝ ինչ է պատահել: Ու խփեց ծնկանը:

— Վայ, քոռանամ ես, էս ինչ եմ արել. հաւի տակ բաղի ձու եմ զրել:

1) Ինչուաղիկը կարողանում է լող տալ, իսկ միա ճուտիկները ոչ:

2) Եթէ թիստամէրը ոչ թէ հաւ, այլ բար լինէր, նրա աշքին այն տասերենք ճուտիկներից քանիսը անձոռնի կերեային:

3) Ի՞նչպէս կը լինէր այս պատմոթիւնը, եթէ պառաւ այդ նոյն տասերենք ձուն մի թիսկան բարի տակ դրած լինէր:



## 96. Զարի վերը

1.

Եխում է մի սար,  
Էն սարում մի ծառ,  
Էն ծառում փըչակ,  
Փըչակում մի բուն,  
Բնում երեք ձագ,  
ու վըրէն կըկուն:  
—Կուկու, կուկու, իմ կուկուներ  
Երբ պիտի դուք առնեք թեր,  
Թըռչէք, դընաք,  
ուրախանաք...  
Երգում էր մարիկ կըկուն:  
Մին էլ, ըհը, Աղւէսն եկաւ.  
—Էս սարը իմն է,  
Էս ծառը իմն է,  
ծառում փըչակ կայ,  
Փըչակում մի բուն,  
Էս հզ է եկել,  
տիրացել թաքուն:  
Ախ, դու կըկու յիմար կըկու,  
Քանի՞ փոքրիկ ձագ ունես դու:  
—Երեք հատ ձագ, աղա, Աղւէս:  
—Երեք հատ ձագ ցոյց կը տամ քեզ,  
ու չես ասել, դու տնամօթ,  
մինը ծառայ դրկես ինձ մօտ:  
Զզի շուտով մի հատը ցած,  
թէ չէ կացինս հըրէն սըրած,  
զընամ բերեմ,  
ծառը կըտրեմ...  
—Վայ, չը կտրես,



Սստւած սիրես,

Էս մինն ահա

տար քեզ ծառայ,

միայն թէ էտպէս

մի ջընջի մեզ

բընով—տեղով,

ամբողջ ցեղով:

Խնդրեց մարիկ կըկուն ու ձագերից մինը ձկեց նելքև:  
Աղւէսը հափ առաւ զնաց:

—Վայ-վայ, դու-դու,

իմ լաւ կուկու

հր սև սարում,

հր անտառում,

հր թփի տակ

կորար մենակ...

վայ-վայ, դու-դու,

իմ լաւ կուկու...

2.

Լաց էր լինում մարիկ կըկուն, մին էլ, ըհը, Աղւէսը ետ  
եկաւ.

—Էս սարը իմն է,

Էս ծառը իմն է,

ծառում փըչակ կայ,

Փըչակում մի բուն,

Էս հզ է եկել,

տիրացել թաքուն:

Ախ, դու կըկու, յիմար կըկու,

Քանի՞ փոքրիկ ձագ ունես դու:

—Երկու հատ ձագ, աղա Աղւէս:

—Երկու հատ ձագ ցոյց կը տամ քեզ,

ախ, չարամիտ, դու աւազակ,

Բնչ խարար է, երկու հատ ձագ:

Ի՞նչ, ուզում ես՝ էստեղ զօրով  
 լըցնես ամբողջ կըկուներով...  
 Զրգի շուտով մի հատը ցած,  
 թէ չէ կացինս՝ հըրէն սըրած,  
 գընամ քերեմ,  
 ծառը կըտրեմ...  
 — Վայ, շը կտրես,  
 Ասուած սիրես,  
 էս էլ առ տար  
 ու թող դադար,  
 վերջինը գէթ  
 մընայ ինձ հետ...

Աղաչեց մարիկ կըկուն ու երկրորդ ձագն էլ ձըգեց ներ-  
 քի. Ագւէոը ճափ, էս էլ առաւ ու գնաց.

Վայ-վնայ,

ընչի համար Յ  
 եկայ ես սար,  
 բուն շինեցի,  
 ձագ հանեցի.  
 Աղէսն եկաւ,  
 տարաւ, կերպւ,  
 երկու, երկու,  
 կուկու...կուկու...  
 լաց էր լինում մարիկ  
 կըկուն.



Յ.

Էս միջոցին, զա, դա, դա, Ազուան անց էր կենում էն  
 կողմերով. Լըսեց կըկի լացի ձայնը.

— Էտպէս տխուր ու գարնուրիկ  
 Բնչ ես լալիս, Կըկու քուրիկ.  
 — Ի՞նչպէս չը լամ, ա սանամէր!

Աղւէսն եկաւ, էն սրտամեռ,  
 զըլիսիս էսպէս փորձանք քերաւ,  
 ձագուկներս տարաւ, կերաւ.  
 — Վույիմ աչքին. անխելք կըկու,  
 Բնչպէս իզուր խարել ես զու  
 սուտ խօսքերից չար Աղւէսի.  
 Ո՞նց թէ սարը իմն է՝ կասի.  
 Ո՞վ է տըւել էն լըրրին սար,  
 սարն ամենքինս է հաւասար...  
 Ո՞վ կը թողնի՝ վեր կենայ նա,  
 ամբողջ սարին գայ տիրանայ,  
 անունը տայ սըրած կացնի,  
 սըան, նըան սուտ վախեցնի,  
 ու մինն էսօր, միւսը երէկ,  
 ձագիր տանի ուտի մէկ-մէկ...  
 Սև Գրողի էն տարածին  
 հվ է տըւել սըրած կացին.  
 Մին էլ որ գայ. ու սպառնայ,  
 մի վախենայ, քըշի գնայ.

Էսպէս ասաւ Ազուան ու թուաւ գնաց. Ահա կըկին Աղ-  
 ւէսն եկաւ.

— Էս սարը իմն է,  
 էս ծառը իմն է...

Հազիւ էր ասել, կըկուն բնից գլուխը հանեց.

— Սուտ ես ասում, զու խարերայ,  
 անխիղճ գազան, անկուշտ, ագան:  
 Ո՞վ է տըւել էստեղ քեզ սար,  
 սարն ամենքին է հաւասար,  
 Բնչ ես եկել, սուտ տէր դարձել,  
 ես էլ՝ յիմար, ճիշտ եմ կարծել  
 ձագուկները տւել եմ քեզ...

Կորի, զընայ, դու չար Աղւէս,  
հերիք ինչքան սուտ ես խարել,  
հիմի գիտեմ, չեմ վախում էլ.  
կացին չունեմ ծառը կըտրես:

—Ո՞վ ասաւ քեդ:  
—Ագռաւն ասաւ:  
—Աղւամը. լաւ:

4.

Ու Ագռաւի վրա բարկացած Աղւէսը պոչը քաշեց, հեռացաւ. Գնաց մի դաշտում սուտմեռուկի տւաւ, վեր ընկաւ,  
իբրև թէ սատկել է.



Ագռաւն էլ կարծեց՝ իրաւ ստակել է, թռաւ, եկաւ վրէն  
վեր եկաւ, որ աչքերը հանի. Աղւէսը հափ, յանկարծ բռնեց:

—Դա, - զա, - զա, - զա,

Աղւէս աղա...

—Այ դու կռաւան, չարալեզու,  
մնց թէ կըկւին ասել ես դու՝  
թէ ես կացին չունեմ որրած...

կացին չունեմ... դէ, հիմի կաց...

—Վայ, քեզ մեղայ,

Աղւէս աղա,

ես եմ ասել, չեմ ուրանում,  
ինձ քըրքըրի, ինձ կեր հում-հում,  
տհւը՝ ինչ պատիժ սիրտդ կուզի,  
բայց մի վերջին խօնքը լրսի:  
Ես էն սարում, հէնց դէմ ու դէմ,  
էնպէս մի թանգ պահուստ ունեմ,  
որ չես գրանի դու քո օրում  
ոչ մի թառում կամ անտառում:

Ընչի համար էն ահազին  
գանձը կորչի հողի տակին:  
Արի գնանք, հանեմ ասմ քեզ,  
էնքան ուտես, էնքան ուտես...  
Թէ չը լինի ու սուտ գուրս գամ,  
ես հօ էստեղ միշտ կամ ու կամ...

«Գնանք, ասաւ Աղւէսը. Թէ կը լինի՝ շատ լաւ, թէ չի  
լինի՝ ելի քեզ կուտեմ».

5.

Գնացին:

Վերնից թոչելիս Ագռաւը նկատել էր, որ մի թփում  
պառկած էր զիւզացու շումը. Աղւէսին տաշաւ, ապաւ զուրս  
բերաւ ուղիղ էն թփի վրա:

—Այ, ասաւ, էս թփումն է իմ պահուստը:

Աղւէսը ագահ վրա բնկաւ թփին. շունք վեր թռաւ, կո-  
կորդից բռնեց ու դռաւ ապկին. Աղւէսը խեղդւելով սկսաւ  
թըխառը:

—Ա՛ի, ես... ախ, ես...

զզոշ Աղւէս,

փորձանքի մէջ

ընկնեմ էսպէս...

Ախ, անիրան,

դռւ սի Ագռաւ...

—Ինչքան էլ որ լինիս զգուշ  
չարի առջեն թէ վաղ, թէ ուշ  
էտ է պահւած, Աղւէս աղա,  
զա, զա, զա, զա...

Պատասխանեց Ագռաւն ու թռաւ. ինքն էլ ազտուեց,  
կըկուն էլ  
Առած. — Գայլի անունն է դուրս եկել, աղւէսը աշխարհ քանդեց:



## 70 Կապիկը

1.

Բակից դայիրի ձայն լսւեց:  
Աշոտը իսկոյն ճանաչեց այդ ձայնը,  
—Կապիկ, մայրիկ ջան, կապիկ են բերել,—կանչեց նա  
ու վաղեց պատշաճմբ:

Տան բոլոր երեխաները դուրս էին թափւեր: Դարպասի  
մօտ հաւաքւել էին փողոցից տղայ ու աղջիկ, մշակներ, ծա-  
ռաներ: Բակի մէջտեղը մի թուրք դայիրա էր դըմբզըմբաց-  
նում, իւկ միւսը պար էր ածում մի կապիկ ու երգում՝  
քաշշելով շղթայից:

Կապիկ, ցոյց տուր՝ մեր աշխարհում  
Աղջիկները հնց են պարում:

Դայիրա խփողը փոխէփոխ կրկնում էր ընկերոջ խօսքերը:  
Երեխաները հըքհոռում էին. բաւի շունը հաչում էր:

Կապիկը չորսթաթ վեր-վեր էր թոշում, իրրև թէ պա-  
ռում է. նրա մարդանման զէմքը ամեն բոպէ անհանդիստ  
գառնում էր մէկ տիրոջ աչքերին, մէկ հաշող շան կողմը:

Կապիկ, ցոյց տուր՝ մեր քաղաքում  
աղէն գործից հնց է դառնում:  
Կապիկը փայտին էր յանում, մի ձեռքը դնում մէջքին  
ու պոչը գետնին թրեելով առաջ էր գալիս:

Կապիկ, ցոյց տուր՝ մեր սարերում  
հովիւն հօտը հնց է պահում:  
Կապիկը վզին էր զնում փայտը, զլխի ետեից երկու թե-  
ւերով զրկում էր ծայրերը և պատւում տիրոջ շուրջը:

2.

Երեխաները ուրախութիւնից ազաղակում էին, իսկ շունը  
աւելի ու աւելի կատաղի էր հաշում:

Ամեն հաշոցին կապիկը ցնցում էր և յաճախ սխալում.  
Այն ժամանակ տիրոջ փայտը իջնում էր նրա զլխին ու վզի  
շղթան այնպէս ամուր էր թափ տալիս, որ կննդանին փա-  
խեցած ատամները կրնտացնում էր, մի անորոշ ձայն էր  
հանում և իսկոյն սխալը ուղղում:

Կապիկ, ցոյց տուր՝ վերի թաղում  
մեր բրուտը հնց է կաղում:

Կապիկը ետեի թաթերով բռնում էր փայտից և առջնի  
թաթերի վրա ման զալիս՝ պոչը ցից արած:

Կապիկ, ցոյց տուր՝ փոշիներում  
հարբածները հնց են փաւում:

Կապիկը փուեց մէջքի վրա ու ոտքի կանգնեց, զլորւեց  
ու նորից կանգնեց... Այդ միջնոցին շունը ամբողջ ուժով ձիգ  
տւաւ իր շղթան ու, չը կարողանալով կտրել, ծառս ելաւ ետեի  
ոտների վրա ու խոպոտ ձայնով, խեղդւելով, գաղաղած հա-  
շում էր:

Կապիկը սարսափահար դէնը թուաւ, երկու ձեռքով աշ-  
խատեց ազատւել վզնոցից, աւելի վախեցաւ շուրջը բարձրա-  
ցած ճիչ ու աղաղակից. յանկարծ մի վայրենի ճիչ ար-  
ձակեց, մազլցեց իր տիրոջ շորերով ու կպաւ նրա կրծքին:

## 71. Սարդը

Կպաւ ու չուծ աչքերը սոսկումով չէր հեռացնում զա-  
զաղած շնից:

Ամեն կողմից թափւեցին շաքար, կանֆետ, տիխիր, խնձոր,  
և փող, բայց կապիկը պոկ չէր գալիս տիրոջ կրծքից, նոյնիսկ  
այն ժամանակ, երբ աէրը կոանում հաւաքում էր այդ ամենը:

3.

Ամբողջ օրը Աշոտը չէր մոռանում կապիկի սարսափահար  
հայեցքը: Եւ երբ պառկեց անկողին, նորից երկար մտածում  
էր: Յանկարծ նրան այնպէս թւաց, թէ մի բան իր կոկորզը  
խեղդում է. ձեռքը տարաւ դէպի պարանոցը ու տեսաւ՝ վկնոց  
է: Վկնոցը ամուր հուզ էր տալիս, և ամեն բոպէ մէկը առ-  
թայից ամուր քաշում էր: Աշոտը աչքը բարձրացրեց ու  
տեսաւ, որ իր վզի շղթայի ծայրից բռնել էր մի մեծ կապիկ,  
իսկ կողքին մի ուրիշ կապիկ դայիրա էր ածում և երգում:

Յոյց տուր, Աշոտ, մեր աշխարհում  
աղջիկները ննց են պարում:

Եւ Աշոտը պարզ լսում էր պատշպամբներին, գարպասի  
մօոր, շուրջը կանգնած մեծ ու փոքր կապիկների հրճոցն  
ու ծիծաղը, շան սարսափելի հաշոցը... Իսկ զիթին պտտւում  
էր պար ածող կապիկի փայտը:

Աշոտ, յոյց տուր՝ փոշիներում  
հարրածները ննց են փռում:

Աշոտը գլորւում է ու կանգնում, նորից է պլորւում...

Յանկարծ շունը կատաղած պոկ է գալիս, կարում է առ-  
թան ու յարձակուում Աշոտի վրա: Եւ Աշոտը զգում է, թէ  
ինչպէս շան սուր ատամները ցցում են իր ոտի մէջ. ցաւից  
սարսափահար ճշում է ու վեր թոշում...

— Մայրիկ մայրիկ...

Անկողի մօտ կանգնած էր մայրիկը՝ մոմը ձեռքին ու  
անհանգիստ նայում էր նրան:



Յանց է զցում ճարպիկ սարդը  
երկար բարակ ոտներով.

ա, ճանճերն են նրա դարդը,  
բան չի կերել օրերով:

Շուրջ է գալի, շուրջ է գալի,  
իր նուրբ թելերն է հինում,  
դէն է գնում, ետ է գալի,  
մինչև գործը աւարտում:  
Զիգ կախել է, անս, գելանից.

ինչ արւեստ է, ինչ ոստայն.  
և ճանճերը ամեն կողմի

շտապում են՝ մտիկ տան:

Շուրջ են գալի, շուրջ են գալի,  
և նայում են, և վազում,

դէն են գնում, ետ են գալի,  
անվերջ աշխուժ արզարզում:

Իսկ վարպետը սոված փորով  
պըպըղել է մի կէտում

և անհամար իր աչքերով  
այդ ժիր ճանճերն է զիտում:

Շուրջ են գալի, շուրջ են գալի,  
բայց միշտ ըզգուշ են թռչում,  
հասկանում են, մօտ չեն գալի,  
տըզտըզում են ու կորչում:

Սարդը ինչիւ է ոստայն շինում:

Առած.—Ճանճն ինչ է ճենճն ինչ լինի:

## 72. Մեխի պատմութիւնը

— Ըստ, ուժ, — խորը տնքաց մեխը, հէնց որ պինդ խրւեց տախտակի կուրծքը:

— Վահ, մի բիչ քաղաքավարի, էտպէս հուպ չեն տայ, — բողոքեց տախտակը, նորեկին տեղ տալով իր ծոցում:

— Ի՞նչ քաղաքավարութեան ժամանակ է, զլուխս ջարդեց էտ անիծածը, — վրա տւառ մեխը չարացած:

Իսկ երբ մուրճի վերջին հարւածը անց կացաւ ու մեխի զլուխը բիչ հանգստացաւ, փոխւեց և տրամադրութիւնը:

— Իէ, սրանից յետոյ երեկ կը հանգստանամ. էսպէս էլ չարչարանք, — բացականչեց ինքն իրեն:

— Չարչարանք, չարչարանք. մարդ իմանայ՝ էտ ի՞նչ էք անում դուք, մեխերդ, որ բոլորդ էլ շարունակ տրտնջում էք, — զայրացաւ տախտակը: — Չարչարանքը այ մերն է. էնքան տաշում են, տաշտշում, հողի են հանում. վերջն է ամեն կողմից ծակծկում, թէ չէ ձեզ ինչ է եղել.

— Կարծում ես, — պատասխանեց մեխը. — Էտպէս չէիր իօսի, եթէ իմանայիլ՝ որտեղից եմ զալի և ինչեր է անցել զլուխով:

— Ո՞րտեղից ես զալի:

— Մութ աշխարհից:

— Մութ աշխարհից:

— Եյ, քանի հազար տարի է թաղւած էի զետնի տակ, քարերի հետ միասին:

— Բա ի՞նչպէս դուրս եկար:

— Ես ի՞նչ զիտեմ: Եկան, ծակեցին, ջարդեցին, լոյս աշխարհ հանեցին:

— Յետոյ:

— Յետոյ ածեցին հնոցը, սարսափելի կրակի մէջ. Վահ էտ տարութեանը երկամթ կը զիմանայ. Թուլացանք, հալւեցինք, ջուր կարեցինք. վերեխց մտել էինք, ներքեկց դուրս

հոսեցինք. Հաղիւ էինք քիչ հովացել, էլ ի՞նչ ծեծ ու չարչարանք. բարակացրին, վերջն էլ ահազին մկրատներով կտրեցին, բաժանեցին ինձ միւսներից, զիխիս տւին, տափակացրին, յետոյ էլ ոտքս խարտոցի զրին. Բայց էն, — աւելացրեց նայանկարծ արհամարհանքով, — զու ի՞նչ պիտի հասկանաս էս բոլորից. դնւ, որ ոչ այդ հարւածների մասին գաղափար ունես, ոչ կրակ ես զգացել մարմնիդ, ոչ էլ լոյս աշխարհից դուրս բան ես տեսել կեանքումդ...

1) Բացի երկաթից էլ ի՞նչ բաներ են հանում՝ զմտնի խորրից:

2) Ի՞նչ անոն ենք տալիս այդ հանած բաներին. Ի՞նչ անոն ենք տալիս այն տեղին, որտեղից հանում ենք:



## 73. Խրտիկակ

1.

Գիւղացին մի գարու արտ ունէր. Գարին հասել էր:

Ճնճղուկները ամեն կողմից հաւաքւում էին, ուտում հաւտում:

Հէնց զիւղացին զալիս էր թէ չէ, թողնում էին փախչում, վեր էին զալիս արտից քիչ հեռու թփերի վրա, թռչուում էին ու ծըւծըւում, կարծու մարդուն ծաղրել էին ու զում:

Գիւղացին տեսաւ՝ էսպէս որ շարունակի, լրեն բան չի մնայ

Մտածեց, մտածեց ու գնաց մի ձող բերաւ, ցցեց արտի մէջտեղում, մի ուրիշ փայտ էլ խաչի նման կապեց նրան, իր հին, մաշտած արխալուզն զցեց վրան, մի քրքրւած փափախ անցկացրեց գլխին, մի քիչ յարդ էլ կապեց, կախ արաւ թւից ու հեռացաւ:

Կարծես իսկը մարդ լինէր կանգնած արտի մէջտեղում, մանաւանդ երբ քամին էլ փշում էր և փէշերն ու արխալուխի երկար թևերն շարժում:

«Դէ, հիմի տեսնեմ, անիծածներ, ոնց էք մօտ գալու», — մտածեց մարդը ու գնաց բանին:

2.

— Գնաց, գնաց, — ծըւծըւացին ճնճղուկները, ու բոլորը մէկանց վեր թռան թփերից, որ վրա թափւեն արտին:

— Էս ինչ բան է. էտ անպիտանը գեռ չի գնացել, — զարմացան բոլորը. օդի մէջ մէկ-երկու շրջան արին ու նորկց իշան ցած թփերի վրա:

Եւ սպասում էին, ծըւծըւում, ծղրտում, մինչև որ մարդը վեր կենայ կորչի. Բայց մարդը պինդ կանգնել էր մի ոտի վրա արտի մէջտեղում ու շարժում էր թևերը:

«Հապա թէ մօտ կը գաք»,

Ճնճղուկները համբերեցին, համբերեցին ու համբերութիւնները հատաւ:

— Է՛, վեր կացէջ, գնանք արտի կողքերից գոնէ կտցենք մի քանի կտուց. — տսաւ նրանցից ամենից համարձակը:

— Կը խփի, — պատասխանեց մի վախկոտ:


— Կը խփի՝ կը փախչենք.

Ու մի երկուսը մօտեցան արտին:

Իսկ միւսները ասին.

— Է՛, ափակէր, ով գիտի ինչ սատանութիւն կը լինի. Տակից մի փորձանք դուրս կը գայ. էն որ թևերը էնպէս շարժում է ու զլուխն էլ էնպէս տըմբտըմբացնում, էտ լաւ նշան չի:

Ասին ու թռան գնացին ուրիշ արտեր



#### 74. Ճնճղուկներ

Կոտ ու կէս կորեկ ունեմ ցանելու համար, ճնճղուկներ թռան եկան ուտելու համար, կուցայ, քար վեր առայ զարկելու համար. Ղասաբն եր զանակ բերին մորթելու համար, պառաւներ պղինձ դրին եփելու համար, դուռ-դրկից շուրջ բազմեցին ուտելու համար, տէրտէրներ խաչով եկան օրհնելու համար, աշուղներ սազով եկան գովելու համար:

Այ ճնճղուկիկ,  
կարմիր տոտիկ,  
սպիտակ փորիկ,  
ուտեն կուտիկ,  
խմեն ջրիկ  
առի եղրիկ,  
պստիկ-ստիկ,

վախչեն երթան ման գալու համար.

- 1) Քարը որ վեր կալայ, քանի՞ ճնճղուկ զարկեցի:
  - 2) Այնքան մարդ ինչ պիտի մորթէին, ուսէին:
- Ա. ո ա ծ. — Զուրը չը տեսած, ուներդ մի հանիւ չանելուկ. — Մի մարագ մէջը վեր ուրագ:

## 75. Մընոց

1

Անտառի բերանին մի բլրակ կար. դա մի ամբողջ քաղաք էր: Այդ քաղաքում կային երկար փողոցներ, լայն ու կոկիկ բնակարաններ, լիրը ամբարներ, մի խօսքով ամեն բան իր տեղը, կարգին ու խելօք:

Վարպետները տներ էին շինում, մշակները պաշար էին հաւաքում մայրերի ու հայրերի համար, դայեակները երեխաներին էին մտիկ տալիս, իսկ զինւորները պահպանում էին քաղաքը:

Եւ հանգիստ, բախտաւոր ապրում էր այդ քաղաքը: Եւ այդ քաղաքը մըջնոցն էր:

2.

Մի օր մի սարսափելի հսկայ, այսինքն մօտիկ գիւղի տղաներից մէկը, տեսաւ այդ քաղաքը, իր անազին ոտը դրաւ քաղաքի վրա ու, Տէր Աստւած, ի՞նչ աւերմունք արաւ:

Բնակարաններն ու ամբարները փուլ եկան, հողը լցւեց փողոցները: Դայեակները մանուկ մրջիւններին առան, անտառը փախան. հայրեր, մայրեր, մշակներ—մոլորւած դէս ու զէն ընկան: Իւկ ահազին ոտը շարունակում էր փարփրել:

Միայն կտրիճ զինւորներն էին, որ գլուխները չը կորցրին: —կոիւ, —կանչեցին նրանք, —կծոտենք, սպանենք այս անիրաւին:

Ու առաջ ընկան. նրանց ետևից բոլոր մրջիւնները, Յարձակւեցին հսկայի վրա, կծեցին ու թոյն լցրին, ուոցըին կծած տեղերը:

Հսկան ոտները թափ էր տալիս ու ճիլում յարձակւողներին: Քաղաքի քաջ պաշտպաններից շատերն ընկան այս մեծ պատերազմում, բայց թշնամին վերջապէս յաղթւած թողեց քաղաքն ու հեռացաւ:

Կենդանի մնացածները վերադարձան քաղաք: Նորից շինեցին իրենց բնակարաններն ու ամբարները, մաքրեցին փողոցներն ու հրապարակները: Նորից հանգստութիւն և կարգ հաստատեցին քաղաքում:

Եւ նորից վարպետներն ու մշակները ուրախ-ուրախ աշխատում են, իսկ դայեակները կրկնում են մանուկ մրջիւններին, որ մեծանան ու զառնան իրենց քաղաքի համար կտրիճ մշակներ ու քաջ պահագաններ:

- 1) Տղան ինչու էր քանդում մրջնանոցը:
- 2) Ինչով յաղթեցին մրջիւնները:
- Առած.—Մէկն ամենքի համար, ամենքը մէկի:
- Հանելուկ.—Մի գոմ ունեմ, հազար գլուխ ոչխար էր տանի, մէկ կապ խոռ չի տանի:



## 76. Առող

1.

Վուշը ծաղկել էր: Կապոյտ փոքրիկ ծաղիկներ, թիթեռների թերթի նման փափուկ ու քնքուշ:

Սրեկ շողը գուրգուրում էր նրան, ցողի կաթիլը փայլփում էր նրա վրա, և վուշը հըճուռ էր:

—ի՞նչ քաղցր է արել, ի՞նչ անուշ է ցողը: Զէ, աշխարհիս երեսին ինձանից բախտաւոր ոչ ոք չը կայ:

2.

Բայց մի օր եկան մարդիկ, բռնեցին վուշը ու արմատով հողից դուրս քաշեցին: «Պրծաւ», մտածեց վուշը:

Դրին ջուրը. կարծես ուզում էին խեղղեն, յետոյ դրին արեկի դէմ ու չորացրին:

Բայց դրանով չը վերջացաւ: Խեղճին բռնեցին, մի լաւ թակեցին, զրզբզեցին, յետոյ էլ սանրեցին, անց կացըին ճա-

խարակին, Փը՛ռ, Փը՛ռ, Փը՛ռ, մանեցին, Վուշը դարձաւ թեր  
թելը հինեցին դագդահի վրա, գործեցին, դուրս եկաւ մի  
կտոր սպիտակ կտաւ:

— Ես ի՞նչ սիրուն բան դառայ, — զարմանում էր նա, —  
թէկ մի քիչ շատ տրորեցին:

3.

Քիչ յետոյ կտաւը տարան, չափեցին, ձևեցին, մկրատով  
կտրտեցին, ասեղով ծածկեցին, վերջապէս կարեցին մի սի-  
րուն շապիկ. Ու դրեցին խանութի ցուցափեղկին:

— Իէն, հիմա ինձ մտիկ արէք, — փրւել էր նա, ցուցա-  
փեղկում պառկած:

4.

Տարիներ անցան, շապիկը հագան ու մաշեցին. Թելերը  
քրքրւել էին և ընկնում էին իրարից:

Շապիկը դարձաւ փալաս. Փալասով դռներն ու պատու-  
հաններն էին սրբում, մի օր էլ շպրտեցին աղբանոց:

— Էլ պրծան, — մտածում էր վուշը տխուր-տխուր:

Էտ միջոցին էր, որ մէկը եկաւ, նրան վերցրեց, զցեց իր  
զամբիւղն ու տարաւ:

5.

Խեղճին մանր-մանր կտրտեցին, ածեցին ջրի մէջ, եփե-  
ցին, խառնեցին, քամեցին, լւացին, չորացրին, փոեցին, հար-  
թեցին, ճզմեցին, մինչև որ դարձաւ մի երկար բարակ սպի-  
տակ թուղթ:

— Վայ, էս ի՞նչ սիրուն բան դարձայ, — մտածում էր վուշը,  
թուղթը թերթ թերթ դարսեցին, տարան տպարան, զցե-  
ցին մեքենայի տակ ու վրան տառեր տպեցին. Յետոյ էլ ծա-  
լեցին, կտրեցին, կազմեցին, դուրս եկաւ մի գիրք:

Ահա, այդ գիրքը հիմա քո առաջն է, որի վրա կարդում  
ես վուշի պատմոթիւնը:

Վուշի սերմից լնչ են պատրաստում:

Առած. — Էս քեզ խրատ, էլ չը ցանես կտաւատ:

## 77. Կաղնու վարձորեները

Մեր ծեր կաղնին իր հին տունը  
տւել է չորս վարձւորի:  
Արմատի մօտ ներքնատունը  
մուկն է բանել այս տարի:

Ատաղձագործ փայտփորիկը  
ցածի յարկի խանութում  
անց է կացնում իր օրիկը,  
թակում, կտցում, ծակոտում:

Իսկ վերեկի յարկում տիտիկ  
շէկ սկիւռն է բնակւում,  
կաղին, ընկոյզ, սերմ ու հատիկ  
դիզած իր լի ֆըշակում:

Թաւ ճիւղըումը դրել է բուն  
մի զիլ երգիչ զիւրալի.  
ու ճըլըլում է օրն ի բուն:  
Իսկ վարձ ոչ ոք չի տալի:


## 78. Ոզնին և օձը

1.

Ամառայ մի տաք օր էր. Արկի կեղիչ շողերը այրում  
խորովում էին արտն ու արօտը. Դրում ամեն ինչ լուս էր.  
Զէր լաւում ոչ կոփի բառաչը, ոչ ծիու խրխինջը, ոչ շան  
հաշոցը, ոչ այծի մկնոցը, ոչ ոչխարի մայիսնը, ոչ հաւի կըշ-  
կչոցը և ոչ թոշունի ծլւոցը. Գիւղի առջեից հոսող վտակի  
վշշոցն էլ չէր լուսում. Նա էլ էր պապանձւել.

Օրւայ այդ շոք պահին գիւղի բոլոր երեխաները հաւաք-  
ւել էին ձորի զլխին ու նայում էին ցած:

2.



Ներքե, ձորի մէջ կրո-  
ւում էին ոզնին ու օձը:  
Կոփւը կատաղի էր:  
Օձը սուլում էր, թաիչք-  
ներ էր անում փշոտ  
ոզնու շուրջը, բայց ոչ  
մի կերպ չէր կարողա-  
նում բռնել. Ոզնին էլ  
փոքրիկ զլուխը հանում

էր ու յարմար բոպէից օգտում, կծում օձի մէջը, փոքր,  
վիզը ու կծկում. Վերջին անզամ փշերի մէջից հանեց նա  
իր զլուխը, յանկարծ բռնեց օձի պոչը և կրկին կծկուեց:

Օձը ինչքան աշխատում էր, չէր կարողանում աղատի,  
ցաւից փշացնում էր, երբեմն զլուխն էր մօտեցնում պոչին,  
երբեմն մարմինն էր զէս ու դէն նետում. Ոզնու փշերը ամուր  
ու սուր էին և անխայ քրքրում էին նրա մարմինն ու զլուխը:

3.

Հետզհետէ օձը թուլացաւ. Մարմի վրա բազմաթիւ վէր-  
քեր կային, այլև չէր սուլում, միայն ցնցում էր ամբողջ  
մարմնով:

Ողին կծկած էր ամուր, օձի պոչը պինդ կծած:


Բաւական ժամանակ անցաւ, մինչև օձը բոլորովին ան-  
շարժացաւ. Արդէն սատկել էր:

Ոզնին բաց թողեց նրա պոչը, զգուշութեամբ մի քանի  
անզամ հանեց իր զլուխը, զիտեց շուրջը, նայեց օձին, զնաց  
ու ծածկւեց մօտակայ թփերի տակ:

Առած. — Օձը իր շապիկը կը փոխի, բնութիւնը չի փոխի:

Հանելուկ. — Զու կածի հաւ չի, խոտ կուտի կով չի:

## 79. Երեք ղեղձ



մացը ու երկար զիտում էր «Ի՞նչ լաւն են, չեմ ուտի, կը  
պահեմ», — մտածում էր նա. Բայց մի քանի բոպէից յետոյ  
մօտեցը մէկը բերանին ու կծեց. Եւ շուտով կարմիր զեղ-  
ձից մնաց միայն մեծ կորիզը:

«Մնաց երկուսը, էլ չեմ ուտի», — հաստատ վճռեց Արու-  
սեակը, վերցրեց զեղձերը ու վազեց խոհանոց:

Խոհանոցում կանզնած էր լւացք անողի փոքրիկ, գունատ  
աղջիկը իր պատուած շորերով. Յանկարծ կարմիր զեղձերից  
մէկը դուրս պրծաւ Արուսեակի ձեռքից ու վկորւեց աղքատ  
աղջկայ կողմը. Արուսեակը շուտով կոացաւ, բռնեց զեղձը,  
ինքն էլ չէր իմանում ինչու կարմրեց ու փախաւ խոհանո-  
ցից դուրս:

Երկար մտածում էր: Վերջն ինքն իրան ասաւ.

— Էս մէկը ուտեմ, միւսը կը տամ նրան:

Ու մէկն էլ կերաւ: Մնաց ամենից մեծը. փափուկ, կար-  
միր, սիրուն, թաւիշի նման:

Շուտով վերջին զեղձիցն էլ միայն կորիզը մնաց:

Արուսեակը շփոթւած վազեց մօր սենեակը:


— Մայրիկ, զու հօ ասացի՞ր, որ այս զեղձերը իմն են:

— Այս, աղջիկս:

— Եւ որ ինչ ուղենամ՝ կանեմ, չէ:

— Այս:

Արուսեակը ոչինչ չը պա-  
տասխանեց բայց անհանգիստ էր.



— Ի՞նք էր ու կերայ: Ի՞նչ վատ բան եմ արել որ...  
Բայց ինչ էլ որ անում էր՝ լւացք անողի աղջիկը աշքից  
չէր հեռանում:

Առաջ.—Կուշաբ քաղցածին մանր կը ըրդի:

## 80. Գետակը

— Ուր ես վտագում  
այդպէս արագ,  
այ, դու կայտառ,  
սիրուն գետակ.  
կանգ առ, խաղանք  
էս ծառի տակ:

«Զէ, փոքրիկը,  
զնամ պիտի.  
տես ջաղացը  
գիւղի մօտի  
պէտք է ուժ տամ  
որ սլըտըտի:

«Յաձն էլ հովտում  
անուշահոտ  
ինձ են մնում  
ծաղիկ ու խոտ,  
յոդնած, ծարաւ  
տաւարն ու հօտ:

Հանելուկ.—Օրան օրան շուռ է գալիս,  
ուներ չունի՝ ման է գալիս,  
բերան չունի՝ կուլ է տալիս:

«Սառն աղբիւրը  
բարձըր սարի  
դրանց համար  
է ինձ տալի  
իր զով ջուրը  
կրկրլալի:

«Իսկ կամուրջի  
տակն էլ ոք կայ,  
կայ լւացքը  
պառաւ կը նկայ,  
պէտք է լւամ  
քանի լոյս կայ:

«Դէ, տեսնիւմ ես,  
մնաս բարով.  
ճամփաս ցանած  
հազար գործով.  
դադար չունեմ  
ես մինչև ծով:

## 81. Թրբուրն ու խխունջը

1.

Կաղամբի տերեի վրա ապրում էր մի խխունջ.

Այդ տերեի մի անկիւնում արդէն վաղուց ընկած էր մի  
գեղին հատիկ: Այդ հատիկը թիթեռնիկի ձու էր:

Մի տաք օր ձւից դուրս սողաց մի փոքրիկ թրթուր.  
Խխունջը զարմանքով նայում էր այդ նոր արարածին:

«Ի՞նչ չնչին, ինչ ողոքմելի զատ է», մտածում էր նա:

Իսկ թրթուրը շատ ուրախ էր, նասիրում էր տաք արեր,  
էր կաղամբի տերեի ու երջանիկ էր:

Մի օր խխունջը մօտ եկաւ  
ու պողերը շարժելով ասու.

— Զարմանում եմ, ինչնու  
ես այդպէս միշտ ուրախ: Մեր  
կեանքը իսկի էլ այդպէս թե-  
թն չէ:

— Ինչնու, — պատասխանեց թրթուրը, — շատ լաւ է: Շու-  
տով էլ մի սիրուն թիթեռ կը դառնամ, կը թոշեմ վեր, արեի  
սոկի շողերի տակ ախ, ինչ լաւ կը լինի:

Խխունջը երեսը շուռ տւաւ ու ծիծաղեց.

— Ի՞նչ յիմար բաներ է գուքս տալիս սա:


2.

Թիչ յետոյ թրթուրի ուրախութիւնը կորաւ, Թմբէլ մա-  
ցել էր մի տեղում:

Մի անգամ խխունջը անց էր կենաւմ նրա կողքից, աե-  
սաւ որ թրթուրը փաթաթւել էր մի տեսակ կաշւի մէջ ու  
անշարժ ընկել:

— Այսպէս էլ յիմար, — բայցականչեց խխունջը, — ասում  
էր թիթեռնիկ պիտի դառնամ, ընկել սատկել է:

Մի քանի ժամանակ էլ անց կացաւ. խխունջը բոլորովին  
մոռացել էր իր հարևանին և ապրում էր առաջւայ պէս կա-  
ղամբի վրա: Մի օր էլ անց էր կենաւմ նրա գերեզմանի մօ-




տով ու յանկարծ զարմացած կանգ առաւ. թրթուրի պատու-  
ւած կաշւի մօտ նըս-  
տած էր մի սիրուն  
թիթեռնիկ և նրա  
թաւիշ թերը փայ-  
լում էին արեի շողե-  
րի տակ:

— Մնաս-բարով,

խխունջ, ես գնում  
եմ, — կանչեց թիթեռնիկը, թերը թեթև թափ տւաւ, բարձ-  
րացաւ վեր ու կորաւ արեի պայծառ շողերի մէջ:

- 1) Խխունջը փոքրիկ թիթեռին ինչո՞ւ էր ողովմելի համարում:
  - 2) Ուրիշ ինչ կենդանի գիտէք, որ պատեան ունի:
  - 3) Ինչի՞ համար են խխունջի պողերը:
- Հանելուկ. — Պառաւը նստել է գետնին, քուրքը հագել է  
քուրքին, ասում է՝ մրսում եմ հա մրսում:



## 82. Կես խնձոր

### 1.

Դասարանում մի խումբ աղջիկ ու տղայ խռնել էին  
վառարանի մօտ. Ցուրտ առաւօտ էր: Ուրախ ուրախ խօսում  
էին նրանք ու ծիծաղում իրար հետ:

Իսկ նրանցից քիչ հեռու, բոլորովին առանձին, կանզնել  
էր մի նորեկ աշակերտուհի, որի վրա հները կարծես ոչ մի  
ուշադրութիւն չէին դարձնում. երբեմն մէկը, երբեմն միւսը  
թէկ նայում էին աղջկայ կողմը, բայց ոչ մէկը հետը չէր  
խօսում:

Նորեկը այս առաջին անգամն էր ոտք դնում դպրոց:  
Մայլը դեռ նոր էր թողել ու հեռացել. և աղջիկը այժմ շատ  
մենակ ու անյարմար էր զգում այդ օտար սենեակի ու օտար  
բազմութեան մէջ: Սիրով սաստիկ ուզում էր իրենց տունը,  
ուզում էր թողել ամեն բան ու վագ տայ մօր ետեից:

Աշքերը լցւե էին և ուզում էր արդէն լաց լինի, երբ յան-  
կարծ դասարանի գուոը թափով բացւեց ու մի սեաչի կար-  
մրաթշիկ աղջիկ նետւեց ներս:

Գնաց ուղիղ դէպի վառարանը ու ձեռները տաքացնելով  
սկսեց խօսել, ծիծաղել այնտեղ կանգնած խմբի հետ.

2.

Մէկ էլ յանկարծ աչքովն ընկաւ նորեկ աղջիկը:  
— Բարե, — ասաւ նա ասուշ ձայնով ու շատ սիրալիք, և  
մօտեցաւ:

Նորեկի դէմքը պայծառացաւ և  
խկոյն պատասխանեց:

— Բարե:

— Ցուրտ է, չէ, — ասաւ սեաչ-  
ին, պայուսակը ուսից հանեց,  
դրեց սեղանին, ձեռքերը քիչ շփեց  
ու ասմիջապէս գրպանի խորքից  
դուրս քաշեց մի մեծ կարմիր  
խնձոր:



Հանեց, կէս արաւ ու կէսը մեկ-  
նեց նորեկին՝ ժպտալով

— Սիրում ես, չէ, խնձոր:

— Այս, — պատասխանեց նորեկը՝ վերցնելով խնձորի կէուը:

— Իմ անունը չու ոիկ է, — ասաւ խնձորի տէրը, — իսկ քոնը:

— Իմ անունը Սեղա է:

— Ետ ինչ սիրուն անուն ունես: Տես, իմ մօտս մի ազատ  
տեղ կայ. ուզում ես՝ մօտս նստես:

— Սիրով:

Ու երկու աղջիկները միասին գնացին նստեցին Հուռիկի  
նստարանին իրար կողքի, կրծում էին իրենց խնձորն ու  
ճըթճըթում իրար հետ, մինչեւ որ տին դասի զանգը:

Ուսուցիչը ներս եկաւ թէ չէ, աշքը ման ածեց դասարա-  
նի վրա, կարծես փնտռում էր մէկին: Տեսաւ նորեկին Հու-  
ռիկի կողքին, նայեց նրանց զւարթ աշքերին ու ժպտաց.

— Ոշինչ, լաւ ընկերուհի ես ճարել:

Ու այդպէս էլ էր:

Հուռիկը, որ հիմա մեծացել ու դարձել է կին, դարձել է տիկին Հոփափիմէ, հէնց ինքը պատմեց ինձ այս պատմութիւնը և աւելացրեց, թէ ինչպէս կէս խնձորով ձեռք էր բերել իր ամբողջ կեանքի լաւագոյն ու մտերիմ ընկերուհուն:

- 1) Ժիշտ է, կէս խնձորով էր ձեռք բերել իր ընկերունո՞մ:
- 2) Ի՞նչ տեսակ աղջիկ էր Հոփափիկը:

### 83. Աղբի րլ

Սարի լանջին, ժայռի տակ,  
ջուր էր բրիում սառնորակ  
ու ցրւելով խոտերում  
ի զուր ճահիճ էր դառնում:

Նրա առջև մի խոր գուշ  
շինեց հովիւն ու անուշ  
խաղ ասելով նա տարաւ  
ջրեց հօտը իր ծարաւ:

Պախրէն անցաւ էն սարից՝  
շոքից հանած չոր լեզուն.  
Կուշտ կուշտ խմեց աղբիւրից,  
ապա նայեց Աստծուն:

Անցւորն եկաւ տօթակէզ,  
սառն աղբիւրին որ հասաւ,  
զլիարկն առաւ ու չոքեց՝  
խմեց, սիրաք հովացաւ.  
Ու տւաւ իր օրհնանքը  
անցւոր մարդը էն բարի.  
«Քո շինողի օր կեանքը  
Ջի նման երկարի...»

### 84. Մոռ քաղելու

1.

Եղբայրներս իրենց ընկերների հետ խօսք էին կապել գնան մոռի. Այնքան արի, որ համաձայնեցին ինձ էլ հետները տանեն:

Ցուլիսի կէսն էր. Մորին արդէն վերջացել էր. մոռն էլ գտնւում էր միայն աւելի բարձր տեղերում.

Արել հազիւէր դուրսնայել դիմացի սարի ետևից, երբ մենք ամարանոցները թողինք. Շարունակ պիտի բարձրանայինք:  
Շուտով հասանք վերի արտերին:

Այնտեղ հունձը դեռ նոր էին անում. Գիւղացիք կեռ մանգաղները ձեռներին, անընդհատ կոանում էին, հնձում, գրկի մէջ հաւաքում, ապա խուրձեր կապում ու ցից կանգնեցնում:

—Բարի աջողում, —ողջունեցինք մենք

—Աստծու բարին, —պատասխանեցին հնձուրները միաձայն. Մէկը նրանցից բաժանւեց և մի մեծ խուրձ բարձր պահած՝ մօտեցաւ մեզ. «Փեշքեց է», —կանչեց նա.

Եղբայրս սկ փող տւաւ նրան, ու առաջ անցանք.

Շաւիղը աւելի դիք էր դառնում և հետզհետէ անյայտանում էր թուփերի մէջ:

Մէկ էլ ետ նայեցի:

Ցածրում երեսում էին գիւղերը գետնափոր տներով. տեղ տեղ միայն կարմրին էին տալիս կղմինդրով ծածկւած տանիքներ. Սայլի ճամփան ոլոր. մոլոր ձգւում էր գիւղերի միջով։ Դաշտերում և արտերում շարջ շարք բազմած էին խոտի դէղերն ու ցորենի կիտուկները. մէջէմէջ, գորգերինման, սկ. սկ փուած էին նոր վարած ցելերը. Հեռւում, գիմացի սարի անտառի միջից, մի ծուխ ուղիղ բարձրանում էր վեր. ածխարարները ածուխ էին այրում:

2.

Շաւիղը կորցրինք. Մագլցում էինք, թուփերից բռնում,

իրար ձեռք տալիս, իրար վեր քաշում, ժայռից ժայռ բարձրանում. վերջապէս տեղ հասանք:

Տէր Աստւած. ի՞նչքան մոռ կար. Թուփերը կարմրել էին: Իսկոյն ցրւեցինք կանաչ թուփերի մէջ և ազանութեամբ ըսկսեցինք ուտել հիւթալի պտուղները ու հաւաքել զամբիւղների մէջ իրար հրում էինք, ձգում էինք փշոտ ճիւղերի մէջ, ձեռներս շանգռում, ծիծաղում, երգում, շւացնում:

Զը Նկատեցինք էլ թէ ինչպէս մեր զամբիւղները լցւեցին: Թարմ տերեներով ծածկեցինք ու ճամփայ ընկանք. Որոշեցինք իջնել սարի միւս լանջով. որտեղ մի գետակ էր վազում. ուզում էինք սառը ջրի մէջ լողանալ, զովանալ:

Անցանք միւս լանջը. Այնտեղ աւելի անտառոտ էր: Հեռւից լսում էր մի կրկնող զրնգոց:

— Տղերք, խոտ են հարում,— կանչեց մեր ուղեցոյցը:

Եւ ճիշտ որ մի քիչ յետոյ դուրս եկանք մի ընդարձակ քացատ (թալա). Խոտ հարողները, կուրծքերը բաց, գունաւոր թաշկինակները զլիներին. իրարից հաւասար հեռաւորութեան վրա առաջ էին քայլում և երկար գերանդիները կանոնաւոր շարժում: Ամեն շարժումից բարձր խոտը կիսաշրջան պառկում փուլում էր գետնին:

3.

Ծառերը աւելի ու աւելի խիտ և վիթխարի էին դառնում: Անտառի զովութիւնը անչափ ախորժելի էր: Յանկարծ երեսներիս դիպաւ ջրի խոնաւութիւնը: Զրվեմիքաղը շառաշը ըսկսեց խառնւել տերեսների սօսափիւնի ու թռչունների կանչերի հետ:

— Գետակը, գետակը... Տղերք, ապա տեսնենք՝ ով աւելի շուտ կը հասնի...

Բոլորս էլ սկսեցինք ցած վագեր էջքը դժւար էր: Ոտներս սահում էին շուտ-շուտ. ամուր բռնում էի ծառերի ըներից ու թփերից, որ չը լինի թէ թափեմ զամբիւղներս:

Քարքարոտ ձորի խորքում կայտառ թռչկոտում էր լեռ-

ինային վտակը: Զամբիւղներս արեի շողքից թաքցրի մի թփ տակ ու բարից քար ցատկելով: հասայ ընկերներիս: Շրջակայ քարերը շուտով ծածկւեցին մեր գոյնզգոյն շապիկներով, գուլպաներով, զլխարկներով: Գրեթէ միաժամանակ թափեցինք ջուրը:

Ցրտից ճշացի: Գոռում զոչում էինք, իրար ջուրն էինք կոխում, սրսկում, ջրի տակն էինք սուզում, մէջքի վրա ձգւում, դուրս վազում ափը, նորից վտակի մէջ թռչում, անցնում ջրվէժի տակ ու փրփուրի մէջ պառկում: Մեծերը նկատեցին, որ ես ցայտերից շատ էի վախենում, բոլորն էլ ինձ վրա յարձակւեցին ու ջուր էին ածում աշքերիս, բերանիս, ականջներիս: Շնչակտուր դուրս պրծայ ջրի միջից, վազեցի հեռու, նստեցի մի չոր բարի զլխի ու սկսեցի արևի տակ տաքանալ: Յետոյ կամացուկ մօտեցայ, շորերս արագ հաւաքեցի ու վախայ լողացողների մօտից:

Այնպէս թեթև էի զգում ինձ լողանալուց յետոյ. ոչ մի յոգնածութիւն: Ախործակս բացւել էր: Շտապեցնում էի ընկերներիս, որ դուրս զան շուտով: Նստենք ճաշի:

Ուտելեղէնները շարեցինք կանաչ խոտերի ու լայն-լայն տերենների վրա, ծառերի խիտ սաղարթի տակ և անուշ ճաշարինք: Ծարաւում էինք թէ չէ, վազ էինք տալիս ցած վտակի մօտ. այնտեղ քարի տակից բըղիսում էր մի սառնորակ աղբւրը: կոանում էինք ու հէնց ճիշտ ակնից ջուր ծծում...

Ճաշից յետոյ, երբ բոլորը դէս ու դէն ցրւեցին, զամբիւղներս տարայ մի հաստարմատ թխկու տակ ու ինքս էլ կողքին ձգւեցի, կանաչ խոտի վրա: Անտառը լցւած էր մեղմ ձայներով: Երբեմն հովիկը սըւսըւս ցնում էր տերենները: Իսկոյն քնեցի: առաւօտը շատ վազ էի զարթնել...

— Հէյ, հէյ, ժամանակ է, ժամանակ է, տուն, — կանչում էր մեր ուղեցոյցը: Քնից վեր թուայ...

Արեր արդէն իջել էր, երբ սկսեցինք մօտենալ մեր զիւ-

զին. Խըճիթների բակերից բարձրանում էին ծխի սիւներ,  
քամին կալերից դարմանի փոշին տանում էր հեռու. նախիրը  
մտնում էր զիւղը. Գիւղում աղմուկ էր. հորթերը բառաշում  
էին, շները հաչում, օդի մէջ զիլ ծզրտալով ծիծեռնակների  
խմբերը սուր սլանում էին և պտոյտներ անում:

Մտանք զիւղը. Աղբիւրի մօտ հաւաքւել էին հարմներն  
ու աղջիկները՝ սափորներով, կժերով:

Մայրիկս սպասում էր մեր ամարանոցի պատշգամբում:  
Վազէվազ ելայ սանդուղքի աստիճաններով, ու ամբողջովին  
կարմրատակած, մեկնեցի իմ զամբիւղները:

—Մայրիկ ջան, ինչքան մոռ եմ քաղել քեզ համար:

## 85. Չանասեր հնձորներ

Ալէքսան

ու իր տասնեինը փեսան,  
քսան գերանդի,  
քառասուն յեսան:  
Նստեցին,  
սրեցին,  
կերան, խմեցին,  
պառկեցին, քնեցին,  
քաղեցին,  
փոցխեցին,  
կառեցին,  
բարգեցին,  
վերջին անգամ որ համբեցին,  
տեսան՝  
բարդից պակաս էր քսան:

1) Ծշմարիտ «չանասէր» հնձորները ինչպէս կանէին:

2) Քսան հոգով այդ օրը քանի խործ բարդեցին, եթէ բարդը  
քսան խործ է:

Առած.—Հաց ու պանիր, կեր ու բանիր,

## 86. Գառնիկ ախպէր

Երկու որբեր,  
քուր ու ախպէր,  
կորած գնում են  
հեռու.

արեր վառ,  
ճամփէն երկար,  
ոչ աղբիւր կայ,  
ոչ առու:


Քոյրը մեծ էր,  
ոնց որ լինէր  
կը համբերէր արեին,

բայց ախպէրը փոքրիկ էր դեռ,  
չէր զիմանում ծարաւին:

Գրնում են, գընում, տեսնում են ճամփին  
կովի ոտնատեղ՝ մէջը լիւր ջուր:  
«Քուրիկ ջան, քուրիկ, ես շատ եմ ծարաւ,  
ինչ կը լինի թողնես խրմեմ մի պուճուր»:  
—Զէ, ախպէր ջան, չէ, զու կով կը դառնաս,  
կովի կը ճղակի տեղից մի խմի  
մի քիչ էլ կացի... քիչ էլ որ կենաս,  
առաջներս պաղ աղբիւր կայ հիմի.

Երկու որբեր,  
քուր ու ախպէր,  
գընճում, գնում են հեռու.  
արեր վառ,  
ճամփէն երկար,  
ոչ աղբիւր կայ, ոչ առու:

Գրնում են, գընում տեսնում են ճամփին  
ձիու ոտնատեղ՝ մէջը լիքը ջուր:  
«Քուրիկ ջան, քուրիկ, ես շատ եմ ծարաւ,  
ինչ կը լինի թողնես խրմեմ մի պուճուր»:  
—Զէ, ախպէր ջան, չէ, զու ձի կը դառնաս,  
ձիու սմբակի տեղից մի խմի.



մի թէչ էլ կացի, թէչ էլ որ կենաս՝  
մօտիկ մի զուլալ աղբիւր կայ հիմի.

Երկու որբեր,  
քուր ու ախպէր,  
զընում, զընում են հեռու.  
արել վառ,  
ճամփէն երկար,  
ոչ աղբիւր կայ, ոչ առու.

Գընում են զընում, տեսնում են ճամփին  
գառան ոտնատեղ՝ մէջը լիոը ջուր.  
Փոքրիկ ախպէրը էլ չի համբերում,  
քըրոջից թաքոն խընում է պուճուր:  
Թոյրը մին, էլ ետ է նայում,  
որ մի գառը մզկըտալի  
իր ետեից տխուր մայում  
ու մայելով վազ է տալի:  
—Այս, իմ Մանուկ, որբ ու անտէր,  
իմ անլեզու, Գառնիկ-Ախպէր,  
էլ ինց անեմ, ինչ անեմ ես...—  
Կանչում է խեղճ Մանուշն էսպէս,



3.

Սոված ու ծարաւ զընում են զընում.  
զընում են, զընում, չը զիտեն թէ ուր.

վայ է տալիս,  
լալիս, լալիս.  
բայց էլ ի՞նչ անէր,  
բայց էլ ի՞նց անէր...  
Երկու որբեր,  
քուր ու ախպէր,  
գառն ու աղջիկ  
մոլորւած,  
հեռու հանգում  
տրխուր-տրբտում  
զընում, զընում են  
կորած:

վերջապէս մի հով անտառ են մըտնում.  
անտառի միջին մի զանգակ աղբիւր.  
Կուշտ կուշտ խըմում են էն սառը ջրից.  
յետոյ Մանուշը ծառն է բարձրանում,  
Գառնիկ Ախպէրն էլ ծառերի տակին  
մուշ մուշ արածում, արոճ է անում:  
Իրիկւան պահին խրխինջ ու քըրքիջ...  
լըցում է յանկարծ անտառն աղմուկով,  
մօտիկ են զալի ձայները քիչ-քիչ...  
լըսում են նըրանք ահով ու դողով...  
Եւ ահա ոսկի սահածերից բանած՝  
բերում են ջըրեն ձիանքըն արքայի.  
ամեհի ձիանքն աղբիւրից խըրտնած՝  
ծառս ծառս են կանգնում ու մօտ չեն գալի.  
Մըտիկ են տալի ծառայքը մէկ էլ,  
որ սիրուն մի ցոլք ջըրի մէջն ընկեր  
ու ջուրը բանի ալիք է տալի,  
նա էլ ջրի հետ գլնում է գալի.  
Նայում. են վերե. ինչ տեսնեն, Աստւած,  
մի հուր-հրեղէն, մի շարմաղ աղջիկ,  
ծառի ճիւղերին նազելի նստած՝  
նայում է ներքի լըսիկ ու մընջիկ.  
մի սիրուն աղջիկ, արմանք ու զարմանք:  
Զարմանք է պատում խեղճ ծառաներին:  
Տէր Աստւած, արդեօք ինչ հրաշը է սա,  
վայրի անտառում իջած էս ծառին:  
Ու ծառաները գառն ու աղջկան  
առնում են բերում պալատն արքայի.  
«Ո՞վ ես գու, սիրուն, հարցնում է արքան,  
անբան զառան հետ ի՞նչ ես ման զալի»:  
Կանգնում է աղջիկն էստեղ նորից նոր  
պատմում է, ինչ որ պատմեցի ես ձեզ,  
թէ՝ ապրած կենաս, ահեղ թագաւոր,  
մեր բանը հապա, էսպէս ու էսպէս.. .  
Թագաւորն երբ որ լըսում է մին-մին՝  
և շատ ցաւում է և շատ հաւանում,

անում է նրան իրեն թագուհի,  
եօթ օր, եօթ գիշեր հարսանեք անում:

4.

Պալատումը կար նսխանձոտ ու չար  
մի պառաւ կընիկ, հընուց աղախին.  
Նախանձում է սա, թէ ոնց պիտի գայ  
մի որբ՝ թագուհի դառնայ մեր զլխին,  
Մի օր էլ գոլիք գրլուխ է տալի,  
առաջը կանգնում կեղծաւոր գովում.  
— Արի քեզ տանեմ, սիրուն թագուհի,  
չըփ-չըփ լողացնեմ շարմաղ էն ծովում:  
Խարում է, տանում, զցում ծովի մէջ,  
շորերը առնում, ետ բերում քաղաք,  
հազցընում իր սև, դարձւոր աղջկան,  
պալատ ուղարկում թագուհու տեղակ:  
Երեսը ծածկած թանձր շըղարշով  
պատ է մանում էն սուտ թագուհին,  
ու թագաւորն էլ կասկած չի տանում,  
թէ ով է եկել բազմել իր գահին:  
Բայց ինչ անում են, ինչ որ չեն անում,  
չեն կարում էլ տուն բերեն զառնիկին.  
բըղղում է էս ափից էն ափն է վազում,  
բըղղում է էն ափից ետ գալի կրկին:  
Ի՞նչ անենք սըրան, ոնց անենք սըրան.  
Պառաւն ու աղջիկ շատ միտք են անում,  
վերջը գալիս է դարձւոր թագուհին  
անկողին մըտնում, հիւանդ ձեանում:  
— Վայ, աման, մեռայ... հայ, հարայ, մեռայ...  
«Ո՞րտեղդ է ցաւում, սիրուն թագուհիս,  
ի՞նչ կուզես, ասա», — ինդրում է արքան,  
ի՞նդրում գրլիխովք պտոյտ է գալիս:  
— Ախորժակ չունեմ... ես բան չեմ ուզում...  
Գառնիկի մրսից որ լինի՝ կուտեմ...»


Եւ թագաւորը մընում է սառած,  
սառած, շրւարած, կանգնած կնոջ դէմ.  
«Բայց չէ սր, Մանուշ, քո եղբայրն է նա,  
ոնց ես նրա միսն ուզում դու հիմա»...

— Ի՞նչ անեմ, ինձնից նա աղիզ հօ չի.  
ես որ մեռնում եմ, թող նա էլ կորչի...  
Վայ հարայ, մեռայ... հայ հարայ աման...  
Ու թագաւորը տալիս է հրաման.

«Կրրակ վառեցէք,  
դանակ սըրեցէք,  
բերեք մորթեցէք Ախալէր Գառնիկին,  
որ առողջ լինի իր քոյրը տիկին»:  
Թագաւորն էսպէս պատէր է տալի,  
պատէր է տալի ու գուրս է գալի,  
զընում է ծովափ սաստիկ որտնեղած,  
թէ հրքան Մանուշն անսիրա է եղած...

5.


Մայում է լալիս Գառնիկ Ախալէրը,  
լացացնում է մէռ ծովի ափերը,



մի ափից բըռնած միւսն ափն է թըռչում,  
մարդկային լեզով քըրոջը կանչում.

— Քուրիկ ջան, քուրիկ, կրրակ են վառում,  
կրրակ են վառում, դանակ են սըրում:  
Քուրիկ ջան, քուրիկ, լրսիր անդունդից,  
հասիր անդունդից, սպանում են ինձ:  
Լրսում է արքան՝ տեղը քար կըտրած,  
և ալիքների միջիցը յանկարծ  
շատ ծանօթ մի ձայն հեռու, խուլ ու խոր,

կանչում է քնրուշ, կանչում է անզօր:  
 «Ախպէր ջան, ախպէր անհէր ու անմէր,  
 անրուր ու անտէր իմ Գառնիկ Ախպէր,  
 ղըժւտր է տեղը. ձէնրս չեն լում.  
 ձէնը չեն լրսում, ձեռրս չի հասնում:  
 Ա՛խ, չար պառաւր սկ արաւ օրըս,  
 այժմ էլ կր սպանի Գառնիկ-Ախպէրսա:  
 Լըսում է արքան, պալատն է վագում,  
 պատում է քողը թագուհու դէմքի.  
 պատում է տեսնում... բայց ինչ է տեսնում,  
 նվ է իր գահին եղել թագուհի...  
 —Եկէր, ձկնորսներ, ուռկան ձգեցէր,  
 հանեցէք ծովից մեր լաւ Մանուշին.  
 Եկէր, դահիճներ, ծովը ձգեցէր  
 կախարդ պառաւին ու էս հրբէշին:  
 Էսպէս բարկացած գոռում է ալքան,  
 ժողովուրդն ամեն թրնդում է ցաւից,  
 զալիս է կանգնում, ձըգում է ուռկան,  
 անմեղ Մանուշին հանում է ծովից:  
 Գառնուկ-Ախպէրն էլ անշափ խընդումից  
 պատում է անբան ոչխարի մորթին,  
 դուրս զալի, կանգնում սիրուն պատանի,  
 ուրախ ու պայծառ՝ իր քրոջ կողրին:  
 Իսկ չար պառաւին, իրեն աղջկան,  
 որ խաբել էին աշխարհ բովանդակ,  
 վըզներից կապում ջաղացի բարեր,  
 ձըգում են ծովի անդունդը անտակ:  
 Երկու որբեր  
 բուր ու ախպէր,  
 առած պատիւ, գահ ու թագ.  
 աշխարհն էլի  
 խաղաղ ու լի,  
 շարը թաղւած ծովի տակ:



## Յ ա ն կ

1. *Առաւօտ . . . . .	3	25. *Ուրագ ու սղոց . . . . .	29
2. *Դպրոցի ճամփան . . . . .	3	26. Աղւէնը բաժանարար . . . . .	30
3. Աստծու սեղանը . . . . .	4	27. Համլիկի աղօթքը . . . . .	31
4. *Հովկի հրաժեշտը, Շիլիքը	6	28. *Շումն ու կատուն . . . . .	32
5. Ծիծեռնակների չուն . . . . .	6	29. Բրդուտ խաղընկերը . . . . .	34
6. *Ծիծեռնակ, Դողովնեան . . . . .	7	30. *Ամպն ու սարը . . . . .	35
7. Ճամփորդներ . . . . .	8	31. Իշուկի գանդատը . . . . .	37
8. Եղնիկի տէրը . . . . .	9	32. Հետաքրքիր Բարկէնը . . . . .	38
9. *Աշուն . . . . .	10	33. *Ցուրտը փչեց, Մ. Նոլը . . . . .	40
10. Դասին . . . . .	10	34. Քեռի Սիմօնի նապաստակը . . . . .	41
11. Փոքրիկ խանութպանը . . . . .	11	35. *Մի բաց նամակ ամենքին . . . . .	44
12. *Աղւէսն ու իր պոչը,		36. Փող . . . . .	45
		37. *Ծաղիկները . . . . .	46
		38. Զմեռը . . . . .	46
		39. Վէճը . . . . .	48
		40. *Մի կաթիլ մեղքը . . . . .	48
		41. Ածխարարն ու պարոնը, ըստ Ամիչիսի . . . . .	54
		42. *Գարնան կարօտ, Գ. Քաթ. . . . .	56
		43. Խաղը . . . . .	56
		44. *Կանանչ ախպէր . . . . .	57
		45. Առիւծի երազը . . . . .	58
		46. *Մարտը . . . . .	59
		47. Թէ ինչու են ծաղկում մանուշակները . . . . .	60




48. *Մանուշակ,	Գողոխնեան	61
49. Մշտական	ճամփորդ	62
50. *Արագիլ		64
51. Արագիլները,	Անդերսէն	64
52. *Ծիծեռնակ		68
53. Մժզուկը,	ըստ Մ. Սի- միրեակի	69
54. *Արօր,	Ռաֆֆի (փոփոխ.)	72
55. Զիու	արտունջը	73
56. *Աքլոբն	ու մարդարիտը, Ա. Խնկոյեան	73
57. Հատիկի	զարթնելը	74
58. *Գիւղացին	ու արջը, Ա. Խնկոյեան	75
59. Շունն	ու նապաստակը	77
60. *Կորեկի	հատիկ	77
61. Զախչակ	թագաւոր	78
62. *Ուլունք		84
63. Կարմրակատար		85
64. *Թոչունի	մտածմունքը	86
65. Ուր է իմ	արելը	87

66. Տղան	ու արել	89
67. Երկրի	շուրջը	89
68. Անձունի	ճաւախիկը	90
69. *Զարի	վերջը	92
70. Կապիկը		98
71. Սարդը		101
72. Մեխի	պատմութիւնը	102
73. Խըտիլակ		103
74. *Ճնճղուկներ		105
75. Մրջնոց		106
76. Վուշ		107
77. *Կաղնու	վարձւորները	109
78. Ողնին	ու օձը, Յ. Ապրես.	109
79. Երեք	գեղձ	111
80. *Գետակը		112
81. Թրթուրն	ու խխունջը	113
82. Կէս	ինձոր	114
83. Աղբիւրը		116
84. Մոռ	քաղելու	117
85. *Զանասէր	հնձւորներ	120
86. *Գառնիկ	ախպէր	121

### ՀԱՆԵԼՈՒԿՆԵՐԻ ՀՈՒՇՈՒՄԸ

1. Ճամփայ		9
2. Տասներկու ամիսներ		10
3. Գիրք	ու տառեր	11
4. Երկինք	ու տառեր	17
5. Ծով	ու նաւ	23
6. Հոր		25
7. Պատրոյկ		47
8. Արտ		72
9. Այգի		73
10. Ճորին		74
11. Բերան, ատամներ		104
12. Մրջնոց		107
13. Կրիայ		110
14. Գետ		112
15. Կաղամբ		114



## Լ Ա Բ Ս Ա Բ Ե Ր

Ա.Ա.ԶԻՒ ՏԱՐԻ  
ԵՐԿՐՈՐԴ ՏԱՐԻ  
ԵՐՐՈՐԴ ՏԱՐԻ  
ՉՈՐՐՈՐԴ ՏԱՐԻ  
ՀԵՆԳԵՐՈՐԴ ՏԱՐԻ

Դիմել՝ Տիֆլիսъ, Եбутовская, 25. Ст. Писиціану  
կամ պահեստին.—Тифлисъ, Книжный магазинъ  
«Гирь» («Գիր»):

2013

3680

ՀՀ Ազգային գրադարան



NL0059794

